

ÑICWOFUN II

Ahazia hâmoc-ticnere binan

¹ Ahaba hâmome Moabi ñic jañe Israe ñic rângeñke-jarembiñ. ² Eme Ahazia e Samaria mârenko juhuc ficticne fengañne 2 irec sac âte tantañnerâ waha qarâ huc bame fowec. Fohuc kiñaññic-fâcne ziñuc muhuc jaza sorec ewec: “Ñoñe rarâ Ekoronñe nemu Baali-3ebubu e huc zizi behecnuocmu me mâcne irec mu wioc ecneniñ.” ³ Ehamo Wofunñe anelozi Tisibe ñic moc zâñene Elia ziñuc âzâcnewec: “Ajoc, go faharerâ ra Samaria ñicwofunñe kiñaññicfâc bâfuac-joparâ ziñuc jazac: ‘Hâc, ñoñe manapie Israe mârenko Anutu mi jukac irec Ekoronñe nemu Baali-3ebubu e mu wioc ecneniñte rangopien?’” ⁴ Irec Wofun e ziñuc mukac: ‘Go fofogaonec mi faharehuc hâmo-jâmbânkecmu hâcne!’” Inuc âzâcneme Elia e faharerâ rawec.

⁵ Eme kiñaññic jañe ñicwofunñtao risiepie wio-jarerâ muwec: “Ñoñe wemocte risienñgopien?”

⁶ Mume jañe âzâcnerâ mumbiñ: “Ñic moczi fisi bâfuac-nâporâ ziñuc nâzâjec: ‘Ñoñe ñicwofunñ sorec-ñopajec erao mocwâc risierâ ziñuc âzâcneniñ: Wofun e ziñuc mukac: Go manatec Israe mârenko Anutu mi jukac irec Ekoronñe nemu Baali-3ebubu e mu wioc ecneniñte ñic sorec-jopakomec? Irec go fofogaonec mi faharehuc hâmo-jâmbânkecmu hâcne.’”

⁷ Jañe inuc âzâcnepie wio-jarerâ muwec, “Ñic

e weninucnezi fisi bâfuac-ŋoparâ dân i ŋazajec?”

⁸ Mume dân zɪŋuc bâtikiecnembiŋ: “E qizec susuc-ticne zorícne, erâ umbika moc becsahaczi bakicne i ombâŋnao jomajec.” Inuc âzâcnepie muwec, “I Tisibe ŋic zâŋene Elia eki hâcne.”

⁹ Ŋicwofuŋzi inuc murâ momori 50 jaŋere micne moc e momorifâc-ticne 50 jaŋehéc sorec-jopawec. Eme Elia e tiki mocte botâŋnao ŋehame momori jaŋere micnezi fe fisirâ zɪŋuc muhuc âzâcnewec: “O Anuture ŋic, go ŋicwofuŋzi hufâcmurâ mukac.” ¹⁰ Inuc mume Eliazi momori 50 jaŋere micne dân zɪŋuc bâtikiecnnewec: “No Anuture ŋic jukopacko sambâŋkonec zoc waharâ go gahacne â momorifâcge 50 ŋoŋe zâsen-ŋopazejec.” Inuc muhame mi sambâŋkonec zoc waharâ micne e jahacne â momorifâc-ticne 50 zâsen-jopa-fârezejec i.

¹¹ Ehame ŋicwofuŋ e mocwâc momori 50 jaŋere micne moc e momorifâc-ticne 50 jaŋehéc sorec-jopawec. Eme momori jaŋere micne e ferâ Elia zɪŋuc muhuc âzâcnewec: “O Anuture ŋic, go ŋicwofuŋzi biac jâmbâŋ hufâcmurâ mukac.”

¹² E inuc mume Eliazi dân zɪŋuc bâtikiecnnewec: “No Anuture ŋic jukopacko sambâŋkonec zoc waharâ go gahacne â momorifâcge 50 ŋoŋe zâsen-ŋopazejec.” Inuc muha izia Anuture zoczi sambâŋkonec waharâ micne e jahacne â momorifâcne 50 zâtâmirec-jopawec.

¹³ Ehame ŋicwofuŋ e harierâ momori 50 moc jaŋere micne e momorifâcne 50 jaŋehéc sorec-jopawec. Eme momori 50 i jaŋere micne eki fe fisirâ Elia dienzi hecnewec. Ehuc mu wâwâsic

ecnehuc muwec, “O Anuture ŋic, go sifu juju-nane â kiŋaŋ qaqaŋcge zi jaŋere juju i honetec wiac furi sâko ezejec. ¹⁴ Manakic, sambâŋkonec zoczi waharâ momori 50 jaŋere micne jajahec â gurufâc-jekic 50 guru jajahec jaha mâmâc zâtâmirec-jopawec; nore juju ine sifu honetec furi sâko ezejec.” ¹⁵ Inuc mume Wofunŋe aŋelozi Elia ziŋuc âzâcnewec: “Go ehec huc; go ere mi hâwicguoc.” Inuc mume Elia e faharerâ momori jaŋere micne ehec ŋicwofunŋtao hupic. ¹⁶ Hu fisirâ ŋicwofun ziŋuc muhuc âzâcnewec: “Wofun e ziŋuc mukac: ‘Go Israe mârenko Anutu mi jume tinac Ekoronŋe nemu Baali-Ŋebubu e mu wioc ecneninŋe kiŋaŋ sorec-jopamenŋe fofogaonec mi faharehuc hâmo-jâmbâŋkecmu hâcne.’ ”

¹⁷ Eme ŋicwofun e Eliazi Wofunŋe dâŋ muwec irec sâc hâmowec. E hâmome ŋokâ-ticne moc mi juwecte qaticne Jehoramzi tucticne qawec. I Josafata ere ŋokâ Joramzi Juda ŋicwofun jume jara jajahec eha inuc fuawec. ¹⁸ Ahaziazi wiac gâcne ebac ewec i ŋenŋoma Israe ŋicwofun jaŋere Binaŋ Qâhâcko qârenke-fârekicne.

2

Eliazi sambâŋko fewec

¹ Juku Wofunŋi zâzâkirin mâŋaŋko Elia sambâŋko bafeocte damenŋ bawec i bemberŋkeme Elia â Elisa jahe Giligali haeonec hahata rapic. ² Ehuc Eliazi Elisa ziŋuc âzâcnewec: “Go zira juc; no ine Wofunŋi Bete haeo rapemurâ sorecnukac.” Inuc mume Elisazi muwec, “Wofun e jujâmbâŋkekcac â go wâc jukic, irec

erâ no mi behecgupemu.” Inuc mume jahe mâmâc jaha Bete haeo hupic. ³ Hu fisipire porofete jaŋere motecfâc Bete haeo jumbiŋ jaŋe Elisarao fisirâ ziŋuc âzâcnembiŋ: “Go miŋecgac Wofuŋzi bombonŋe gowac roocmu i moc manahuc jukomec me?” Inuc wiocnepie dân ziŋuc bâtikie-jarewec: “Oc, i manakopac, irec boc mi muniŋ.”

⁴ Inuc mume Eliazi ziŋuc âzâcnewec: “Elisa, go zira juc; no ine Wofuŋzi Jeriko haeo rape-murâ sorecnukac.” E inuc mume dân ziŋuc bâtikiecnewec: “Wofuŋ e jujâmbânkekec â go wâc jukic, irec erâ no mi hetaracgupemu.” Inuc âzâcneme jahe mâmâc jaha raku Jeriko haeo fisipic. ⁵ Fisipire porofete jaŋere motecfâc Jeriko haeo jumbiŋ jaŋe Elisarao fisirâ ziŋuc âzâcnembiŋ: “Go miŋecgac Wofuŋzi bombonŋe gowac roocmu i moc manahuc jukomec me?” Inuc mupie dân ziŋuc bâtikie-jarewec: “Oc, i manakopac, irec boc mi muniŋ.”

⁶ Inuc mume Eliazi âzâcnewec, “Go zira juc, no ine Wofuŋzi Jordan opâo rapemurâ sorecnukac.” E inuc mume Elisazi muwec, “Wofuŋ e jujâmbânkekec â go wâc jukomec, irec erâ no mi hetaracgupemu.” Inuc mume jahe mâmâc jaha zuhuckerâ rapic. ⁷ Ehame porofete motecfâc-jeŋic jaŋeraonec 50 jaŋe wâc bâjâpec-jofarâ jahehec mâmâc jaha rarâ taicko domahuc Jordan opâ mecnao domahapire honec-jofambiŋ. ⁸ Eme Eliazi ŋaqi-ticne qâzâkirinŋerâ opâ qame tâcnerâ ŋifec â ŋifec ferâ domaha jahe kereŋnao fotâcnepic.

⁹ Fotâcnerâ Eliazi Elisa âzâcnerâ muwec, “No mi rocnuhapie gohec jukopackoa wemo wiac egarepemunâ manasukic i nazac.” Inuc âzâcneme Elisazi muwec, “Gore mârozi norao qârâhnea fome rauckepemunâ enarekac.” ¹⁰ Inuc mume Eliazi muwec, “Go dân mukomec i manape nemâcne ekac. Erâ rocnuapie honecmuo ine mukomec inuc hâcne fua-gareocmu. Mi honecmuo ine mukomec i wâc mi fua-gareocmu.” ¹¹ Inuc âzâcneme nazañ gazañ ehuc rahapire keretac â becâsic zocbârũnehec ututuñ jaha fuarâ bârâwiñ-jofahuc Elia zâzâkirin mângânko rorâ sambânko bafembiñ. ¹² Bafepie Elisazi wiac i honerâ owackehuc muwec, “Mamac-nane, mamac-nane, Israere keretac â becâsicko rara ñic!” Inuc murâ Elia honeocte fiipiewec.

Elisazi Eliare tuc qawec

Inuc erâ e jahacne ñaqi qoruc rorâ fârehuc bâsuckeme dâkâne jajahec ewec. ¹³ Erâ Eliazi ñaqi hetarama wahawec i rorâ risie ra Jordan opâ mecnao domawec. ¹⁴ Ehuc Eliazi ñaqi hetarama wahawec i rorâ zĩnuc muhuc opâ qawec: “Eliare Wofuñ Anutu e wena?” Inuc muhuc opâ game opâzi râwiñnerâ ñifec â ñifec ferâ domaha fotâcnewec.

¹⁵ Eme Porofete jañere motecfâc Jeriko haeo jumbiñ jañe domahuc honeku mumbiñ, “Eliare mârozi Elisarao fotâcnekac hâcne.” Inuc murâ fisi bâfuarâ manfuñnao mârenko fodapembiñ. ¹⁶ Inuc erâ zĩnuc âzâcnembiñ: “Manakic, kiñañ qaqañcge nâñerao ñic tâpirihec 50 juñgopien, jañe mana-jaretec rarâ bombonje basanzepien.

E Wofun̄te Mârozi ro baferâ tiki botânko me wân̄eñ mocko behejec mecne.” In̄uc mupie muwec, “Ñoñe mi sorec-jopan̄zepieñ.” ¹⁷ Eme jañe fotariecn̄ekupie fañierâ mume ñic 50 sorec-jopambiñ. Eme jañe rarâ zoañ gie bapa ja-hec â moc basambiñ, erâ sifu mi bâfuambiñ. ¹⁸ Eme Elisa e Jeriko haeoa juhame risiepie jazarâ muwec, “Wiac no mi ran̄iñte ñazapo i.”

¹⁹ Eme hae irec ñic jañe Elisa z̄iñuc âzâcn̄embiñ: “Hae-nâñec z̄i bian̄ne jâmbân̄ bakicne ñekac i go gahac sâcne honekomec. Mocjaha, opâzi sâqocne â mâreñ wâc guet tâmiric.” ²⁰ In̄uc mupie muwec, “Râqâc qâricne moc hâwec râerâ baware-naren̄iñ.” In̄uc mume rorâ râcn̄embiñ. ²¹ Râcn̄epie e opâ zâñeo rarâ hâwec beheme hume muwec, “Wofun̄ e z̄iñuc mukac: No opâ z̄i bâpian̄kekopacte hâmo qanzarañ tâmiric fua sawec erahuc jun̄zepieñ.” ²² Irec Elisazi dâñ muwec irec sâcko opâ i damen̄ z̄iñuczia hucukic tâmiric foweczi fokac jaha.

²³ Eme Elisa e Jeriko haeonec Bete haeo fewec. E hatao fehame motec piic piic gâcne jañe haeonec waharâ bâfuahuc mu zorañ ecnehuc mumbiñ, “Utu pârac go ferac! Utu pârac go ferac!” ²⁴ Jañe in̄uc epie e forisierâ honec-jopahuc Wofun̄te zâñeo sâwec-jopawec. Sâwec-jopame bea* ñokacne jajaheç jahe kâteonec wefurâ motec 42 kisuc qâsuc-jopapic. ²⁵ Eme irecn̄ec ine Karamele tikio rawec. Erâ fotâcnerâ Samaria mâreñko risiewec.

* **2:24:** Qowi mimicne â kâc̄qene mocte zâñe.

3

Jehoramzi Israe ñic jañere ñicwofuñ juwec

¹ Josafata e Juda ñicwofuñ jume jara 18 eha Ahaba ñokâ-ticne Jehoramzi Samaria mârenko juhuc Israe ñic jañere ñicwofuñ ewec. Erâ jara 12 ñicwofuñ gie bahuc juwec. ² Ehuc Wofuñte zâñe faio wiac mamakâcne ewec. Erâ i nenɣoc mamac jahecne jahere sâc wâc mâcne, e mamac-ticnezi Baali nemure wâtun âkendânɣne rawec i bârârie-fârewec. ³ Erâ sifu Nebatere ñokâ Jeroboamzi Israe ñic hehesic eninɣe qafen-jopawec hehesic ira qohotawec.

Elisazi Moabi ñic bawahac-jopaocte findanɣân muwec

⁴ Moabi ñicwofuñ Mesa e lama gume bâsokac ejare jujec. Erâ mucnekicne sâc jarane jarane lama motecne 100 tausen jaha rorâ Israe ñicwofuñtao râeme rajujec. ⁵ Juku Ahaba hâmome Moabi ñicwofuñzi Israe ñicwofuñ râñɣenkecnewec. ⁶ Inuc eme ñicwofuñ Jehoramzi damen ira Israe ñic biric-jopa-fâreocce Samaria hae beherâ jañerao rawec. ⁷ Ehuc Juda ñicwofuñ Josafatarao dâñ râehuc muwec, “Moabi ñicwofuñ e râñɣenke-narekac. Irec Moabi ñic jañehac zika qanacte nohec sâcne racmu me?” Inuc mume dâñ zinuc bâtikiecnnewec: “No fâpemu. Erâ wiac sasawa fonarekac i gore biñe jaha, no nahacne mecne, ñicfâc-nane mecne, â becâsicfâc-nane mecne, nâñe gore hâcne.” ⁸ Inuc murâ zuhuckerâ wiocnewec, “Hata weninucpec râsi fisi-jarenañmu?” Inuc wiome Jehoramzi

âzâcnewec, “Edom mârenj burocnaopec râsi fisi-jarenzepenenj.”

⁹ Injuc murâ Israe ŋicwofuŋ e Juda ŋicwofuŋ â Edom ŋicwofuŋ jahehec rawec. Eme jâne râsi fisi-jareninŋe zoaŋ gie bapa 7 râreckehuc juhapie momori â qowi bacjopa rambinŋ janere opâ omaewec. ¹⁰ Injuc eme Israe ŋicwofuŋzi muwec, “Oponŋ, Wofuŋ e ŋicwofuŋ jahec â moc nânâc zi Moabi ŋic janere meo râec-nâpoocte hefârec-nâpowec.” ¹¹ Eme Josafatazi muwec, “Nondenŋ- nâneco Wofuŋte porofete moc mi jukac me? E ecnepene Wofuŋ mu wioc ecnezac!” Injuc mume Israe ŋicwofuŋte kinŋaŋ qaqaŋ janeraonec moczi dân zinuc bâtikiecnawec: “Safatare ŋokâ Elisa e zira jukac, eki hâcne Eliare kinŋaŋ qaqa juwec.” ¹² Injuc mume Josafatazi muwec, “Wofuŋte dânzi erao fokac wâc.” Irec Israe ŋicwofuŋ â Josafata â Edom ŋicwofuŋ jâne mâmâc jaha Elisarao humbinŋ.

¹³ Eme Elisazi Israe ŋicwofuŋ dân zinuc âzâcnewec: “Go norao wemocte warekic? Go neŋgoc mamac jahecge jahere porofetefâc janerao rac.” E injuc mume Israe ŋicwofuŋzi âzâcnerâ muwec, “Aricne, Wofuŋ e ŋicwofuŋ jahec â moc zi nânê Moabi ŋic janere meo râec-nâpoocte hefârec-nâpowec.” ¹⁴ Injuc mume Elisazi muwec, “Anutu Tâpiri Qunqasaŋ Wofuŋ e jujâmbânkeme kinŋaŋ qacneekopacte no Juda ŋicwofuŋ Josafata ere boc mi enareme muzac go wâc mi honecguzapo. ¹⁵ Zi ine gae hehe ŋic moc jowa wareninŋ.” Eme gae hehe ŋiczi fisirâ gae heme Wofuŋte tâpirizi Elisarao fotâcnewec.

¹⁶ Fotâcneme muwec, “WofuȚ e zîȚuc mukac: ‘No opâwâc kerenĳekicne zira mupe opâ zâkâȚne zâkâȚne fua fezejec.’ ¹⁷ WofuȚ e zîȚuc hâcne mukac: ‘ȚoȚe mânâȚ me hoe moc mi honehapie opâzi wâc qârosoc zira fuse-fâreocmu. Ehame ȚaȚacne â qowifâc-ȚeȚic, bulimakaofâc-ȚeȚic hâcne, ȚoȚe nânîȚmu.’ ¹⁸ WofuȚzi wiac îȚucne eocte moc mi qunĳekac. Erâ Moabi Țic jaȚe meȚeȚicko râec-jopaocmu wâc. ¹⁹ E îȚuc eme ȚoȚe hae sacsanaȚhec sasawa â hae hone aȚacnehec i ro rauc efâreȚîȚmu. Ehuc jâc bianȚe i qafararâ opâ zaȚe sasawa i âte bâzicke-fâreȚîȚmu. Erâ wâc mâreȚ dâkâne bianȚe i qânâzi hefuse-fâreȚîȚmu.” ²⁰ Hae fureme taha bâzi ee damenĳko opâzi Edom mâreȚkonec waharâ mâreȚ i sâcke-fârewec.

²¹ ȚicwofuȚ jaȚe Moabi Țic râsi rojarehuc fisipie biȚe-ȚeȚic manarâ zîkare wiac babajune Țicmotec â Țic jâmbân mâmâc hefârec-jopapie fisipie mâreȚ-ȚeȚicte mao biric-jopambîȚ. ²² Eme Moabi Țic jaȚe furic uupicte faharerâ honepie zoanȚi wefurâ opâo âeckeme opâzi soc tinac bâbâronȚ ewec. ²³ ÎȚuc honerâ mumbiȚ, “Keci soc jâmbân i, jâmbomac, ȚicwofuȚ jaȚe jaȚaczia qâqâhâmoc embienȚ. Ajoc, ȚicburenȚ, mafa-ȚeȚic rozo rananȚ!” ²⁴ ÎȚuc murâ Israe Țic jaȚere teunĳko fisipie Israe Țic jaȚe faharerâ jopapie wisembîȚ. Wisepie jopa jâpec ejarehuc Moabi Țic afecne mi jopambîȚ. ²⁵ Erâ hae imackehuc mâreȚ guecnehec ira qânâ ropie ferâ Țefacke-fârewec. Erâ opâ zaȚe sasawa âte bâzicke-fârembiȚ â jâc bianȚe i zeȚgoma qafara-fârembiȚ wâc. ÎȚuc

ekupie Kiri-Harese hae mocjahazi sawa ɲewec. Ehame tacbaɲ qaqa ɲic jaɲe wâc fisirâ hae somâckehuc zika qambiɲ. ²⁶ Eme Moabi ɲicwofuɲ e, sâcne mi sananɲepemu iɲuc honerâ zika bapa ɲic 700 rocjoparâ Edom ɲicwofuɲ maickehuc somâmanɲkonec wiseniɲte zika qambiɲ. Erâ sifu mi sananɲkambiɲ. ²⁷ Eme Moabi ɲicwofuɲ e mârâc ɲokâ-ticnezi tucticne qarâ juocte mukicne e rorâ taha bâzi ririkere sac faio râerâ rikewec. E iɲuc eme Israe ɲic jaɲe manapie mamakâcne eme e beherâ mâreɲ-jeɲicko risiambiɲ.

4

Ŋokac hozec mocte wokemaɲzi mi omaewec

¹ Juku porofete jaɲere motecfâc jaɲeraonec moc ere ɲonâɲzi Elisa wâsickehuc muwec, “Ŋowe-nane kiɲaɲ qaqage e hâmowec. Erâ manakic, kiɲaɲ qaqage e Wofuɲ araɲ bacnehuc juwec. Ehame zi tofa-nane bajukac ɲic eki ɲokâ jahec- nane rocjofarâ kiɲaɲ qaqa bacjofaocte warejec.” ² E iɲuc âzâcneme Elisazi dâɲ ziɲuc bâtikiecnewec: “No weniɲucko baficgupemu? Ficgao wemo wiac fokac i nazac.” Iɲuc mume ɲokaczi muwec, “Kiɲaɲ naruge no wiac moc mi fonarekac. Mâc, wokemaɲ zopo mocjaha jâmbâɲ ɲenarekac.” ³ Iɲuc âzâcneme Elisazi muwec, “Wiac go hurâ ra diguracfâcge jaɲeraonec zopo tacne bâfuacmu sâc rozemec. ⁴ Erâ ficgao risierâ motec jahecge jahehec motâc herâ ɲehuc zopo bafisicmu ira wokemaɲ i qonɲiɲketec hurâ fuseme sâc bârârietec ɲezejec.” ⁵ Eme ɲokac e ɲokâ jahecne jahehec ficmaɲko razirâ motâc

hewec. Erâ wokemañ qoñgiñkeme sâc ñokâ jahečne jahe qosečne râcnepic. ⁶ Eme zopo i fuse-fâreme ñokâ-ticne moc âzâcnerâ muwec, “Ajoc, zopo moc narec.” Inuc mume ñokâ-ticnezi muwec, “Qosackejec.” Ehame wokemañzi mâc wahahuc fowec i tâcnewec. ⁷ Inuc eme ñokac e Anutüre ñic erao rarâ âzâcneme eki muwec, “Go rarâ wokemañ irec furine rorâ tofage bazuc. Eme tucne ñeocmu izi ine go gahacne â ñokâ jaheçge dopec-ñopame junzepieñ.”

Elisa â Sunem ñokac jahere binan

⁸ Damañ mocko Elisa e Sunem haeo ñokac moc mafa sâkohec juwec ira rawec. Rame ñokac e nânâ nôocte fotariecnawec. Irec juku damañ ira me ira hata inucpec fotâcnehuc fic ira ferâ nânâ nâjujec. ⁹ Inuc eme ñokaczi ñowe-ticne âzâcnerâ muwec, “Manakic, no ñic zi honepe Anutüre tirinçic moc ekac. E damañ sâc hata zira fotâcnehuc juekac. ¹⁰ Irec nâhâc ficbupuo mañne piticne moc âke tâcnecnac. Erâ ira fofo moc â tebo moc â ñeñe moc erâ lambe moc inuc râecnezeperec. Eme e damañ ira me ira nâhâcnao wareocmuo ine ira ñeñe juju ezejec.”

¹¹ Eme damañ mocko fic ira fisirâ mañne piticne ira ferâ waha fowec. ¹² Fohuc kiñañ qaqa-ticne Gehasi âzâcnerâ muwec, “Sunem ñokac e wiracnec.” Inuc mume Gehasizi wiracneme ra mañfuñ-ticnao domawec. ¹³ Domame Elisazi kiñaññic-ticne âzâcnawec, “Go ziñuc âzâcnec: Honekic, go wiac sasawa zi enâcte-fâremeñ, irec nâhe wemo wiac jaha egarenacmu? Gore okacne ñicwofuñ me momori jañere micne moc sâcne

dân âzâcnenacmu me?” Inuc mupire ŋokaczi dân zĩuc bâtikiewec: “No ŋicfâc-nane jaŋehēc sâcne juekopac.” ¹⁴ Inuc mume Elisazi muwec, “Eme wemo wiac jaha ecnezo?” Mume Gehasizi dân zĩuc bâtikiecnewec: “No zĩuc sawa honekopac: E ŋokâ moc mi jucnekac â ŋowe-ticne e ŋicqizec jâmbân.” ¹⁵ Inuc mume Elisazi muwec, “Wiracnec.” Inuc mume Gehasizi wiracneme fisi motâcko domawec. ¹⁶ Domahame Elisazi muwec, “Go juku damen zĩucne motec moc rorâ bajucmu.” Inuc âzâcneme ŋokaczi muwec, “Aricne, Anuture ŋic, bomboŋ-nane, go kiŋaŋ naruge no mi eatucnuc.” ¹⁷ Eme ŋokac e juku zoaŋ damen funkehamē Elisazi motecte âzâcnewec irec sâcko moc kiweckerâ rowec.

¹⁸ Eme motec e soka-fârerâ zoaŋ mocko padi roro ehuc jumbiŋ ira mamac-ticnerao rawec. ¹⁹ Rarâ mamac-ticne wâsickehuc zĩuc muwec: “O utu- nane, utu- nane!” Inuc mume mamac-ticnezi kiŋaŋ qaqa-ticne âzâcnerâ muwec, “Hâporâ neŋgoc-ticnerao rac.” ²⁰ Inuc âzâcneme kiŋaŋ qaqa e bafahare hâporâ neŋgoc-ticnerao rawec. Eme neŋgoc-ticnezi qicticnao râeme ŋeha gunpitic eme motec e hâmowec. ²¹ Hâmome neŋgoc-ticnezi rorâ bafe Anuture ŋic ere fofoo râewec. Râeme foha motâc herâ rawec. ²² Rarâ ŋowe-ticne wiracnehuc muwec, “Go kiŋaŋŋic jaŋeraonec moc â dongi moc inuc râe-naretec no Anuture ŋic erao biac rarâ risiepe.” ²³ Inuc mume ŋowe-ticnezi muwec, “Go miŋecgac we-mocte erao racmu. Miŋecgac i mosa furune me sabata hombaŋ mi ekac.” Inuc mume ŋonân-ticnezi muwec, “Izi wemo eocmu.” ²⁴ Eme

ŋokac e donɣi sate hecnerâ kiŋaŋŋic-ticne zɪŋuc âzâcnewec: “Go qowi zi ecnetec gasackezejec, unenɣ unenɣ mi juzejec. No nahac gazape ira sawa bânininɣezemec.” ²⁵ Eme ŋokac e raku Anuture ŋiczi juwecko Karamele tikio fisiwec.

Eme Anuture ŋic e ŋokaczi fisime honerâ kiŋaŋ qaqa-ticne Gehasi zɪŋuc âzâcnewec: “Sunem ŋokac taicko warekac ocni, honec. ²⁶ Go picpac jaha rarâ bâfuac. Ehuc zɪŋuc wiocnec: ‘Go sâcne jukomec? Nowege e sâcne jukac me? Erâ motec e wâc sâcne jukac me?’ ” Eme ŋokaczi dân zɪŋuc bâtikiecnec: “Sâcne jufâreŋgopenenɣ.” ²⁷ Inuc murâ ra tikio Anuture ŋic erao fisirâ kike-tic-nao rorâ basanaŋkewec. Inuc eme Gehasi e ro bârârieocte warewec. Wareme Anuture ŋiczi muwec, “E busâqoc faio juhuc ekacte behetec eoc. Wofuŋ e wiac i hesonɣehuc mi mufua-narewec.” ²⁸ Eme ŋokaczi muwec, “Bomboŋ-nane, no motecte moc numu-garepo me? Erâ, ‘Go mi eatucnuc,’ inuc mi gazapo me?” ²⁹ Inuc mume Elisazi Gehasi zɪŋuc âzâcnewec: “Umbikage jomârâ gunu-nane rorâ rac. Ŋic i me i moc hatao bâfuac-jopârâ ‘zoaŋ bianɣ’ mugarepie okacne mi bâtikiezemec. Mâc raku gunu-nane i motecte maio râezemec.” ³⁰ Inuc mume motecte nenɣoczi muwec, “Wofuŋ e jujâmbânɣekac â go wâc jukic, irec no mi behecgupemu.” Inuc mume Elisa e faharerâ bâjâpewec. ³¹ Gehasi e bânierâ ra gunu i motecte maio râewec. Râeme qâreocte fânân me qirinɣ wiac moc mi fuawec. Irec Gehasi e bomboŋ-ticne bâfuaocte risierâ bâfuahuc zɪŋuc âzâcnewec: “Motec e mi qârejec.”

³² Eme Elisa e fisirâ ficmañko razirâ motec e fofo-ticnao hâmocne foha honewec. ³³ Honerâ motâc herâ Wofuñ numucnewec. ³⁴ Erâ motecte faio ferâ masune motecte masuo iticnewec, erâ zâñe â meticnezi injuc jaha efârerâ motecte faio fohame motecte sahaczi hâronkewec. ³⁵ Injuc eme faharerâ ficmañkoa rac warec ewec. Izi motecte faio mocwâc ferâ waha fowec. Eme motec e kisiec arec 7 qawec, ehuc zâñe fiwec. ³⁶ Injuc eme Elisazi Gehasi hefârehuc muwec, “Go Sunem ñokac wiracnec.” Wiracneme ñokaczi Elisarao fisime âzâcnewec, “Ñokâge rorâ bafaharec.” ³⁷ Injuc âzâcneme ñokac e Elisare kikefunko fodapehuc zâñe mai-ticne mârenko hetutuckewec. Injuc erâ fahare ñokâ-ticne rorâ hâpome rapic.

Elisazi mâsi bawec

³⁸ Eme Elisa e Giligali haeo mocwâc risiewec damen ira Israe mârenko roroc luarâ fowec. Eme porofete janjere motecfâc jaje manfunnao ñehapie kinan qaqa-ticne Gehasi âzâcnerâ muwec, “Kuñi kâcqeñe herâ porofete motecfâc-jenñic janjere sic rikec.” ³⁹ Eme ñic moczi gieo romboc roocte ra juku kâteonec rumiwarec muc irec hândâñe i honerâ bojazan hâcne muhuc bocjaha ameckewec. Erâ haeo fisirâ wiac i wemo wiac i mi manahuc game sic kuzio huwec. ⁴⁰ Eme i ñic jaje nâninñe honñe-jarewec. Jaje ine sic i nâhuc owackerâ mumbin, “O Anuture ñic, kuñi zira hâmoc fokac.” Injuc murâ sic i mi nâmbin. ⁴¹ Eme Elisazi muwec, “Nânâ poron uucne bawarenin.” Eme poron i kuzio honñkeme

hume muwec, “Ajoc, ńic hońke-jarepie nâńiń.” Eme kuzi ira ine sisipiric moc mi fowec.

⁴² Eme Baali-Salisa haeonec ńic moczi gie-ticne qâricnaonec padi bâbâronzi poron 20 bakicne i erâ jacgon qâricne kânon-ticnao ńierâ Anuture ńic e bafisicnewec. Eme Elisazi muwec, “Ńic jaretec nâńiń.” ⁴³ Inuc mume kińań qaqa-ticnezi muwec, “No wiac zi weninuc ńic 100 sâko zi jarepe sâcjopaocmu?” Inuc mume harierâ muwec, “Ńic jaretec nâńiń. Wofuń e zinuc hâcne mukac: ‘Jańe nâ tiwâ enińmu.’” ⁴⁴ Inuc mume manarâ hejarewec. Eme ńic jańe Wofuńzi muwec irec sâcko nâ tiwâ embiń.

5

Naemań fâsâewec

¹ Siria ńicwofuń ere momorifâc jańere micne sâko zâńene Naemań e kâcqene-ticnezi mana biankecnahuc manacneme fewec. Naemań e hâcne momori micne bajareme zika gie bahuc jumbińko Wofuńzi mana-jareme Siria ńic jańe râsifâc-jeńic sananke-jare jumbien. Eme momori wânzân ńic e hâcne wicsanań fuacneme ihec juwec. ² Damań ira Siria ńic jańe zika hata juhuc Israe ńic jańere mârenkonec naru piticne moc rombiń, eme naru eki Naemań ńonân-ticne kińań qacnehuc juwec. ³ Juku naru eki hâcne ńokac bombon-ticne zinuc âzâcnewec: “Bombon-nane e Samaria haeo porofete moc jukac ere mańfuńko jume muzac ine porofete eki wicsanań-ticne bâsomezac.” ⁴ Naemań e dâń i manarâ kâcqene-ticnere ficko ferâ âzâcne muwec, “Israe

mârenkonec naru e dân inuc â inuc mukac.” ⁵ Eme Siria ñicwofuñzi muwec, “Wiac sâcne, rac. No ine Israe ñicwofuñ ere papia moc qârenkerâ garepe bara râcnezemec.”

Eme rawec hâcne, ehuc siliwa monen nemâc-ticne ^{10*} â gol monen 6 tausen erâ homban ñaqi 10, wiac inuc barâ rawec. ⁶ Eme Israe ñicwofuñ ere papia bara râcnewec ira dân zîñuc fowec: “Papia keczi bâfuacguhuc dân zîñuc mufua- garezejec: Kîñanñic-nane Naeman wicsanan bâsomic-necmurâ gorao sorepe fakac.” ⁷ Israe ñicwofuñ e papia i woserâ ñaqi-ticne bâsuckerâ muwec, “No Anutu, juju roro â juju bâbâfua me, irec ñic keci e ñicticnere wicsanan bâsomicpemukâ dân râme warekac! Keci honenin, wiac izi âki eha nohec zika bâfuaocte mâsi ekac hâcne.”

⁸ Israe ñicwofuñ e ñaqi-ticne bâsuckewec irec binje Anuture ñic Elisa ere hazecko hume ñicwofuñtao dân kecziñuc râme rawec: “Wemocte ñaqige bâsuckekomec? Ñic e norao soretec wareoc me, erâ Israe guruo porofete moc jukac irec funje manazejec.” ⁹ Dân inuc rame Naeman e becâsic â keretac-ticnehec ra Elisare ficko fisirâ becâsic bâniniñ-jopawec. ¹⁰ Eme Elisa e dân kecziñuc muhuc kîñanñic-ticne soreme Naeman tao wahawec: “Go Jordan opâo hurâ opâ arec 7 ruazemec. Inuc etec sahacge biankeme sahac fâsâc erâ jucmu.”

¹¹ Naeman e ine dân i manahuc mana gâpârêrâ risiehuc kecziñuc muwec: “No manasupac, e

* 5:5: I 20 tausen kinare sâc tinac ekac.

fickonec wahaŕâ mañfun-naneo ware domahuc Wofuñ Anutu-ticnere zâñe riwaseckeocmu, erâ meticnezi qajaen qahuc wicsanañ bâsomieocmu.

¹² Damasko haeo opâ Abana â Farapa jahe Israe mâren̄te opâ sasawa siric-jopa-fârekoopirec. Opâ ruarâ sahaç fâsâc eere hata fome ira sâcne mi ruazapo me?” In̄uc muhuc aaric sâko manarâ risie rawec hâcne. ¹³ Eham̄e kiñañ motecfâcne

jañe mañfun̄nao rarâ ziñuc âzâcn̄embiñ: “Mamac, porofete e wiac ñemâcne moc mutâcne-gareme mi enzañ me? Eme, ‘Opâ ruarâ sahaç fâsâc ec,’ in̄uc sawa gazakac i wemocte mi reñkecmu?”

¹⁴ In̄uc mupie e hurâ Anuture ñic ere micsâcko Jordan̄ opâo arec 7 fo utuckewec; eme izia sahaç-ticne fâsâehuc bian̄kerâ naru motec gegecne jañere sahaç in̄ucne ewec.

¹⁵ Fâsâerâ e jahacne â ñicfâcne sasawa Anuture ñic erao risiemb̄iñ. Erâ fe mai-ticnao domahuc muwec, “Manakic, mâren̄ gâcnao nemu fârine moc mi juñgopien̄, Israe mâren̄ko Anutu jukac e mocjahazi fârine, no in̄uc manakopac. Irec kiñaññicge no bubian̄te wiac garezo ekopac i rozemec.” ¹⁶ Eme Elisazi muwec, “Wofuñ kiñañ qacneekopac e jâmbomac jukacte ere maio mukopac: No wiac i moc mi ropemu.”

¹⁷ In̄uc eme Naemañzi muwec, “I mukicte foha moc numu-garepe: Manahan̄ kiñaññicge no becâsic jajaheczi ââsickene irec sâc mâren̄ mac narepie barazepac; no ocna juhuc nemu mâcne, Wofuñ e sawa taha bâzi wiac rikecnehuc juzo mukopac. ¹⁸ Wiac moc-jaha kecziñuc sawa epe Wofuñzi sifu mana urue-

narezejec: Kâcqene-nanezi nemu Rimonj taha nunumu wiac ecneocte ufuŃ-ticnao feocmu, ehuc me ombân-naneo bâsiŃnehuc nemu Rimonj ere maio fodapeocmu, eme no iŃuc jaha nemu Rimonj ere maio fodapepemu, irec sawa WofuŃzi mana urue-narezejec.” ¹⁹ Eme dân zĩŃuc bâtikiecnawec: “Wamao razemec.”

Eme NaemaŃzi Elisa beherâ rame mi zoraha ²⁰ Anuture Ńic Elisa ere kiŃaŃ motec Gehasizi zĩŃuc manasuweg: “BomboŃ-nane e Siria Ńic NaemaŃzi wiac bawareweg i mi rohuc wemocte mâc soreme risiekac. WofuŃ e jujâmbânkekeacte no bâjâperâ gasacke rahuc eraonec wiac gâcne rozepac.” ²¹ IŃuc murâ NaemaŃ bâjâpewec. Eme NaemaŃ e Ńic moc gasackehuc bâjâpeme hone taraocte keretackonec wahawec. Ehuc wiocnewec, “Wemo wiac?” ²² Wiocneme Gehasizi muweg, “Mâcne, bomboŃ-nane e zĩŃuc gaza-pemurâ sorecnujec: ‘Porofete jaŃere motecfâc jaŃeraonec Ńic jajahec miŃecne mac zi Eferaim tiki mâreŃkonec fisikopirec. Irec go siliwa moner wezimuc mac â hombaŃ Ńaqi jajahec i sâcne jactenzaŃ?’ ” ²³ IŃuc mume NaemaŃzi muweg, “Sâcne siliwa moner bocjaha zi roc.” IŃuc murâ fotariecnehuc siliwa moner bocjaha i kânor jajahecko Ńierâ micne zâfickewec, erâ hombaŃ Ńaqi jajahec i mâmâc rorâ kiŃaŃ qaqa jahec-ticne jactewec. Eme jahe i barâ bâniẽpire Gehasizi râpefuŃ-jekicko rawec. ²⁴ Raku tikio fisirâ ja-heraonec rorâ ficko râewec. Ehuc Ńic jahe sorec-jofame risiepic. ²⁵ Eme Gehasi e ficmaŃko ferâ bomboŃ-ticnere maio domame Elisazi wiocnerâ muweg, “Gehasi go wena jumec?” Wiocneme

Gehasizi muwec, “KiŃaŃ qaqage no ira me ira moc mi rapac.” ²⁶ Inuc mume Elisazi dâŃ zĩuc bâtikiecnawec: “Ńic e gohec bâbâfuac enicte keretac-ticnaonec wahajec damen ira maŃnanezi gohec mi jujec me? Go monen â Ńaqi qoruc romen hâcne. Erâ izi oliwa gie â waiŃ gie â lama bulimakao â kiŃaŃ qaqan ic me Ńokac furine bazo murâ furine bac. ²⁷ Ehame NaemaŃte wicsanaŃ gorao fotâcnerrâ qâricfâcge jaŃerao wâc fohuc juzejec sanaŃ.” Inuc âzâcneme Gehasi e wicsanaŃ qanqan jâmbân sinou inucnehec ehuc bombon-ticnere zâŃe maionec hurâ rawec.

6

Râriczi afeckerâ opâ faio fowec

¹ Porofete jaŃere motecfâc jaŃe Elisa âzâcnerrâ mumbiŃ, “Manakic, goki micne banâretec juenŃopenen fic zi nâŃâcne sâc mi ekac. ² Irec nâŃâc Jordano rarâ ru sâc jâc ronzeopenen. Ehuc ficnâŃec moc barâ ira ŃeŃe juju enzepenen.” Inuc mupie dâŃ zĩuc bâtikie-jarewec: “Sâcne, raniŃ.” ³ Inuc mume jaŃeraonec moczi zĩuc âzâcnawec: “Go kiŃaŃ qaqafâcge nâŃehec razemec.” Inuc âzâcneme muwec, “Sâcne, no mâmâc ranaŃmu.” ⁴ Inuc murâ jaŃehec rawec. Eme jaŃe Jordano fisirâ jâcsiec hembiŃ. ⁵ Eme Ńic moc e jâcsiec hehame râric-ticnezi Ńeunuckerâ opâo huwec. Hume owackehuc muwec, “Opon, bombon-nane, râric i Ńic mocte ropac!” ⁶ Inuc mume Anuture Ńiczi wiocnerrâ muwec, “Wena hujec?” Inuc mume huwec Ńonden i jâutume jâc piticne moc herâ râric huwec ira beheme hume râriczi

afeckerâ wefu opâ faio fowec. ⁷ Inuc eme âzâcnerâ muwec, “Ajoc, roc!” Inuc âzâcneme meticne sicnerâ rowec.

Elisa â Siria ñic janjere binan

⁸ Juku Siria ñicwofuñ e Israe ñic janjehc zika qaocte kinan qaqaface dân zinu muhuc jazawec: “Mâren ñonden ira â ira teun-nane fozejec.”

⁹ Eme Anuture ñic e Israe ñicwofuñtao dân zinu râme rawec: “Rucge bahuc mâren ñonden i mi járuzemec, Siria ñic janj ira hunGOPIEN.”

¹⁰ Eme Israe ñicwofuñ e Anuture ñiczi mâren ñonden mutâcnecnewec ira ru bânjnte kinanñic sorec-jopawec. E inuc ehuc damen sâc ñenjezic bâfuahuc juwec.

¹¹ Eme Siria ñicwofuñ e wiac i honerâ mana mezac boc ewec. Erâ kinan qaqaface hefârec-joparâ zinu jazawec: “Ñoje nazanin, nânâcnaonec mozi Israe ñicwofuñtao roweckerâ juhuc doc bacnâpoekac?”

¹² Inuc mume kinan qaqaface janjeraonec moczi dân zinu âzâcnewec: “O ñicwofuñ-nane, ñic moczi moc inuc mi eekac. Go gun fof ficmanğao dân muekic i porofete Elisa, Israe mârenko jukac, eki Israe ñicwofuñ âzâcneekac.”

¹³ Inuc âzâcneme muwec, “Ñoje rarâ wena jaha jukac i honenin, eme no kinan sorec-jopape rarâ ronzePIEN.” Inuc mume zinu âzâcnembin: “Manakic, e Dotan haeo jukac.”

¹⁴ Inuc âzâcnepie becâsic â keretac â momori guru sâko sorec-jopame ñafeoa fisirâ hae i orânkembin.

¹⁵ Eham Anuture ñic ere kinan qagazi furic uupicte fahare hurâ rahuc honeme momori

â becâsic â keretac jañe hae i orânke-fârerâ jumbiñ. Kiñañ qaqañi iñuc honerâ muwec, “Opon, bombon-nane, nânâc weniñuc enañmu?”

¹⁶ Iñuc mume ziñuc âzâcnewec: “Mi hâwicguoc, nânâcnehec juñgopien jañe jañehc juñgopien i siric-jopañgopien.” ¹⁷ Iñuc murâ Elisazi ziñuc numuwec: “O Wofuñ, no ziñuc numu-garekopac: Go zâñe-ticne bâtâcnetec zâñe fifi eoc.” Iñuc muhame Wofuñzi ñicmotec ere zâñe bâtâcneme Elisa râreckera becâsic â keretac zocbârũñhec tikio jupie honec-jopawec. ¹⁸ Eme Siria ñic jañe râsi fisicnepie Elisa e Wofuñ ziñuc muhuc numucnewec: “Go ñic zi tiñtuñ bacjopacmurâ numu-garekopac.” Eme Wofuñzi Elisa nunumu-ticnere sâcko tiñtuñ bacjopawec. ¹⁹ Eme Elisazi jazawec, “Hata zira mâcne, erâ wâc hae zi mâcne, bâjâpecnuniñ; eme jowac-ñoparâ ra ñic basañgopien erao râec-ñopape.” Iñuc murâ Samaria hao jowac-jopa rawec.

²⁰ Eme Samaria hao fisirâ izia Elisazi ziñuc muwec: “O Wofuñ, go ñic zi jañere zâñe bâtâcnetec mocwâc zâñe fifi eniñ.” Eme Wofuñzi zâñe-jenñic bâtâcneme zâñe fifi ehuc Samaria hae zâzâñiñko jumbiñ i hone tarambiñ. ²¹ Eme Israe ñicwofuñzi honec-joparâ Elisa ziñuc âzâcnewec: “Mamac-nane, no jopape me?” ²² Iñuc mume Elisazi dân ziñuc bâtikiecnecnewec: “Go mi jopazemec. Go zika â tepegezi ñic kâpâcwârũ bacjopamen jañe wemocko jopacmu, zi nânâ opâ hejarepie nârâ bombon-jenñictao mocwâc risieniñ.” ²³ Iñuc mume zepec sâko rike bâmoc ejareme nâpie râec-jopame bombon-

jenictao risiembij. Eme irec Siria ȳic jaȳe Israe m arenko r asi mocw ac mi fisimbij.

Elisa   Samaria hae som ackekicne irec binaj

²⁴ Juku Siria ȳicwofuȳ Benhadazi momorif ac-ticne zengoma biric-jopar  micne bajareme fer  Samaria hae som ackembij.

²⁵ Jaȳe Samaria hae som acker  fohapie hae ira roroc s ako fuar  fowec. Ehame donȳi mocte qizecnere furine siliwa moneȳ 80 r embij   k ate basac r aq ac piticne moc irec furine siliwa moneȳ 5 ewec. ²⁶ Eme Israe ȳicwofuȳ e haesac faio fot acneme ȳokac moczi owacker  wiracnehuc muwec, “O ȳicwofuȳ- nane, go baficnuc!” ²⁷ Inuc mume ȳicwofuȳzi muwec, “Wofuȳzi mi baficguocmuo no weninucko s acne baficgupemu? Padi qaqa tomaonec me wain qaqa nomb  nkonec wiac mocw ac baficgupemu me?” ²⁸ Inuc mur  ȳicwofuȳzi ȳokac zinuc wiocnewec: “Wemo wiac jaha egarekac?” Inuc wiocneme d  ȳ zinuc b atikiecnewec: “ȳokac zizi zinuc nazawec: ‘ȳok  ge qikiȳnetec minecgac nanac, eme tom acko ine nore ȳok  n zeperec.’” ²⁹ Inuc mume ȳok -nane riker  n pec. Eme hae fureme zinuc  z acnepo: ‘ȳok  ge qikiȳnetec nanac.’ Inuc mupe e ȳok -ticne sonkejec.” ³⁰ Eme ȳicwofuȳ e ȳokacte d  ȳ i manar  haesac faio fot acnehuc  aqi qoruc-ticne b asuckewec. Ehame ȳic ȳokac jaȳe z  ȳe fir  honepie ȳicwofuȳ e omb   nao mater  onan ker  juwec. ³¹ Ehuc muwec, “Safati ȳok -ticne Elisa ere qizeczi furu foocmuo Anutuzi b atinu rahuc juzejec.”

³² Eme Elisa e soṇaṇ jaṇehēc ficticnao ṇembiṇ. Ñehapie ṇicwofuṇ e ṇic moc sorewēc. Eme kiṇaṇṇic e mi fisiḥame Elisazi soṇaṇ ziṇuc jazawēc: “Ñoṇe zika qaqa keci e upe-nane qâtâcneniṇte kiṇaṇ sorec-jopajec i moc manañgopieṇ me? Erâ mananiṇ, kiṇaṇṇic e fisiḥame ṇoṇe motâc herâ basanaṇkecnenzeṇieṇ. Erâ zi bomboṇ-ticnere kike fânânzi râpefuṇnaoa warekac i mi manañgopieṇ me?” ³³ E soṇaṇ jaṇehēc dâṇ iṇuc muhuc ṇehame ṇicwofuṇzi fisiçnerâ muwēc, “Manañgopieṇ, wiac hâhâwicne zi Wofuṇtaonec! No wemocte Wofuṇte woṇec boc ṇepemu?”

7

¹ Iṇuc mume Elisazi muwēc, “Wofuṇte dâṇ zi mananiṇ: Wofuṇ e ziṇuc mukac: Tomâcko damēṇ ziṇucne poroṇ uuc qaqaçne ṇemâc-ticne mocjahare sâc i furine siliwa dâkâne moc â padi bâbâroṇte uucne ṇemâc-ticne jajahecte sâc i furine siliwa dâkâne mocjahazia Samaria haere sac-motâcko ronṇmu.” ² Iṇuc mume ṇicwofuṇzi momori jaṇere micne meticnao rowecke jujec eki Anuture ṇic dâṇ ziṇuc muhuc âzâcnewēc: “Wofuṇ e sambân motâc baandaṇkeme wiac iṇucne sâcne fuaocmu me?” Iṇuc mume porofetezi ziṇuc âzâcnewēc: “Go zâṇe fârigezi hone-jâmbânkecmu, erâ sifu wiac i piticne moc mi nâhuṇgaṇkecmu.”

³ Eme ṇic wicsanaṇhec jahec â jahec jaṇe hae-sac motâcko ṇehuc jumbiṇ. Eme jaṇe hâcne jaṇackoaṇ nazaṇ gazaṇ erâ mumbiṇ, “Nâṇâc wemocte hâmocte woṇec sawa zira boc ṇenaṇmu?”

⁴ Inuc murâ mumbiñ: “Nâñâc haemañko razinañ, inuc murâ razinañmuo ine ira roroc fokacte hâmonañmu. Me zi jaha ñenañ, inuc murâ ñenañmuo ine hâmonañmu wâc. Irec nâñâc sahac-nâñec qaisockehuc Siria ñic jañere teuñko ranañ. Eme jañe akic-nâpozo murâ akic-nâponzepien me nâpozo murâ nâponzepien.”

⁵ Inuc murâ hae fure pâràckeha Siria ñic jañere teuñko raniñte hata funkembijn. Eme rarâ Siria ñic jañere teuñ qañeñnao fisirâ honepie ira moczi moc mi juwec. ⁶ Siria ñic jañe Wofuñzi ejareme keretac â becâsic momori guru sâko jañere fânân manarâ jañe jañackoan nazañ gazañ erâ mumbijn, “Manangopien, Israe ñicwofuñ e Hiti ñicwofuñ â Aigita ñicwofuñ sasawa rocjopame râsi fisi-nârengopien hâcne.” ⁷ Inuc murâ hae fure pâràckeha wisembijn. Ehuc juju-jeñicte manabâc erâ qoruc boze â becâsic â dongi wiac-jeñic i teuñko hetararâ wisembijn hâcne. ⁸ Eme ñic wic-sanañhec jañe teuñ qañeñnao fisirâ boze mocko razimbijn. Razirâ ira nânâ opâ fowec i nâmbijn. Ehuc siliwa â gol â ñaqi qoruc fowec i rorâ bara soñ-kembijn. Ehuc risierâ boze mocko razirâ ira wiac fowec i wâc inuc jaha rorâ bara soñkembijn.

⁹ Inuc erâ jañackoan nazañ gazañ erâ mumbijn, “Nâñâc wiac engopenen zi mi sâckekac. Zoan gie bapa zi biñe biantje zoan. Eme nâñâc niniñkerâ wonec ñehapene hae ñaferâ fureocmu ine okacne fisi-nâreocmu. Irec nâñâc ziñuczia rarâ ñicwofunte wiacfâc jazanañ.” ¹⁰ Inuc murâ ra haesac motâc soñañ wira-jarehuc ziñuc jazambijn: “Nâñe Siria ñic jañere teuñko rambenenj.

Ehuc ira ŋic moc mi jume hone manac embeneŋ, me fânân wiac moc mi manambeneŋ. Mâc, boze-jeŋic sawa ine ŋeekac sâc iŋuc furu jaha ŋejec â becâsic â dongi ine niŋgiŋ-jopakicne doma rambienŋ.” ¹¹ Iŋuc jazapie haesac motâc soŋaŋ jaŋe wirapie ŋicwofuŋte wiacfâc jaŋerao rawec. ¹² Eme ŋicwofuŋ e ŋafeo jaha faharerâ kiŋaŋ qaqaŋc-ticne jazarâ muwec, “Siria ŋic jaŋe râsi enârehuc wiac weniŋuc jaha engopien i ŋazape mananiŋ. Nânâc nânâre hâmonŋopenen i jaŋe mananŋopien. Erâ irec ziŋuc muhuc kâteo soŋkerâ foninŋte teuŋ-jeŋic behembiŋ: ‘Jaŋe haeonec wahapie nânâc qâricne rocjoparâ haemaŋko razinŋepeneŋ.’ ” ¹³ E iŋuc mume kiŋaŋ qaqaŋcne jaŋeraonec moczi ziŋuc muwec: “Ŋic gâcnezi becâsic gâcne domanŋopien zi jaŋeraonec memoc rocjoparâ raniŋ. Jaŋe juniŋmuo ine Israe ŋic zanzaŋne zira ŋeniŋmu jaŋere sâc jaha juniŋmu, me hâmoniŋmuo ine biac sipirickembiŋ jaŋere sâc boc mi sirickeniŋmu. Ajoc, ŋic sorec-jopapene ra honeniŋ.” ¹⁴ Iŋuc mume jaŋe keretac jajahec rorâ becâsic qeticke-jarembiŋ. Iŋuc epie ŋicwofuŋzi ziŋuc jazahuc sorec-jopawec: “Ŋone rarâ hone-hâmoniŋ.” ¹⁵ Iŋuc jazame jaŋe Siria ŋic bâjâpec-joparâ raku Jordaŋko fisimbiŋ. Erâ ziŋuc honembiŋ: Siria ŋic jaŋe fâro faio wisehuc ŋaqi qoruc â zikare wiac gâcne hatao ititiŋkepie forawec. Kiŋaŋŋic jaŋe iŋuc honehuc risierâ ŋicwofuŋ dân binaŋ ecnembiŋ.

¹⁶ Eme ŋic ŋokac jaŋe rarâ Siria ŋic jaŋere teuŋko nânâ mafa fowec i rofârembiŋ. Ehuc poroŋ uuc qaqaŋcne ŋemâc-ticne mocjahare sâc

irec furi i siliwa dâkâne moc râembiȚ â padi bâbâronȚe uucne Țemâc-ticne jajahecte sâc irec furi i WofuȚe dâȚe sâcko siliwa dâkâne mocjaha jaha râembiȚ. ¹⁷ Eme ȚicwofuȚ e momori jaȚere micne meticnao hesiȚne juȚec eki haesac motâc soȚaȚkeocte râewec. Eme ȚicwofuȚzi Anuture Țictao fisime Anuture Țiczi dâȚ muwec irec sâcko Țic Țokac jaȚe ira âtekupie hâmwec. ¹⁸ Anuture Țic e ȚicwofuȚ ziȚuc hâcne âzâcnewec: “Tomâcko damenȚ ziȚucne Samaria haere sacmotâcko padi bâbâronȚe uucne Țemâc-ticne jajahecte sâc i siliwa dâkâne mocjahazi furine baniȚmu â poroȚ uuc qaȚacne Țemâc-ticne mocjahare sâc i siliwa dâkâne mocjahazia furine baniȚmu.” ¹⁹ Eme micne e damenȚ ira dâȚ ziȚuc bâtikiecnawec: “WofuȚ e sambâȚ motâc baandaȚneocmuo wiac ziȚucne sâcne fuaocmu me?” InȚuc muhame ziȚuc âzâcnewec: “Go zâȚe fârigezi wiac i hone-jâmbâȚkecmu, erâ sifu wiac i piticne moc mi nâhuȚgaȚkecmu.” ²⁰ Eme inȚuc hâcne fuacnewec. Țic Țokac jaȚe haesac motâcko âtekupie hâmwec hâcne.

8

Sunem Țokacte mârenȚ mocwâc bârisiecnembiȚ (Bin II 21:1–20)

¹ Elisazi Țokâ-ticne hâmockonec bâqârewec Țokac e âzâcnerâ muwec, “Ajoc, go faharerâ wiacfâcȚe jaȚehet rarâ ira me ira jaba junȚepienȚ. WofuȚ e mârenȚ zira jara 7 roroc luarâ foocte mutarawec fokac.” ² InȚuc âzâcneme Țokac e faharerâ Anuture Țiczi dâȚ âzâcnewec irec sâcko

ewec. Erâ wiacfâcne janêhec Filisa ŋic janere mârenko rarâ ira jara 7 jaba jumbiŋ. ³ Jara 7 tarame ŋokac e Filisa mârenkonec risierâ fic â mâren-ticnere dâŋgie baocte ŋicwofunŋtao rawec. ⁴ Â ŋicwofun e ine Anuture ŋicte kinan qaqa Gehasihec zinuc muc manac epic: “Elisazi mâsi baekac sasawa irec fune nazac.” ⁵ Inuc âzâcneme Gehasi e Elisazi motec moc hâmockonec bâqârewec irec dâŋ binan ecnehuc juhame ŋokâ-ticne bâqârewec ŋokac eki fic â mâren-ticnere ŋicwofunŋtao dâŋgie baocte fisiwec. Eme Gehasizi muwec, “O ŋicwofun-nane, ŋokac hâcne zi; erâ ŋokâ-ticne zi hâcne Elisazi bâqârewec.” ⁶ Inuc mume ŋicwofunzi ŋokac wiocneme binan bacnewec. Bacneme ŋicwofunzi micne moc âkendâŋnehuc zinuc âzâcnewec: “Ŋokac e mâren behehame mâren-ticnao he sarac epie fo wareekac i â wiac-ticne i me i zenŋoma bârisiecn-fâreniŋ.”

Hazaelezi Siria ŋicwofun juwec

⁷ Eme Elisa e Damasko haeo fisiwec. Eme Siria ŋicwofun Benhada e huc bame fowec. Fohame zinuc âzâcnembiŋ: “Anuture ŋic e warejec.” ⁸ Inuc âzâcnepie ŋicwofunzi Hazaele zinuc âzâcnewec: “Go bubian wiac rorâ Anuture ŋic honezo rac. Ehuc huc bacnukac zi behecnume qiqic qapemu me mâcne irec eki Wofun mu wioc ecneocte âzâcnec.” ⁹ Inuc muhuc âzâcneme Hazaele e Anuture ŋic honeocte Damasko haere bubian wiac fune fune bâmockerâ kamele 40 janere faio râe-fârerâ rawec. Ra manfunnao fisi domahuc zinuc muwec: “Motecge Siria

ŋicwofuŋ Benhada e gorao ziŋuc muhuc sorec-
nuec: ‘Huc bacnukac zi behecnuocmu me?’ ”
¹⁰ Inuc mume Elisazi ziŋuc âzâcnewec: “Go rarâ
ziŋuc âzâcnec: ‘Go bianke-jâm-bânkecmu!’ ” Inuc
murâ zuhuckerâ muwec: “Wofuŋzi ziŋuc naza
nowatuc ekac: E hâmo-jâmbânkeocmu.” ¹¹ Inuc
murâ hone dendenekume Hazaelezi weannewec.
Eme Anuture ŋic e kiowec. ¹² Kiome Hazaelezi
wiocnerâ muwec, “Fekicne-nane, go wemocte
kiokomec?” Wiocneme dân ziŋuc bâtikiecnuec:
“Go Israe ŋic wiac repicne ejarecmu i mana-
surâ kiokopac. Go huec sanan-jeŋic zoczy tu-
ruŋketec zoacmu â zikazi ŋicmotecfâc-jeŋic âke
hâmoc-jopacmu â gegecnecfâc-jeŋic onzon jaha
jopacmu â ŋokacfâc-jeŋic kiwechec âke ropiec-
jopacmu.” ¹³ Inuc mume Hazaelezi muwec,
“Kiŋan qaqage no wemo, qâto me? Irec wiac
hâhâwicne keci epemu?” Inuc mume Elisazi dân
ziŋuc bâtikiecnuec: “Go Siria ŋicwofuŋ jucmu i
Wofuŋzi naza nowatuc ejec.” ¹⁴ Inuc âzâcneme
Hazaele e Elisa beherâ ra bomboŋ-ticnerao fisime
wiocne muwec, “Elisa e weninuc gazajec?” Wioc-
neme muwec: “Go jâmbomac biankecmurâ naza-
jec.” ¹⁵ Eme hae fureme Hazaelezi bilanġe moc
rorâ opâo âke uruckerâ ŋicwofuŋ zânġe mai-ticne
foŋkeme foku hâmowec. Hâmome Hazaelezi tuc-
ticne qarâ ŋicwofuŋ juwec.

Joramzi Juda ŋicwofuŋ juwec

¹⁶ Ahaba ŋokâ-ticne Jehoram e Israe ŋicwofuŋ
jume jara memoc eha Josafatare ŋokâ Joramzi
fuŋkerâ Juda ŋicwofuŋ ewec. ¹⁷ E jara-ticne
32 bazurâ ŋicwofuŋ ehuc Jerusalem haeo jara 8

juwec. ¹⁸ Erâ Ahabare kikefun jaŋe embiŋ irec sâc ehuc Israe ŋicwofuŋ jaŋere hata bâjâpewec. E Ahabare otâzi ŋonân-ticne ewecte iŋuc hâcne ewec. Ehuc Wofuŋte zâŋe faio wiac mamakâcne ebac ewec. ¹⁹ Erâ ine Wofuŋ e kiŋaŋŋic-ticne Dawidi â qâricfâc-ticne lambe moc jareocte mu-pankewec irec erâ Judanji mi bâsirowec-jopawec.

²⁰ Eme ere damenjo Edomŋic jaŋe Judanji jaŋere rurumanjo zuhuckerâ juniŋte takic-jopame manrângeŋ bâfuarâ jaŋe jaŋacne ŋicwofuŋ moc âkendânembiŋ. ²¹ Injuc epie Joram e ŋafeoa faharerâ keretacfâc-ticne â keretac gurin bapafâc-ticne jaŋehc Zairi haeo rahapie Edomŋic jaŋe rârec-jopahuc imac-jopapie wiserâ haeo rambiŋ. ²² Eme Edomŋic jaŋe Juda gurinbapa-ticnere takic-jopame manrângeŋ bâfuambinzi bâfuahuc jungopien jaha. Ehame Libina haeonec jaŋe damen ijaha manrângeŋ bâfuambiŋ wâc. ²³ Eme Joramzi wiac gâcne ebac ewec sasawa i Juda ŋicwofuŋ jaŋere Binaŋ Qâhâc papia qizec ira qârenje-fârekicne. ²⁴ Eme Joram e apa ŋosafâc-ticne jaŋerao zuhuckehuc hâmomc jaŋe fombinjoa Dawidire hae qizecko duckembiŋ. Ehame ŋokâ-ticne Ahaziazzi tucticne qarâ ŋicwofuŋ juwec.

Ahaziazzi Juda ŋicwofuŋ juwec

(Bin II 22:1–6)

²⁵ Ahaba ŋokâ-ticne Jehoram e Israe ŋicwofuŋ jume jara 12 eha Joramte ŋokâ Ahaziazzi funkerâ Juda ŋicwofuŋ ewec. ²⁶ Ahazia e jara-ticne 22 bazurâ ŋicwofuŋ gie-ticne funkehuc Jerusalem haeo jara mocjaha juwec. E nenjoc-ticnere zâŋe

Atalia. Atalia e ine Israe ñicwofuñ Omiri ere ñosa.
²⁷ Eme Ahazia e Ahabare kikefunfâc jañe embiñ
 sâc ijaha ehuc jañere kike hata âtewec. E Ahabare
 kikefunfâc jañere kimo juwecte Wofunte maio
 wiac mamakâcne ewec.

²⁸ Erâ e Ahaba ñokâ-ticne Jehoramhec Siria
 ñicwofuñ Hazaele râsi rocnehuc qaqaç eniñte
 Ramoti-Gileade haec rapic. Eme ira Siria ñic jañe
 Jehoram zâpâ qambiñ. ²⁹ Eme ñicwofuñ Jeho-
 ram e Siria ñicwofuñ Hazaelehec qaqaç ehapi-
 re Siria ñic jañe Rama haec zâpâ qambiñ irec wic
 i somieocte Jesere haec risiewec. Ehame Juda
 ñicwofuñ Joramte ñokâ Ahazia e Ahaba ñokâ-ticne
 Jehoramzi huc bame foha honeocte Jesere haec
 huwec.

9

Jehuzi Israe ñicwofuñ juwec

¹ Eme Porofete Elisazi porofete jañere motecfâc
 jañeraonec moc hefârehuc âzâcnerâ muwec,
 “Becsahacge jomarâ wokemañ zopo rorâ Ramoti-
 Gileade haec rac. ² Erâ haec fisirâ Josafatare ñokâ
 Nimisi ñosa-ticne Jehu e basazemec. Ehuc ficko
 ferâ âgofâcne jañere guruonec ecnetec fahareme
 jowatec ficmañ zâzâñiñ mocko razizepirec. ³ Eme
 wokemañ zopo i rorâ qizec-ticnao honkehuc dân
 zîñuc muzemec: ‘Wofuñ e zîñuc mukac: No
 Israe ñic jañere ñicwofuñ jucmurâ wokemañ rua-
 garekopac.’ Inuc erâ damañ zora mi juhuc motâc
 rorâ izia wisezemec.”

⁴ Inuc muhuc âzâcneme porofete ñicmotec
 e Ramoti-Gileade haec rawec. ⁵ Raku haec
 fisirâ honeme momori micne jañe tutumañko

ñembiñ. Ñepie muwec, “O momori jañere micne, no gore dân moc bajukopac.” Inuc mume Jehuzi wiocnerâ muwec, “More mukic?” Wiocneme muwec, “O momori jañere micne, gore mukopac.” ⁶ Inuc mume Jehu e fahar-erâ ficmañko razime porofete ñicmoteczzi zĩñuc muhuc qizec-ticnao wokemañ ruacnewec: “Is-raere Wofuñ Anutu e zĩñuc mukac: No wokemañ rua-garehuc Israe ñicfâc-nane jañere ñicwofuñ âkendâñgukopac. ⁷ Irec go bombonje Ahabare kikefuñ jañe jopazemec. Eme no porofete â kiñaññicfâc-nane sasawa jañere socte okacne Ise-berao bazupemu. ⁸ Inuc epe Ahabare kikefuñ jañe hâcne zengoma omaenzepiñ. Eme no Israe mañnao Ahabare ñic sasawa juñgopien, kiñañ qaqa me rambañko juju jañe bârâriec-jopa-fârepemu. ⁹ Ehuc Nebate ñokâ-ticne Jeroboamte kikefuñ â Ahia ñokâ-ticne Basa ere kikefuñ jañe wiac ejarepo sâc ijaha Ahabare kikefuñfâc jañerao bâfuapemu. ¹⁰ Ehame Jesere mârenko Isebere qâñqâñ moczi moc mi duckehame qâto jañe nâfârenzepiñ.” Inuc mutararâ motâc rorâ hurâ wisewec.

¹¹ Eme Jehuzi mocwâc bombon-ticnere kiñañ qaqa-fâc jañerao fisime wiocnerâ mumbiñ, “Weniñuc, ñic mañsifucnehec keci wemocte gorao warejec?” Wiocnepie zĩñuc jazawec: “Ñoñe ñic e manangopien â dân eekac i wâc manaengopien.” ¹² Inuc mume mumbiñ, “Go sioc ekic, dân gazajec i nâzâ-jâmbâñkec.” Inuc mupie jazarâ muwec, “No dân nazajec i jâmbâñ ñazape mananiñ: ‘Wofuñ e zĩñuc

mukac: No wokemaŋ rua-garehuc Israe ŋicwofuŋ âkendâŋgukopac.’ ” ¹³ Inuc jazame jaŋe ŋaqi-jeŋic hetararâ maŋfuŋnaoa ririo guruckembiŋ. Erâ qeŋ qarâ musokahuc mumbiŋ, “Jehu e ŋicwofuŋ ekac.”

Jehuzi Jehoram qâhâmowec

¹⁴ Jehoram â Israe ŋic jaŋe Ramoti-Gileade hae ŋezickehuc Siria ŋicwofuŋ Hazaelehec qaqaç ehuc juhapie Josafatare ŋokâ Nimisi ere ŋosa Jehu e Jehoram qaocce manasu biric ewec.

¹⁵ Â ŋicwofuŋ Jehoram e ine Siria ŋicwofuŋ Hazaelehec qaqaç ehapire Siria ŋic jaŋe zâpâ qambiŋ wic i somieocce Jesere hao risiewec. Eme irec Jehuzi ziŋuc muwec: “Ŋoŋe norao qohotaŋgopieŋko ine moczi moc hae zirecnec fosiroŋnerâ Jesere hao rahuc biŋedâŋ kosa mi muzejec.” ¹⁶ Inuc murâ Jehoram e Jesere hao fohuc juwecte Jehuzi keretac-ticnao ferâ hae ira rawec. Ehame Juda ŋicwofuŋ Ahazia e wâc Jehoram iqicceocce wahawec.

¹⁷ Eme ruc bapa ŋic e Jesere haere ficzaeo domaku Jehure gurufâc fisipie honec-joparâ muwec, “No ŋicguru moc honec-jopakopac.” Inuc mume Jehoramzi muwec, “Becâsicko rara ŋic moc bâfuarâ sorepie bâfuac-jopaoce raoc. Ehuc ziŋuc wio-jareoc: ‘Ŋoŋe wamao wareŋgopieŋ me?’ ” ¹⁸ Inuc mume ŋic moczi becâsic faio ferâ Jehu bâfuaoce rawec. Raku bâfuarâ ziŋuc âzâcnewec: “Ŋicwofuŋ e ziŋuc wiokac: ‘Ŋoŋe wamao wareŋgopieŋ me?’ ” Inuc mume Jehuzi muwec: “Wamazi wemo ezo? Go ware fâ râpe-nâŋecko rac.” Eme ruc bapa ŋic e

muwec, “Kiŋaŋŋic e ra bâfuac-jopajec, erâ ine mi risiekac.” ¹⁹ Inuc mume ŋicwofuŋ e harierâ becâsicko rara ŋic moc soreme ra jaŋerao fisirâ ziŋuc muhuc jazawec: “Ŋicwofuŋ e ziŋuc wiokac: ‘Ŋoŋe wamao wareŋgopien me?’” Inuc mume Jehuzi dâŋ ziŋuc bâtikiecnawec, “Wamazi wemo ezo? Go ware fâ râpe-nâŋecko rac.” ²⁰ Eme ruc bapa ŋic e mocwâc muwec, “E ra bâfuac-jopajec, erâ ine mi risiekac. Ŋic guriŋ bakac e honepe Nimisi ŋosa-ticne Jehu tinac ekac. E fâro fâro jâmbân guriŋ bakac.”

²¹ Eme Jehoramzi muwec, “Ajoc, zawiezo!” Inuc mume keretac-ticne bazawiembîŋ. Eme Israe ŋicwofuŋ Jehoram â Juda ŋicwofuŋ Ahazia jahe mâmâc jaha keretac-jekic sâc ferâ rapic. Jahe Jehu bâfuanicte raku Jesere ŋic moc zâŋene Naboti ere gie hatao bâfuapic. ²² Eme Jehoramzi Jehu honerâ wiocnerâ muwec: “Jehu, go wamao warekic me?” Wiocneme muwec, “Neŋgocge Isebe ere sasac gie â hafec gaŋgeczî boc fokacko wemo wama jaha foocmu?” ²³ Inuc mume Jehoramzi becâsîcfâc-ticne ŋâŋârâczî qâzâic-joparâ wisehuc Ahazia âzâcnerâ muwec, “O Ahazia, eeatuc fuakac!” ²⁴ Eme Jehuzi tâpirihec jaha tepe-ticne âpârehuc qâtâcnerâ haporocnao muruhuc buhândâŋne muru fâuckeme keretac-ticnaoa waha fowec. ²⁵ Eme Jehuzi micne-ticne Bidakari âzâcnerâ muwec, “Rorâ Jesere ŋic Nabotire mâreŋ ŋonden zira behetec raoc. Ehuc nâhâc dameŋ mocko mamac-ticne Ahabare râpefuŋko keretac faio decŋî rahapere Wofuŋzi dâŋ ziŋuc muwec i manasuzemec: ²⁶ ‘Wofuŋzi

mukac: No jacne Naboti â ȳokâfâcne jaȳere soc hone-jâmbânkepac irec erâ okacne mâreȳ ȳonden zijaȳa bazu-garepemu.’ Ire c e rorâ Wofuȳte dâȳte sâcko mâreȳ ȳonden zijaȳa behezemec.”

Jehuzi Ahazia qâhâmwec

(Bin II 22:7–9)

²⁷ Eme Juda ȳicwofuȳ Ahazia e wiac i honerâ Bete-Hagaȳ haeopec wiſerâ rawec. Rame Jehuzi jâpehuc muwec, “E wâc muruzo.” Inuc mume ȳicfâcne jaȳe keretac-ticnaoa Guru haere heân Ibeleam hae heririȳnao ira murumbiȳ. Murupie Megido haeo rarâ ira hâmwec. ²⁸ Hâmome kiȳaȳ qaqa fâcne jaȳe keretac mocko râerâ Jerusalem haeo barambiȳ. Ehuc Dawidire hae qizecko ȳosafâc-ticne ducjopakicne ira e jahacne zâȳeruȳko duckembiȳ.

²⁹ Ahabare ȳokâ Jehoram e ȳicwofuȳ jume jara 11 eha Ahaziazia funkerâ Juda ȳicwofuȳ juwec.

Isebe hâmoc-ticnere binan

³⁰ Jehuzi Jesere haeo fiſime Isebe e biȳe ma-narâ jâweczi zâȳe-ticne rikerâ qizec-ticne erickewec. Inuc erâ qâqâtâc katanȳko fi me rawec.

³¹ Eme Jehu e haesac motâcko razihame ȳokac e muwec, “ȳimiri, go bombonȳe qameȳzi wamao warekomec me?” ³² Inuc mume Jehu e qâqâtâc katanȳko fi me feha muwec, “Mozi nore âgo jukac?” Inuc mume kiȳaȳȳic jajahec me

jahec â moc jaȳe erao fi pie wahawec. ³³ Fipie wahame jazarâ muwec, “Sârockepie wahaoc!” Eme jaȳe sârockepie wahame socticne gâcne sâpeo â becâsicko hewec. Inuc eme jaȳe fainao

âtehuc âtenzanembiŋ. ³⁴ Eme Jehu e ficmaŋko razirâ nânâ opâ nâwec. Ehuc muwec, “Ŋokac sâwec-kekicne keci e ŋicwofunŋe otâ, irec honerâ duckeniŋ.” ³⁵ Inuc mume jaŋe rorâ duckeniŋte rarâ ŋokac e basahuc utu siec-ticne â kike jahecne â metape jahecne inuc sawa fome honembiŋ. ³⁶ Inuc honerâ risie âzâcnepie muwec, “Wofun e kiŋaŋŋic-ticne Tisibe ŋic Elia erao dân zinuc muwec: ‘Jesere mârenko qâto jaŋe Isebe ere biuc nânzepien. ³⁷ Ehame Jesere mârenko zira qâŋqâŋ-ticnezi ho inucne gieo ŋerame moczi zâŋitarâ zinuc sâcne mi muocmu: 3i Isebe.’”

10

Jehuzi Ahabare kikefunfâc jopa miziewec

¹ Ahabare ŋokâfâc 70 jaŋe Samaria haeo jumbiŋ. Eme Jehu e papia zinuc qârenkerâ Samaria haeo haere fekiecne â soŋaŋ, erâ Ahabare ŋokâfâc jaŋere wizec jumbiŋ jaŋerao râeme rawec: ² “Bomboŋ-ŋenigte ŋokâfâc jaŋe ŋoŋehc juŋgopien, erâ keretac â becâsic foŋarekac â hae sacsanaŋ-ticnehec â zikare wiac foŋarekac wâc. ³ Irec ŋoŋe bomboŋ-ŋenigte ŋokâfâc jaŋeraonec biane â gie irec sâc moc bâwosâenzepien; ehuc mamac-ticnere ŋicwofun ŋeŋeo hepie ŋeme bomboŋ-ŋenigte kikefunfâc jaŋere erâ zika qanzezien.” ⁴ Eme jaŋe mâretac jâmbâŋ hâwic-jopame zinuc mumbiŋ: “Ŋicwofun jajahec jahe mi sanaŋkepicte nânâc wâc sâcne mi sanaŋkenanmu.” ⁵ Inuc murâ ŋicwofun fite micne juwec â haere micne â soŋaŋ, erâ motec jaŋere wizec jaŋe mâmâc sasawa Jehurao dân

râehuc zĩñuc mumbĩñ: “Nâñe gore kiñañ qaqařâc, irec wiac i me i enañte munâretec efârenañmu. Nâñe ñic moc ñicwofuñ mi âkendânñenañmu. Wiac manatec sâckekac sâc enârec.” ⁶ Inuc mupie Jehu e papia arec moc zĩñuc muhuc qârenkerâ râeme rawec: “Ñoñe norao roweckenğopienko â micnane renkenĩte afeckenğopienko ine tomâcko damen zĩñucne bombon-ñenĩcte ñokâřâc janere qizec barâ Jesere hao zira fisinzeñen.” Nĩc kâcqene i janẽ ñicwofuñte ñokâřâc 70 janẽ gume jowac ejarehapiẽ sokambĩñ hâcne. ⁷ Eme papiazi fisi bâfuac-jopame ñicwofuñte ñokâřâc 70 janẽ sasawa joparâ qizec-jenĩc i kâdocko ropie hume Jehurao Jesere hao râepie rawec. ⁸ Ehao kiñaññic moc e Jehurao fisirâ zĩñuc âzâcnewec: “Ñicwofuñte ñokâřâc janere qizec i biac bawarembĩñ.” Inuc âzâcneme muwec, “Haesac motâcko guru jajahec guruckepie ñeha hao fureoc.” ⁹ Izi hao fureme ra domahuc ñic ñokac dâñ zĩñuc jazawec: “Ñoñe bahacmâc, â noni ine bombon-nane râsi ecnehuc doc bapo. Eme zi janẽ mozi jopa-fârewec? ¹⁰ Nõñe zĩñuc manapankenĩñ: Wofuñ e Ahaba kikefunřâcne janere dâñ sasawa muwec i fârimâc mi eocmu. Wofuñ e kiñaññic-ticne Elia ecneme dâñ muwec irec sâcko efârekac hâcne.” ¹¹ Jehu e inuc murâ Ahabare kikefunřâc, ñic fekicne â âgo funřunřâc-ticne erâ taha bapafâcne Jesere hao jumbĩñ janẽ zenğoma jopa-fârewec.

¹² Inuc erâ fahare Samaria hao rawec. Raku hatao lama sonañ janere lama kanzan bâbâtâc fic ñewec ira ¹³ Juda ñicwofuñ Ahaziare

soctofafâc bâfuac-jopawec. Ehuc wio- jarerâ muwec, “Ñoñe more ñicfâc?” Wio- jareme mumbiñ, “Nâñe Ahaziare soctofafâc. Nâñe ñicwofuñ qârifâc-ticne, erâ nenjoc ñokacwofuñ qâricfâc-ticne iqic- jopanañte wahanjopenen.”

¹⁴ Injuc mupie Jehuzi muwec, “Qâricne rocjopaniñ.” Injuc mume jañe qâricne rocjoparâ moc mi akic-jopahuc ñic 42 jañe zenjoma lama kanzañ bâbâtâc fic newecko nombân moc fowec ira jopa-fârembiñ.

¹⁵ Eme irecnec rarâ Rekaba ñokâ-ticne Jonadaba e Jehu bâfuaocte warehuc juha bâfuarâ “zoañ bian” mucnewec. Ehuc wiocnewec, “Nore manji gorao fokac irec sâc jaha gore manji norao fokac me?” Injuc wiocneme Jonadabazi dân zinjuc bâtikiecnecnewec: “Injuc hâcne.” Injuc mume Jehuzi muwec, “Injuc fokacko mege narec.” Injuc âzâcneme meticne sicnecnewec. Sicneme rorâ fâreme keretac-ticnao feme domapic.

¹⁶ Ehuc Jehuzi muwec, “Nohec rarâ Wofuñte erâ zoqac-nane fuakac i honezemec.” Injuc mume keretac-ticnao mâmâc rapic. ¹⁷ Raku Samaria haeo fisirâ Jehu e Wofuñzi Elia dân âzâcnecnewec i denjkeocte hae ira Ahabare kikefunfâc jumbiñ jañe zenjoma jopaku jopa miziewec.

Jehuzi Baali nemu arañ bapa i hetâtiewec

¹⁸ Injuc erâ ñic ñokac hetumañ-joparâ zinjuc jazawec: “Ahabazi Baali nemu kinañ qacnewec i wahakac â noni ine fehuc qacnepemu.

¹⁹ Irec Baali nemu porofetefâc-ticne e fodapec-neenjopien â taha bapafâc-ticne jañe sasawa hefârec-jopaniñ. No Baali nemu taha bâzi

sâko rikecnezo ekopacte moczi moc mocko mi juzejec. Moc e taha bâzi ira mi juocmu e hâmo-jâmbânkeocmu.” Jehu e Baali nemure aran bapafâc jaŋe bâsirowec-jopaocte maŋkehuc eea-tuc gie i bawec. ²⁰ Ehuc muwec, “Baali nemure tutumanŋ damenŋ moc bâtirizo.” Inuc mume jaŋe damenŋ moc bâtirimbiŋ. ²¹ Eme Jehu e dân râeme Israe mârenŋ sâckerâ rawec. Eme Baali nemure aran bapafâc jaŋeraonec moczi moc mi juhuc sasawa jâmbân fisi-fârembiŋ. Fisi-fârerâ Baali nemure ufuŋko fekupie ufuŋ i fusucmarâ qinŋqin qawec. ²² Eme Jehuzi ŋaqi soŋaŋ juwec ŋic e âzâcnerâ muwec, “Baali nemu aran bapafâc-ticne jaŋere ŋaqi bawarec.” Inuc âzâcneme ŋic e ŋaqi-jenŋic bawarewec. ²³ Eme Jehu â Rekaba ŋokâ-ticne Jonadaba jahe Baali nemure ufuŋko fepic. Ferâ Jehuzi Baali nemu aran bapafâc-ticne dân zinuc jazawec: “Ŋoŋe aimuŋ jaha hohone efâreniŋ. Wofuŋte kiŋaŋŋic moczi moc ŋoŋere ŋondenŋko zira mi ŋezejec, Baali nemure aran bapafâc ŋoŋe buc jâmbân ŋenzepienŋ.” ²⁴ Inuc jaza-fârerâ taha bâzi â gowi bâzi rikeocte raziwec.

Eme Jehu e ŋic 80 ufuŋ râpenao râec-joparâ dân zinuc jazawec: “Moc e ŋicguru keczi meŋenicko râec-jopakopac jaŋeraonec moc manacneme wiseocmu e ŋic wiseocmu ere due baocmu.” ²⁵ Inuc murâ gowi bâzi rikeme taram e izia soŋaŋ â micne jazarâ muwec, “Ajoc, zi ficmaŋko razirâ jopanŋ, moczi moc mi wisezejec.” Inuc jazame soŋaŋ â micne jaŋe zikazi qâhâmoc-joparâ râpenao beheç-jopambiŋ. Erâ Baali nemu ufuŋ maŋne zâzânŋ ira razirâ ²⁶ qânwâtun

moc domawec i rorâ bawaha zocko rikembiŋ.
²⁷ Ehuc Baali nemure qâŋ qâqâtâc â ufuŋ i hetâ qâtâtiepie sesucne luarâ jawa mâreŋ ewec fokac jaha.

²⁸ Jehu e iŋuc hâcne ehuc Israe maŋnao Baali nemu hetâtie-fârewec. ²⁹ Erâ Jehu e iŋuc ehuc sifu Nebatere ŋokâ Jeroboam ere hehesic i mi râpeckewec. Jeroboam e hâcne Israe ŋic ejareme Bete haeo â Daŋ haeo bulimakao motecnere hawari golzi bakicne ŋepic ira hehesic bâfuambiŋ. ³⁰ Eme Wofuŋzi Jehu ziŋuc âzâcnewec: “Go nore zâŋe faio wiac sasawa etec bianke-fârewec â nore maŋko dân fowec irec sâcko Ahabare kikefuŋfâc wiac ejaremente qâricfâcge fua fepie arecne 4 eocmu jaŋe Israere eri ŋeŋeo ŋenzongopien.” ³¹ Erâ ine Jehu e Israere Wofuŋ Anutu ere sâcmutâc dân i maŋticnezi sakarehuc ira mi ninipe-hâmowec. E Jeroboamzi Israe ŋic ejareme hel esic bâfuambiŋ, hehesic i mi râpeckewec.

³² Eme damenŋ ira Wofuŋzi fuŋkerâ Israe dâkâne gâcne râpec-jopawec. Iŋuc eme Hazaelezi Israe mâreŋ ziŋuc irec rune bawahac-jopa-fârewec: ³³ Gileade â Gadenŋic jaŋere mâreŋ sasawa Jor-daŋ opâonec domarâ zoaŋ wewefunaopek rakac, erâ Rubenŋ â Manase ŋic jaŋere mâreŋ i Aronon opâo Aroe hae ŋekac irecnec fuŋkerâ raku Gileade â Basaŋ mâreŋko fisikac. ³⁴ Jehuzi wiac sasawa ebac ewec â tâpiri-ticnere fuŋne sasawa i Nïcwofuŋ jaŋere Binaŋ Qâhâc papia qizecko qâreŋke-fârekicne. ³⁵ Eme Jehu e apa ŋosafâc-ticne jaŋerao zuhuckehuc hâmome jaŋe

fombinjoa Samaria haeo duckembinj. Eme ŋokâ-ticne Joahazi eki tucticne qarâ ŋicwofuŋ juwec. ³⁶ Jehuzi Samaria haeo ŋicwofuŋ iuhuc Israe ŋic qanjen-jopahuc juhame jara 28 tarawec.

11

Ataliazi Judare kikefuŋ janjere eri ŋeŋe ro rauc ewec

(Bin II 22:10—23:21)

¹ Atalia e ŋokâ-ticne Ahaziazzi hâmomme honerâ izia faharerâ ŋicwofuŋte garikinjâc jaje zenjoma bâsirowec-jopawec. ² Ehame Ahaziare seŋ, ŋicwofuŋ Joramte otâ Joseba, eki Ahaziare ŋokâ Joasi e ŋicwofuŋte ŋokâfâc gâcne jopazo ehapie janjeraonec rorâ soŋaŋ-ticnehec guŋ foficmanj mocko soŋjofawec. E inuc eme Ataliazi mi qâhâmowec. ³ Atalia e Juda mârenjo ŋokacwofuŋ juhame motec e Wofuŋte ficko soŋkeknere Josebahec jara 6 juwec.

⁴ Eme jara 7 ehame Jojadazi kinjanj sorec-jopame ra Kari momori ŋic 100 â soŋaŋ janjere micnefâc rocjopapie Wofuŋte ufuŋko fisimbinj. Fisipie jajehec zâzâfic moc ehuc Wofuŋte ufuŋko mumupanjko râec-jopahuc ŋicwofuŋte ŋokâ jowatuwec. ⁵ Ehuc zinuc jaza mutâc ewec: “Ŋoŋe wiâc zinuc enzepienj: Guru moc sabata hombanjo soŋaŋ juninje wareninmu ŋoŋe ŋicwofuŋte fic i soŋaŋkenzepienj. ⁶ Â guru moc ŋoŋe ine Suru sacmotâcko domanzeplenj â guru moc ŋoŋe ine motâcko soŋaŋ domaninmu janjere râpeo domanzeplenj. Inuc ehuc ŋicwofuŋte fic i sacfozic ecnenzepienj. ⁷ Ehame guru jajahec sabata

hombaŋko gie tâmiric juniŋmu ñoŋe ine Wofuŋte ufuŋko ñicwofuŋ soŋaŋkenzepieŋ. ⁸ Ehuc zikare wiac meŋeŋicko fefâreme ñicwofuŋ orâŋkerâ domanze pieŋ. Ehame ñic izi me izi maic-ŋopame qanze pieŋ. Ñoŋe iŋuc ehuc ñicwofuŋzi juocmu sâc junzepieŋ.”

⁹ Eme momori micne jaŋe taha bapa Jojadazi mutâcne-jarewec irec sâc efârembiŋ. Ehuc micne jaŋe ñicfâc-jeŋic sabata hombaŋko gie bapa dameŋ-jeŋic mi fowec jaŋe mecne â hombaŋko gie bapa dameŋ-jeŋic fowec jaŋe mâmâc jowac-joparâ taha bapa Jojadarao fisimbiŋ. ¹⁰ Fisipie taha bapa e ñicwofuŋ Dawadire sându maro Wofuŋte ufuŋko fowec i rorâ momori micne jarewec. ¹¹ Jareme soŋaŋ jaŋe zikare wiac i mejeŋicko fefâreme ufuŋ ñifec â ñifec, faic â juwic erâ alata mâmâc orâŋke-fârerâ domambiŋ. ¹² Eme Jojada e ñicwofuŋte ñokâ jowa waharâ qizec-ticnao eri hendiŋ hecneme huwec. Iŋuc erâ sâcmutâc dânqâhâc râcnewec. Eme ñicwofuŋ âkendâŋnerâ wokemaŋ ruacnembiŋ. Ehame jaŋe me pocpoc qahuc mumbiŋ, “Ñicwofuŋ e jurazihuc juzejec sanaŋ!”

¹³ Eme Atalia e soŋaŋ â ñic ñokac jaŋere fânâŋ manarâ jaŋerao Wofuŋte ufuŋko raziwec. ¹⁴ Ehuc ziŋuc honewec: Ñicwofuŋ âkendâŋ-jopakicne doma jumbieŋ irec sâcko ñicwofuŋ e wâtuŋ heririŋko domawec, â momori micne â qeŋ qaqa ñic jaŋe ñicwofuŋte gâjoŋko domahapie mâreŋ irec ñic ñokac jaŋe sasawa kiwac qawaehuc qeŋ qambiŋ. Jaŋe iŋuc epie Atalia e ŋaŋqi qoruc-ticne bâsuckerâ owackehuc muwec, “Doc bapa,

doc bapa.” ¹⁵ Inuc mume taha bapa Jojada e momori 100 jañere micne âkendân-jopakicne jañe ziñuc jazarâ muwec: “Momori ñondenjkonec bârârienij. Ehuc ñic i me i moczi bâjâpeme e wâc qâhâmozo.” Taha bapa e ziñuc hâcne jazawec: “Ñoñe ñokac e Wofun̄te ufun̄ko zira mi qâhâmonzepien̄.” ¹⁶ Inuc mume jañe mâc rorâ bara ñicwofun̄te ficko Becâsic Motâcko fisirâ ira qâhâmombin̄.

¹⁷ Eme Jojadazi ñic ñokac jañe Wofun̄te ñicfâc erâ jun̄te Wofun̄ â ñicwofun̄ erâ ñic ñokac jañere zâzâfic moc bâfuawec. Erâ ñicwofun̄ â ñic ñokac jañere moc bâfuawec wâc. ¹⁸ Eme mâren̄ irec ñic ñokac jañe heâckerâ Baali nemure ufun̄ko rarâ ufun̄ i heropiemb̄in̄. Ehuc alata â qâñ qâqâtâc-ticne i hen̄zan̄ qanzan̄ne-fârem̄bin̄. Erâ Baali nemure taha bapa Matan̄ e alata ñerawec irec man̄fun̄ko qapie hâmowec. Inuc epie taha bapa Jojada e ruc bapa ñic jañe Wofun̄te fic soñan̄ken̄in̄te râec-jopawec. ¹⁹ Erâ momori micne â Karin̄ic â soñan̄ â ñic ñokac sasawa rocjopame Wofun̄te ufun̄konec ñicwofun̄ jowarâ asasai âtehuc soñan̄ jañere motâcko fotâcnerâ ñicwofun̄ ficko ramb̄in̄. Eme ñicwofun̄ e eri ñeñe-ticne rorâ ñewec. ²⁰ Inuc eme mâren̄ irec ñic ñokac jañe kiwac qawaemb̄in̄. Erâ ñicwofun̄te ficko zikazi Atalia qapie hâmome haezi fânân̄ tâmiric fowec.

²¹ Joasi e jara-ticne 7 bazurâ ñicwofun̄ ewec.

Joasizi ñicwofuñ juwec
(Bin II 24:1–27)

¹ Jehu e jara 7 ñicwofuñ juha Joasizi ñicwofuñ gie rorâ Jerusalem haeo jara 40 juwec. Nengoc-ticne zâñene Zibia e Bere-Seba haeonec.

² Joasi e taha bapa Jojadazi wiac sasawa âzâcne qazuc ewecte ebac eme Wofuñte zâñe faio sâcke-fârewec. ³ Erâ ine furu mâreñ i mi imacke-fârekicne. Irec ñic ñokac jañe zuhuckerâ furu mâreñko taha â hosâc âsu rike jumbienj.

⁴ Eme Joasizi taha bapa zinjuc jazawec: “Moneñ wiac irec me irec taha ufuñko bafekicne me ñic moczi wiac irec me irec moneñ râeocte mukicne, me ñic moczi e jahacne manje Wofuñte ufuñko bafisiocmu; ⁵ taha bapa ñoñe ñic manac-jopañgopienj sâc ronzeñienj. Ehuc moneñ izi ufuñte wiac i me i bâbâpiankenere sâc ekac i honerâ bâpiankenzeñienj.” ⁶ Eme ñicwofuñ Joasi ere jara 23 tarama taha bapa jañe ufuñ i sifu mi bâpiankembienj. ⁷ Irec ñicwofuñ Joasizi taha bapa Jojada â taha bapa gâcne hetumañ-joparâ zinjuc jazawec: “Ñoñe wemocte ufuñ mi bâpiankenjopienj? Ñoñe âgofâc-ñenji jañeraonec moneñ mocwâc mi ronzeñienj. Moneñ i ufuñ bâpiankezo irec biñe qanzeñienj.” ⁸ Injuc jazame taha bapa jañe ñic ñokac jañeraonec moneñ mocwâc mi roninje mañ mocjaha embienj. Erâ jañe ufuñ i mi bâpiankeninje manapie sâckewec.

⁹ Eme taha bapa Jojada e katapa moc rorâ tapanao hawecne bâsurâ ñic jañe Wofuñte ufuñko fec wahac ejumbienj ira fâreopec alata heririnjo heme ñewec. Ehame taha bapa motâc

sonaŋ domambin jaŋe monen Wofunŋe ufunŋo bafisikicne i rofârerâ ira râepie huwec. ¹⁰ Eme damen ira me ira katapao monen bocjaha neme honerâ ŋicwofunŋe qâqâren ŋic â taha bapa fekicne jaŋe fisirâ Wofunŋe ufunŋo monen ŋewec i woserâ kânonŋko ropie hume micne bândene jumbien. ¹¹ Erâ monen i honepie sâckeme gie sonaŋ jaŋerao râepie jaŋe fic bapa ŋic ufun ira gie bambin jaŋe ¹² â qânâ râràe â he qanzaŋ ee ŋic jaŋe gie furi jare jumbien. Erâ monen gâcne katapa â qânâ he qanzaŋ ekicne erâ wiac i me i Wofunŋe ufun bâpianŋkeninŋe basambin ira rawec. ¹³ Erâ Wofunŋe ufunŋo monen bafisimbini izi Wofunŋe binje siliwa râqâc me waha bâbâhâpo gunu me soc titie râqâc me qen me gol â siliwa râqâc gâcne mi bambin. ¹⁴ Monen i Wofunŋe ufun bâbâpianŋke â ŋic ira gie bambin jaŋere binje sawa ewec. ¹⁵ Jaŋe manapie sâckeha gie bambinŋe ŋic gie furi jareninŋe monen mejenjicko râembini jaŋerao funnere mu wioc moc mi embini. Jaŋe gie-jenji i aijakic jaha bambin. ¹⁶ Mâc kin â sâqocne tâtâmire taha irec monen i ine Wofunŋe ufunŋo mi bafisimbini. Monen izi ine taha bapa jaŋere binje ewec.

¹⁷ Eme damen ira Siria ŋicwofun Hazaelezi ferâ Gati haeo zika qahuc hae i rowec. Erâ Jerusalem haeo zika qaocte fezo hata funkewec. ¹⁸ Ehame Juda ŋicwofun Joasizi mamac apa ŋosafâcne Juda ŋicwofun ranqane Josafata â Joram â Ahazia jaŋe wiac sasawa mumupanŋko râehuc bâtirimbini i â e jahacne wiac tirine, erâ Wofunŋe ufunŋo â ŋicwofun ficticnere kânonŋko gol fowec i rorâ Siria

ŋicwofuŋ Hazaelerao râeme rawec. Inuc eme Hazaele e Jerusalem hae i râpeckerâ rawec.

¹⁹ Joasizi wiac sasawa ebac ewec i Juda ŋicwofuŋ jaŋere Binaŋ Qâhâc papia qizecko qârenke-fârekicne. ²⁰ Joasi e jahacne kiŋaŋ qaqa fâc jaŋe rângeŋkecnehuc faharerâ Sila haeo hata rakac ira Milore ficko qâhâmombiŋ. ²¹ Erâ i kiŋaŋ qaqa jahec-ticne Simeatire ŋokâ Jozakari â Somerire ŋokâ Jozabada jahe qapire hâmwec. Hâmome apa ŋosafâcne jaŋerao zuhuckehuc Dawidire hae qizecko duckembiŋ. Ehame ŋokâ-ticne zâŋene Amazia eki tucticne qarâ ŋicwofuŋ juwec.

13

Joahazizi Israe ŋicwofuŋ juwec

¹ Juda ŋicwofuŋ Ahaziare ŋokâ Joasi e ŋicwofuŋ jume jara 23 eha Jehu ŋokâ-ticne Joahazizi Samaria haeo juhuc fuŋkerâ Israe ŋic jaŋere ŋicwofuŋ erâ jara 17 juwec. ² Ehuc Wofuŋte zâŋe faio wiac mamakâcne ehuc Nebate ŋokâ-ticne Jeroboamzi Israe ŋic ejareme hehesic bâfuambiŋ, hata i mi râpeckewec. ³ Irec Wofuŋ e kimbeŋ-ticnezi Israe ŋic bâruŋke-jareha Siria ŋicwofuŋ Hazaele â ŋokâ-ticne, zâŋene Benhada, jahere meo zuzuhuc jaha râec-jopahuc juwec. ⁴ Inuc eme Joahazi e Wofuŋ kio wâwâsic ecneme Wofuŋzi kio wâwâsic-ticne manawec. Wofuŋ e Siria ŋicwofuŋzi fific guguriŋ ejarewec i honewec hâcne. ⁵ Ehuc bâbâfirie ŋic moc âkendânge-jareme eki Siria ŋic jaŋere meonec batarac-jopawec. Inuc ejareme Israe ŋic jaŋe

juwicnao jumbiñ irec sâc hae-jenickoa jumbiñ. ⁶ Erâ Jeroboam kikefunfâcne jañe Israe ñic ejarepie hehesic bâfuambin i mi râpeckehuc hata ijaha âtembin. Erâ Asera nemure qân qâqâtâczi Samaria haeo zuhuckerâ ñewec. ⁷ Eme Joahazire momori bocjaha mocwâc mi jumbiñ. Momori zinuc sawazi jumbiñ: Becâsicko rara ñic 50 â keretac 10 â kikezi rara ñic 10 tausen! Israe ñic jañe Siria ñicwofuñzi jopahuc âtenzan-jopakume rufe inucne embin hâcne. ⁸ Eme Joahazizi wiac sasawa ebac ewec â tâpiri-ticnere fune i Israe ñicwofuñ jañere Binañ Qâhâc papia qizecko qârenke-fârekicne. ⁹ Eme Joahazi e hâmome apa ñosafâcne jañerao zuhuckehuc Samaria haeo duckembin. Ehame ñokâ-ticne zâñene Jehoasi eki tucticne qarâ ñicwofuñ juwec.

Jehoasizi Israe ñicwofuñ juwec

¹⁰ Joasi e Juda ñicwofuñ jume jara 37 eha Joahazi ñokâ-ticne Jehoasizi funkerâ Samaria haeo juhuc Israe ñic jañe ñicwofuñ ejarewec. Erâ ñicwofuñ juhame jara 16 tarawec. ¹¹ Erâ e wâc Wofunte zâñe faio wiac mamakâcne ewec jaha. Ehuc Nebate ñokâ-ticne Jeroboamzi Israe ñic ejareme hehesic bâfuambin hehesic i mi râpeckehuc ijaha ehuc juwec. ¹² Erâ Jehoasizi wiac sasawa ebac ewec â tâpiri-ticnere fune bataniñkehuc Juda ñicwofuñ Amaziahec qaqac epic i Israe ñicwofuñ jañere Binañ Qâhâc papia qizecko qârenke-fârekicne. ¹³ Eme Jehoasi e hâmome apa ñosafâcne jañerao zuhuckehuc Israe ñicwofuñ jañe fombincoa Samaria haeo duckembin. Eme Jeroboamzi eri ñeñe-ticnao ñewec.

Elisazi mimic findaŋdâŋ muwec

¹⁴ Elisa e huc bame hâmozo ehuc fohame Israe ŋicwofuŋ Jehoasizi erao hurâ zîŋuc muhuc kiowec: “Mamac-nane, mamac-nane! Israere keretac â becâsicko rara ŋic!” ¹⁵ Inuc mume Elisazi zîŋuc âzâcnewec: “Tepe nenŋocne â motecne roc.” Âzâcneme tepe nenŋocne â motecne rowec. ¹⁶ Rome Elisazi Israe ŋicwofuŋ zîŋuc âzâcnewec: “Tepe âpârec.” Inuc âzâcneme tepe âpârewec. Âpâreme Elisazi meticne ŋicwofuŋte me faio râewec. ¹⁷ Ehuc muwec, “Zoan wewefunaopoc qâqâtac katan i motâc roc.” Mume e inuc ewec. Eme Elisazi zîŋuc âzâcnewec: “Ajoc, qâtâcnec.” Âzâcneme inuc ewec. Eme Elisazi muwec, “Wofuŋzi bafic-nâpoocmu irec tepe motec, Siria mâreŋ bawahahuc bafic-nâpoocmu irec tepe motec! Go Siria ŋic Afeke haeo jopaku jopa miziecmu hâcne.” ¹⁸ Inuc murâ zuhuckerâ muwec, “Tepe motec roc.” Inuc mume rowec. Rome Israe ŋicwofuŋ zîŋuc âzâcnewec: “Tepe motec izi mâreŋ qac.” Âzâcneme arec jahec â moc sawa qarâ behewec. ¹⁹ Inuc eme Anuture ŋic e Israe ŋicwofuŋ ere aarickeme muwec, “Go mâreŋ arec 5 me 6 qanzan. Go inuc etec muzac ine Siria ŋic jopaku jopa mizienzan. Zi ine go Siria ŋic arec jahec â moc sawa jopacmu.”

²⁰ Eme Elisa hâmome duckembiŋ. Ehame jara mocte maŋnao zoan damen fuŋkehame Moabi ŋic jaŋe Israe mâreŋko râsi fisimbiŋ. ²¹ Juku damen mocko ŋic gâcne jaŋe ŋic moc hâmome duckezo ehuc juhapie râsi guru fisipie honec-jopambiŋ. Ehuc ŋic hâmocnere qânqân i Elisare nombânko

behepie huwec. Eme qânqânzi hu Elisare siec heuwarâ izia qârerâ fahare domawec.

²² Siria ñicwofuñ Hazaele e Joahazire damenjo Israe ñic fific guguriñ mâretéc ejarewec.

²³ Ehame Wofuñ e honec-joparâ busâqoc manajarehuc buuruc qajarewec. E Abraham, Isaka â Jakobo jânehec zâzâfic ewec irec erâ moc mi bâsirowec-jopahuc jânehec juwec. Me bebehec-jopa sanan i moc mi ewec hâcne.

²⁴ Juku Siria ñicwofuñ Hazaele e hâmomé ñokâ-ticne Benhadazi tucticne qarâ ñicwofuñ ewec. ²⁵ Ehame Hazaele ñokâ-ticne Benhadazi Jehoasi mamac-ticne Joahazihec zika qahuc hae gâcne jâoc rowec i Jehoasizi mocwâc rowec. Jehoasi e arec jahéc â moc Benhada ro waha âte ecnehuc Israe hae i mocwâc rowec hâcne.

14

Amaziazi ñicwofuñ juwec (Bin II 25:1–28)

¹ Joahazire ñokâ Jehoasi e Israe ñicwofuñ jume jara jajahec eha Juda ñicwofuñ Joasire ñokâ Amaziazi funkerâ ñicwofuñ ewec. ² E jara-ticne 25 bazurâ funkerâ ñicwofuñ ehuc jara 29 Jerusalem haeo juwec. Nenqoc-ticne zâñene Joadan e Jerusalem haeonec. ³ Amazia e Wofunte zâñe faio wiac sasawa ebac eme sâcke-fârewec. Erâ ine apa-ticne Dawidire sâc wâc mâcne, e wiac gâcne ewec i mamac-ticne Joasizi ewec sâc ijaha ewec. ⁴ Erâ furu mâren mi bârârie-fârewecte ñic ñokac jâne furu mârenkoa taha bâzi â hosâc âsu i rikehuc jumbin jaha. ⁵ E ñicwofuñ ñeñe-ticnao

ņesanaŋkehuc mamac-ticne ņicwofuŋ juhame qâhâmombiŋ, kiŋaŋ qaqařâcne i jaŋe iŋuc jaha qâhâmoc-jopawec. ⁶ Ehuc Mosere sâcmutâc dânŋte papiâ qizecko Wofuŋte mumutâc dânŋ ziŋuc qâreŋkekicne fokac irec sâcko mamac-ticne qambiŋ jaŋere qâricfâc mi qâhâmoc-jopawec: “Naru motec jaŋere erâ mamacfâc-jeŋic mi qâhâmoc-jopazo, me mamac jaŋere erâ naru motecfâc-jeŋic mi qâhâmoc-jopazo. Nĭc buc buc jaŋe jaŋacne sâqocnere erâ hâmonzepieŋ.”

⁷ Eme Amazia e mâreŋ ŋondeŋ moc zâŋene Hâwec Wâneŋ ira Edomŋic 10 tausen qâhâmoc-joparâ Sela hae ro rauc ehuc zâŋene Joketele muwec. Eme zâŋe i damenŋ zi fokac jaha.

⁸ Eme Amazia e Joahazire ŋokâ, Israe ņicwofuŋ Jehoasi, Jehu ŋosa-ticne hâcne, erao kiŋaŋ sorec-jopahuc ziŋuc muwec: “Go waretec nâhâc tâpiri-nâhecte fuŋne nowac gowatuŋ ezeperec.” ⁹ Iŋuc mume Israe ņicwofuŋ Jehoasizi Juda ņicwofuŋ Amaziarao dânŋ ziŋuc râeme rawec: “Lebanonŋ mâreŋko zârâ moczi Lebanonŋ mâreŋkoa jâmâzâc jâctaŋo ziŋuc muhuc dânŋ râewec: ‘Go otâge ŋokâ-nanere ŋonâŋ eocte râecnec.’ Iŋuc muhame Lebanonŋ mâreŋkonec jaha kâte qowi moczi fotâcnehuc zârâ i âtenzaŋnewec. ¹⁰ Go jâmbomac Edomŋic jopameŋ; eme irec erâ maŋfefe ekomec. Go eri qarawenŋgere manatec sâckeha haegaoa juc. Go wemocte gahacne mecne â Juda kikefuŋ mecne ŋoŋe mâmâc jaha waha ŋopaŋocte suru jâiŋ ehuc bahac bâfuacmurâ giene bakomec?”

¹¹ Iŋuc mume Amazia e dânŋ i mi manawec. Eme

Israe ŃicwofuŃ Jehoasi e ferâ Amaziahec Juda hae moc zâŃene Bete-Semesi ira bâbâfuac erâ qaŃac epic. ¹² Ehuc Israe Ńic jaŃe JudaniŃ bawahac-jopapie wiserâ hae-jenŃic sâc rambin. ¹³ Eme Israe ŃicwofuŃ Jehoasizi Joasire Ńokâ, Ahazia Ńosa-ticne, Juda ŃicwofuŃ hâcne e Bete-Semesi haeo rorâ Jerusalem haeo barawec. Erâ haesac i 400 kubi irec sâc Eferaim Motâckonec heropieha raku TuteuruŃ Motâcko fisiwec. ¹⁴ Ehuc gol â siliwa â kuzi râqâc wiac WofuŃte ufuŃko fowec i mecne â ŃicwofuŃte ficko zeŃaŃ wiac fowec i mecne, erâ wâc Ńic Ńokac mecne mâmâc amec susuc-joparâ Samaria haeo risiewec.

¹⁵ Eme Jehoasizi wiac sasawa ebac ewec â tâpiri-ticnere fuŃne irec dâŃ mecne erâ Juda ŃicwofuŃ Amaziahec qaŃac epic irec binan sa-sawa i mâmâc Israe ŃicwofuŃ jaŃere BinaŃ Qâhâc papia qizecko qâreŃke-fârekicne. ¹⁶ Juku Jehoasi e hâmome apa Ńosafâcne jaŃerao zuhuckerâ Israe ŃicwofuŃ jaŃe fombinŃkoa Samaria haeo duckembin. Ehame Ńokâ-ticne Jeroboamzi tucticne qarâ ŃicwofuŃ juwec.

¹⁷ Juda ŃicwofuŃ Joasi ere Ńokâ Amazia e Israe ŃicwofuŃ Joahazire Ńokâ Jehoasizi hâmome jara 15 zuhuckerâ juwec. ¹⁸ Eme Amaziazi wiac sasawa ebac ewec irec binan i Juda ŃicwofuŃ jaŃere BinaŃ Qâhâc papia qizecko qâreŃke-fârekicne. ¹⁹ Eme Ńic gâcne jaŃe Jerusalem haeo râsi rocnepie wiserâ Lakisi haeo rawec. Ehame kinan sorec-jopapie Lakisi haeo rarâ ira qapie hâmowec. ²⁰ Hâmome becâsicko râerâ bara Dawidire hae qizecko Jerusalem ira apa Ńosafâc-ticne

fombiŋkoa duckembiŋ. ²¹ Ehuc Juda ŋic jaŋe ŋokâ-ticne Uzija jara-ticne 16 bazuwec, e rorâ mamac-ticne Amaziare tuc qarâ juocte ŋicwofuŋ âkendâŋnembiŋ. ²² Eki hâcne ŋicwofuŋzi hâmome apa ŋosafâcne fombiŋkoa duckepie foha Elata hae barâ Judaniŋ mocwâc bârisie-jarewec.

Jeroboamzi ŋicwofuŋ juwec

²³ Joasire ŋokâ Amazia e Juda ŋicwofuŋ jume jara 15 eha Israe ŋicwofuŋ Jehoasire ŋokâ Jeroboamzi fuŋkerâ Samaria haeo ŋicwofuŋ gie rorâ jara 41 ŋicwofuŋ juwec. ²⁴ Ehuc Wofuŋte zâŋe faio wiac mamakâcne ewec. E Nebatere ŋokâ Jeroboamzi Israe ŋic ejareme hehesic bâfuambin hehesic i mi râpeckewec. ²⁵ E Israere Wofuŋ Anutuzi kiŋaŋŋic-ticne Amitaire ŋokâ Jona, Gatehefe haeonec, erao dâŋ muwec i deŋkeocte Israe ŋic jaŋere mâreŋ ma Hamati haeonec raku Araba Hâwecko* fisikac i mocwâc bârisie-jarewec. ²⁶ Wofuŋ e Israe ŋic jaŋere fific guguriŋ hâtâne i honewec hâcne. Ehame ŋic rambaŋko jujune me niŋgiŋko jujune jaŋeraonec moczi moc Israe ŋic babafic-jopare sâc mi juwec. ²⁷ Erâ Wofuŋ e mâreŋko Israe zâŋe biŋe bârârâŋneocte moc mi muwec, irec Jehoasire ŋokâ Jeroboam manacneham eki bafic-jopawec.

²⁸ Eme Jeroboamzi wiac ebac ewec â zika qawec â tâpiri-ticnere fuŋne erâ Damasko â Hamati hae i Judaniŋ jaŋeraonec rorâ Israe ŋic bârisie-jarewec irec binan i sasawa Israe ŋicwofuŋ jaŋere Binan Qâhâc papia qizecko

* **14:25:** 1 Hâwec Hâmocnere mukicne.

qârenke-fârekicne. ²⁹ Eme Jeroboam e apa ñosafâc-ticne Israe ñicwofuñ jañerao zuhuckerâ hâmome ñokâ- ticne Ñekariazi tucticne qarâ ñicwofuñ juwec.

15

Uzijazi ñicwofuñ juwec

¹ Jeroboam e Israe ñicwofuñ jume jara 27 eha Juda ñicwofuñ Amazia ñokâ- ticne U Zijazi funkerâ ñicwofuñ ewec. ² E jara 16 bazurâ ñicwofuñ erâ Jerusalem haeo juhame jara 52 tarawec. Nengoc-ticne zâñene Jekolia, e Jerusalem haeonec. ³ Eme U Zijia e mamac-ticne Amaziazi ewec irec sâc jaha ehuc Wofunje zâñe faio wiac ebac eme sâcke-fârewec. ⁴ Mocjaha, furu mârenj i ine mi bârârie-fârewec. Irec ñic ñokac jañe furu mârenko taha bâzi â hosâc âsu rikehuc jumbiñ jaha. ⁵ Eme Wofunzi ñicwofuñ game wicsananhec jufekuhame hâmoc damen-ticne maickewec. Eme e irec erâ bâtâcko ñeñe juju ewec. Ehame ñokâ- ticne Jotamzi garikinfâcne jañere micne juhuc ñic ñokac qañen-jopawec. ⁶ U Zijia e wiac sasawa ebac ewec i Juda ñicwofuñ jañere Binañ Qâhâc papia qizecko qârenke-fârekicne. ⁷ Juku U Zijia e apa ñosafâcne jañerao zuhuckehuc hâmome jañe fombiñkoa Dawidire hae qizecko duckembiñ. Ehame ñokâ- ticne Jotamzi tucticne qarâ ñicwofuñ juwec.

Ñekariazi ñicwofuñ juwec

⁸ U Zijazi Juda ñicwofuñ jume jara 38 eha Jeroboamte ñokâ Ñekariazi Israe ñicwofuñ ehuc

mosa 6 Samaria haeo juwec. ⁹ Erâ e macfâc-ticne jaŋe ejumbien irec sâc jaha ehuc Wofunŋe zâŋe faio wiac mamakâcne ewec. Ehuc Nebate ŋokâ-ticne Jeroboamzi Israe ŋic ejareme hehesic bâfuambiŋ i mi râpeckewec. ¹⁰ Ehame Jabesi ŋokâ-ticne Salumzi râsi ecnehuc Ibelean haeo qame hâmome tucticne qarâ ŋicwofun juwec. ¹¹ Eme 3ekariazi wiac ebac ewec sasawa i Israe ŋicwofun jaŋere Binaŋ Qâhâc papia qizecko qârenke-fârekicne. ¹² Wofun e dâŋ zîŋuc muhuc Jehu mupaŋkecnewec i denke-fârewec: “Qâricfâcge fua fepie arecne 4 eocmu jaŋe Israere eri ŋenŋeo ŋenzonŋopien.”

Salumzi ŋicwofun juwec

¹³ Uzija e Juda ŋicwofun jume jara 39 eha Jabesi ŋokâ-ticne Salumzi funkerâ ŋicwofun ehuc Samaria haeo mosa mocjaha juwec. ¹⁴ Ehame Gadi ŋokâ-ticne Menahemzi Tiriza haeonec Samaria haeo fisirâ Jabesi ŋokâ-ticne Salum qâhâmohuc tucticne qarâ ŋicwofun ewec. ¹⁵ Eme Salumzi wiac ebac ewec â râsi fisiwec i sasawa Israe ŋicwofun jaŋere Binaŋ Qâhâc papia qizecko qârenke-fârekicne. ¹⁶ Eme Menahemzi Tapua hae â maŋnao wiac sasawa fowec i mecne erâ rârec rârec mâren forawec i mâmâc imacke-fârewec. Jaŋe haesac motâc mi rocnembinŋe inuc hâcne ewec. Erâ ŋokac kiwechec jaŋe sâqezi bujenic âke ropiewec.

Menahemzi ŋicwofun juwec

¹⁷ Uzija e Juda ŋicwofun jume jara 39 eha Gadi ŋokâ-ticne Menahemzi funkerâ ŋicwofun ehuc

jara 10 Samaria hao Israe ńic jańere ńicwofuń ewec. ¹⁸ Ehuc Wofuńte zńe faio wiac ma-makńcne ewec. Erń e juwec sńc Nebatere ńokń Jeroboamzi Israe ńic ejareme hehesic bńfuambin i mi rńpeckewec. ¹⁹ Ehame Asiria ńicwofuń Pulizi Israe mńrenko rńsi fisiwec. Fisime Menahemzi zinuc manasuhuc siliwa monen ńemń-ticne 1 tausen rńcnewec: Eki baficnume Israe ńicwofuń jusanńkezepac. ²⁰ Erń Menahem e monen i sa-sawa Asiria ńicwofuń rńcneocte Israe ńic monen mafa sńkohec jańeraonec ńic buc buc siliwa monen ńemń-ticne 50 sasawa jowac rowec. Irec Siria ńicwofuń e mńren ira mi juhuc risierń rawec. ²¹ Eme Menahemzi wiac sasawa ebac ewec i Israe ńicwofuń jańere Binan Qńńc papia qizecko qńrenke-fńrekicne. ²² Juku Menahem e apa ńosafń-ticne jańerao zuhuckerń hńmome ńokń-ticne Pekajazi tucticne qarń ńicwofuń juwec.

Pekajazi ńicwofuń juwec

²³ Uzija e Juda ńicwofuń jume jara 50 eha Menahemte ńokń Pekajazi funkerń Israe ńicwofuń ehuc Samaria hao jara jajahec juwec. ²⁴ Ehuc Wofuńte zńe faio wiac mamakńcne ewec. Erń Nebate ńokń-ticne Jeroboamzi Israe ńic ejareme hehesic bńfuambin, i mi rńpeckewec. ²⁵ Ehame momorifńcne jańere micne Peka, Remaliare ńokń hńcne, e Gileade ńic 50 jańe bafickepie Samaria haoa ńicwofuń fic sacsanń-ticnehec ira Pekaja qńńńmorń ekizia moc tucticne qarń ńicwofuń ewec. ²⁶ Eme Pekajazi wiac sasawa ebac ewec i Israe ńicwofuń jańere Binan Qńńc papia qizecko qńrenke-fńrekicne.

Pekazi ñicwofuñ juwec

²⁷ Uzija Juda ñicwofuñ jume jara 52 eha Remaliare ñokâ Pekazi funkerâ Samaria haeo Israe ñicwofuñ juhame jara 20 tarawec. ²⁸ Ehuc Wofun̄te zâñe faio wiac mamakâcne ewec. Erâ Nebatere ñokâ Jeroboamzi Israe ñic ejareme hehesic bâfuambin̄ i mi râpeckewec.

²⁹ Ehame Israe ñicwofuñ Pekare damen̄ko Asiria ñicwofuñ Tigela-Pilesezi fisirâ ljon̄ â Abe-Bete-Maka â Janoa â Kedesi â Hazoro â Gileade hae â Galilaia mâren̄, erâ Naftali mâren̄ sasawa i raucke-fârewec. Ehuc ñic ñokac rocjoparâ Siria mâren̄ko kâpâcwâru bacjopa rawec. ³⁰ Ehame Uzijare ñokâ Jotam e ñicwofuñ jume jara 20 eha Ela ñokâ-ticne Hoseazi Remaliare ñokâ Peka râsi ecnehuc qâhâmorâ tucticne qarâ ñicwofuñ ewec. ³¹ Eme Pekazi wiac sasawa ebac ewec i Israe ñicwofuñ jan̄ere Binan̄ Qâhâc papia qizecko qâren̄ke-fârekeicne.

Jotamzi ñicwofuñ juwec

(Bin II 27:1–9)

³² Remaliare ñokâ Peka e Israe ñicwofuñ jume jara jajahec eha Juda ñicwofuñ Uzijare ñokâ Jotamzi funkerâ ñicwofuñ ewec. ³³ E jara 25 bazurâ funkerâ ñicwofuñ ehuc Jerusalem haeo jara 16 juwec. Nengoc-ticne zâñene Jerusa e Zadokore otâ. ³⁴ Jotam e mamac-ticne Uzija ere sâcko Wofun̄te zâñe faio wiac sasawa ebac eme sâcke-fârewec. ³⁵ Furu mâren̄ ine mi bârârie-fârewec, irec ñic ñokac jan̄e mâren̄ injucnao taha bâzi â hosâc âsu rikehuc jumbin̄ jaha. Eme Jotamzi hâcne Wofun̄te ufun̄ irec

motâc faicpec fowec i bawec. ³⁶ Jotamzi wiac sasawa ebac ewec i Juda ŋicwofuŋ jaŋere Binaŋ Qâhâc papia qizecko qârenke-fârekicne. ³⁷ Eme damen ira funkerâ Wofuŋzi Siria ŋicwofuŋ Reziŋ â Remaliare ŋokâ Peka jahe Juda mârenko râsi fisinictesorec-jofawec. ³⁸ Jotam e juku hâmom apa ŋosafâcne jaŋerao zuhuckehuc jaŋe fom-biŋkoa apa-ticne Dawidire hae qizecko duckem-biŋ. Ehame ŋokâ-ticne Ahazizi tucticne qarâ ŋicwofuŋ juwec.

16

Ahazizi ŋicwofuŋ juwec (Bin II 28:1–27)

¹ Remalia ŋokâ-ticne Peka e ŋicwofuŋ gie bahuc jume jara 17 eha Juda ŋicwofuŋ Jotamte ŋokâ Ahazizi funkerâ ŋicwofuŋ ewec. ² Erâ Ahazi e jara 20 bazurâ ŋicwofuŋ gie rorâ jara 16 Jerusalem haeo ŋicwofuŋ juwec. Ehuc apa-ticne Dawidizi wiac ewec irec sâcko mi ehuc Wofuŋ Anutu-ticnere zâŋe faio wiac ebac eme mi sâckewec. ³ E Israe ŋicwofuŋ jaŋere hata bâjâpewec. Ehuc ŋokâ-ticne qarâ taha bâzi rikewec. E Israe ŋic jaŋe ŋic gurune gurune jaŋere mârenko raziniŋte Wofuŋzi mâren rune jopa jâpec ejarewec jaŋere eebapa sâqocne i hâcne ewec. ⁴ Erâ furu mârenko â tiki faio erâ jâc dodomanere funnao taha bâzi â hosâc âsu rikehuc juwec.

⁵ Ehame Siria ŋicwofuŋ Reziŋ â Remalia ŋokâ-ticne Israe ŋicwofuŋ Peka jahe Jerusalem haeo râsi fisirâ Ahazi somâckehuc bawahanicte eipiepic. ⁶ Damen ira hâcne Siria ŋicwofuŋ

Rezinzi Judanji Elata haeonec jâpec-jopahuc hae i Edomnjic bâtikie-jarewec. Ehame Edomnjic jaje Elata haeo fisirâ jumbinzi damenji zinjuczia jingopien jaha. ⁷ Inuc epie Ahazizi Asiria njicwofunji Tigela-Pileserao kinanji sorec-jopahuc zinjuc muwec: “No kinanji qaqa â njokâge. Irec go wefurâ Siria njicwofunji â Israe njicwofunji kisâ enarekopirec jahere meonec bataracnuc.” ⁸ Ahazi e injuc murâ Wofunje ufunjo â njicwofunji ficticnere kânônko siliwa â gol fowec i rorâ Asiria njicwofunji bubianji qacnehuc râeme rawec. ⁹ Eme Asiria njicwofunji e Damasko haeo râsi fisirâ hae i rohuc hae rune rocjoparâ Kiri haeo bacjopa rawec â Rezinji ine qâhâmowec.

¹⁰ Ehame njicwofunji Ahazi e Damasko haeo Asiria njicwofunji Tigela-Pilese bâfuaocte rarâ hae ira alata njewec i honewec. Ehuc alata irec hawari i sâcticnehec aimunji jaha bafârerâ taha bapa Uri-arao râeme rawec. ¹¹ Eme Uria e njicwofunji Ahazizi Damasko haeo juhuc alatare mumutâc râecnewec irec sâcko njicwofunji e biac mi risiehamo baku bafârewec. ¹² Eme njicwofunji e Damasko haeonec risierâ alata i honewec. Ehuc alata ira raferâ ¹³ qowi bâzi â nânâ bâzi rikewec. Erâ wainji honkerâ wamare soc alata fainao tiewec. ¹⁴ Erâ aenji bâbâronji Wofunje alata bakicne, Wofunje ufunji motâc maickehuc e jahacne alata â Wofunje ufunji njonondenji-jekicko njewec i bârârierâ e jahacne alata faicnaopec hewec. ¹⁵ Ehuc njicwofunji Ahazi e taha bapa Uria zinjuc muhuc sâcmutâc ecnewec: “Go alata sâko zirec faio furic bâzi â njafe bâzi rikezemec. Erâ njicwofunje qowi â nânâ

bâzi rikehuc ŋic ŋokac jaŋere qowi â nânâ bâzi erâ waiŋ bâzi i mâmâc rikezemec. Erâ qowi bâzi rikecmu irec soc mecne â qowi taha bacmu irec soc i mâmâc alata faio tiezemec. Â aenj bâbâronji alata bakicne i ine Wofuŋ mu wioc eecnere biŋe ŋenarezejec.” ¹⁶ Eme taha bapa Uria e ŋicwofuŋ Ahazizi mutâcnecnewec i sasawa efârewec.

¹⁷ Eme ŋicwofuŋ Ahazi e keretac bakicne irec jâc wiac i hetâtierâ râqâc rorâ bârârie-fârewec. Erâ bulimakao hawari doma rambin jaŋere faio opâ râqâc sâko aenj bâbâronji bapie ŋewec i wâc bârârierâ hobetenj fowec qânâ irec faio râewec. ¹⁸ Erâ sabata hombanjo rac warec eninje ufuŋko hata qanjenje bupunehec bakicne i mecne erâ wâc ŋicwofuŋte motâc ufuŋ saha-nao fowec i mâmâc Asiria ŋicwofuŋzi maname sâckeocte Wofuŋte ufuŋkonec bârârie-fârewec. ¹⁹ Eme Ahazizi wiac sasawa ebac ewec irec binan i Juda ŋicwofuŋ jaŋere Binaŋ Qâhâc papi qizecko qârenje-fârekicne. ²⁰ Eme Ahazi e hâmomme apa ŋosafâc-ticne jaŋerao zuhuckehuc jaje fombinjoa Dawidire hae qizecko duckembinj. Ehame ŋokâ-ticne Hisikiaz i tucticne qarâ ŋicwofuŋ juwec.

17

Samaria hae hetâtiehuc Israe ŋic kâpâcwâru bacjopa rakicne

¹ Ahazi e Juda ŋicwofuŋ jume jara 12 eha Ela ŋokâ-ticne Hoseazi fuŋkerâ Samaria haeo Israe ŋic jaŋere ŋicwofuŋ juhame jara 9 tarawec. ² Ehuc Wofuŋte zâŋe faio wiac mamakâcne ewec. Erâ i

Israe ŋicwofuŋ bâbâni juwarembiŋ jaŋere sâc wâc mi bâfuawec. ³ Ehame Asiria ŋicwofuŋ Salimane-sezi râsi rocnehuc fisime Hoseazi kiŋaŋ qaqa-ticne erâ juhuc monenŋ râcnehuc juwec. ⁴ Juku ine eeatuc gie bahuc kiŋaŋ sorec-jopame Aigita ŋicwofuŋ Soerao rambiŋ, erâ jara sâc ejujec iŋuc ehuc Asiria ŋicwofuŋ monenŋ moc mi râcnewec; irec Asiria ŋicwofuŋzi fuŋne-ticne iŋuc manahuc rorâ kâpâcwâru ficko râewec. ⁵ Asiria ŋicwofuŋ e iŋuc erâ Israe mârenŋ sâcke-fârehuc ro rauc eraku Samaria haeo fisirâ hae i somâckera fohuc juhame jara jahec â moc tarawec. ⁶ Eme Hosea e ŋicwofuŋ gie bahuc jume jara 9 eha Asiria ŋicwofuŋzi Samaria hae rorâ Israe ŋic Asiria mârenko bacjopa rawec. Ehuc Hala haeo â Gozaŋ mârenŋte opâ moc zâŋene Haboro ira erâ Medenŋic jaŋere hae sâko ŋerawec sâc ira mâmâc râec-jopa rawec.

⁷ Israe ŋic jaŋe Wofuŋ Anutu-jeŋiczi Aigita mârenko ŋicwofuŋ Faraore meonec batarac-joparâ bacjopa wefuwec e bunao bahuc sâqocne bambiŋte â nemu gâcne dape-jarembiŋte iŋuc fua-jarewec. ⁸ Erâ Israe ŋic jaŋe mârenŋ ira fisiniŋte Wofuŋzi ŋic gurune gurune jâpec-jopawec jaŋere sâcmutâc â eebapao siŋkambiŋ irec iŋuc fua-jarewec. Jaŋe iŋuc ehuc Wofuŋ Anutu-jeŋic nifepupu ecnembiŋ hâcne. ⁹ Ehuc Wofuŋ Anutu-jeŋicte maio wiac kecziŋuc epie mi sâckewec: Hae-jeŋic sâc mârenŋ hepie feme mutirihuc furu murambiŋ, erâ hae sacsanaŋ-ticnehec â zae wiac i wâc mutirimbiŋ. ¹⁰ Ehuc nemu wâtuŋ â qâŋ qâqâtâc wiac furu mârenko â jâc dodomanere fuŋnao râepie doma

rawec. ¹¹ Inuc ehuc Wofunzi zâne fai-jenicko ñic gurune gurune jopa jâpec ejarewec jañe mâsi ehuc jumbiñ irec sâc jaha ehuc Israe ñic jañe mâren inucnao hosâc âsu rike jumbien. Wiac hehesicne inuc hâcne ehuc Wofun manbâiñ ecnembiñ. ¹² Ehuc qân qâqâtâc jañere kiñan mi qaniñte Wofunzi dân zinuc jazawec i sifu mi manambiñ: “Ñoñe wiac zi mi enzepien.” ¹³ Erâ Wofun e porofete â findandân mumu ñic jañere micko dân zinuc râehuc Israe â Judaniç uñ sawan ejarewec: “Ñoñe eebapa-ñenjiç sâqocnaonec risierâ apa ñosafâc-ñenjiç sâcmutâc dân mutâcne-jarepo â kiñan qaqafâc-nane porofete jañe ñaza qazuc embiñ, sâcmutâc â mumutâc dânane i ñoñe pañnea bajunzepien.” ¹⁴ Inuc jazame jañe apa ñosafâc-ñenjiç jañe Wofun Anutu mi manasiñkembiñ irec sâc jaha dânticne mi mamana mansanâñ bâfuambiñ. ¹⁵ Ehuc apa ñosafâc-ñenjiç jañehet zâzâfic ewec â uñ sawan ejarewec i â mumutâc dânticne mâmâc qikiñnembiñ hâcne. Ehuc qân qâqâtâc burecne mai ejarehuc burecñic jaha embiñ. Erâ Wofunzi ñic gurune gurune rârec-joparâ juhuc wiac ebac embiñ sâc ijaha enzipiñte aka hejarewec i sifu huckembiñ. ¹⁶ Inuc ehuc Wofun Anutu-jenjiçte sâcmutâc râpecke-fârerâ jañe jañac aen wiac rike dockerâ bulimakao motecne jajahec jahere hawari ba akic embiñ â Asera nemure qân barâ sambânko mosa bâpiñ dape-jarembiñ, erâ Baali nemu wâc dapecnembiñ. ¹⁷ Inuc ehuc otâ ñokâfâc-ñenjiç joparâ taha bâzi rikec-jopambiñ. Ehuc Wofunte zâne faio hehesicko huutuckerâ

Wofuŋ maŋbâiŋ ecnembiŋ. ¹⁸ Irec Wofuŋzi Israe ŋic aaric mana-jarehuc zâŋe mai-ticnaonec bârâriec-jopawec. Eme jaŋeraonec moczi moc mi jujâmbâŋkewec. Juda guru jaŋe sawa jumbiŋ.

¹⁹ Erâ Judaŋic jaŋe wâc Wofuŋ Anutu-jenictc sâcmutâc dâŋ i paŋpaŋnea mi bajumbiŋ. Ehuc Israe ŋic jaŋe eebapa gâcne bâfuambiŋ ira ninipembiŋ jaha. ²⁰ Inuc epie Wofuŋzi Israere qâricfâc sasawa qikiŋ-joparâ fific bacjopahuc ima bapa ŋic jaŋere meo râec-joparâ juku zâŋe mai-ticnaonec bârâriec-jopa-fârewec.

²¹ Wofuŋ e inuc ehuc Israe ŋic Dawidire kikefuŋkonec bârâc qârâwiŋ-jopame jaŋe Nebate ŋokâ-ticne Jeroboam ŋicwofuŋ âkendâŋnembiŋ. Eme eki Israe ŋic fârec-jopame Wofuŋ râpeckerâ bahac sâko bâfuambiŋ. ²² Ehuc Jeroboamzi wiac hehesicne ebac ewec i mi râpeckehuc ira qohotafârembiŋ. ²³ Inuc epie Wofuŋ e kiŋaŋŋicfâc-ticne porofete dâŋ jazawec irec sâcko Israe ŋic jaŋe zâŋe mai-ticnaonec bârâriec-jopawec. Israe ŋic mâreŋ-jenickonec rocjoparâ Asiria mâreŋko kâpâcwâru bacjopa rakicne jaŋe damen zi juŋgopien jaha.

Samaria mâreŋko ŋicguru gâcne jaŋe fisirâ jumbiŋ

²⁴ Ehame Asiria ŋicwofuŋzi Israe ŋic jaŋere okacne Babe â Kuta, Awa â Hamati erâ Sefarawaim mâreŋkonec ŋic ŋokac rocjoparâ Samaria hae ŋerawec ira guruc-jopawec. Eme jaŋe Samaria mâreŋ rauckerâ hae ŋerawec ira jurambiŋ. ²⁵ Erâ ira fisi juhuc Wofuŋ araŋ mi bacnembiŋ. Eme irec Wofuŋzi laion ejareme

guru-jeŋicko fisirâ jaŋeraonec gâcne ki qâsuc ejarembiŋ. ²⁶ Inuc ejarepie Asiria ŋicwofuŋ dân ziŋuc âzâcnembiŋ: “Ŋic gurune gurune goki rocjoparâ bacjopa ra Samaria hae ŋerakac sâc guruc-jopameŋ jaŋe mâreŋ irec nemure sâcmutâc mi mananŋopieŋ. Irec erâ nemuzi laioŋ ejareme guru-jeŋicko fisirâ ŋic ŋokac gâcne ki qâsuc ejareŋgopieŋ.” ²⁷ Inuc âzâcnepie Asiria ŋicwofuŋzi dân ziŋuc jazawec: “Ŋoŋe mâreŋ irecnec taha bapa bacjopa warekicne jaŋeraonec moc bârisiepie ra ijaha juhuc mâreŋ irec nemure sâcmutâc qazu-jarezejec.” ²⁸ Inuc mume Samaria mâreŋkonec taha bapa bacjopa rakicne jaŋeraonec moczi mocwâc risierâ Bete haeo juhuc Wofuŋ araŋ bacnehuc juniŋte qazu-jarewec.

²⁹ Ehame ŋic gurune gurune jaŋe hae-jeŋic sâc jurahuc sifu nemuqâŋ barâ Samaria ŋic jaŋe furu mâreŋ barambiŋ ira râec-jopambiŋ. ³⁰ Ehuc Babenŋic jaŋe Suko-Beno nemu araŋ bacnembiŋ â Kutinŋic jaŋe Neregali nemu araŋ bacnembiŋ â Hamati ŋic jaŋe ine Asima nemu araŋ bacnembiŋ. ³¹ Â Awinŋic jaŋe nemu jahec-jeŋic Nibahazi â Taratac jahe araŋ bajactembiŋ â Se-farawaim ŋic jaŋe wâc inuc jaha nemu jahec-jeŋic Adiramelec â Anamelec jahe araŋ bajactehuc naru motecfâc-jeŋic joparâ bâzi rike-jactembiŋ. ³² Jaŋe inuc ehuc Wofuŋ wâc araŋ bacnerâ guru-jeŋickonec ŋic fuŋne fuŋne bâwosâec-jopapie jaŋe furu mâreŋte taha bapa juhuc ŋic ŋokac jaŋere erâ furu mâreŋko taha bâzi rike jumbieŋ. ³³ Inuc ehuc ŋifec Wofuŋ araŋ bacne jumbieŋ â ŋifec

ine mâreŋfuŋ-jeŋicte eebapa i bâjâpehuc nemufâc-jeŋic kiŋaŋ qajare jumbien jaha. ³⁴ Erâ eebapa raŋqane i ziŋuczia bajungopien jaha. Jaje Wofuŋ araŋ mi bacneengopien, ehuc Wofuŋzi dâŋsanaŋ â mumutâc erâ sâcmutâc dâŋ Jakobo, zâŋe-ticne Israe muwec, ere qâricfâc jarewec i wâc mi reŋkeenngopien. ³⁵ Wofuŋ e jajehec zâzâfic ehuc ziŋuc mutâcne-jarewec: “Ŋoje nemu gâcne araŋ mi bajarenzepien, me mi dapejarenzepien, me kiŋaŋ qajarehuc taha bâzi wâc mi rike-jarenzepien. ³⁶ Ŋoje Wofuŋ e jahac tâpiri sâko-ticnao meticnezi bacŋopa wefuwec e sawa araŋ bacnenzepien â e sawa fodapecnehuc taha bâzi rikecnenzepien. ³⁷ Ehuc dâŋsanaŋ â mumutâc â sâcmutâc dâŋ qâreŋke-ŋarewec i aimuŋ jaha soŋaŋkehuc ebac enzepien. Ŋoje nemu gâcne araŋ mi bajarenzepien. ³⁸ Erâ ŋojehec zâzâfic epo irec mi nikec-ŋopazejec. Ŋoje nemu gâcne araŋ mi bajarenzepien. ³⁹ Ŋoje Wofuŋ Anutu-ŋeŋic no araŋ banarepie kisâfâc-ŋeŋic jaŋere meonec batarac-ŋopapemu.” ⁴⁰ Iŋuc jazame jaje sifu eebapa raŋqa-jeŋic i ebac ehuc Wofuŋte dâŋ mi manambin.

⁴¹ Ŋic guru i jaje iŋuc ehuc ŋifec Wofuŋ araŋ bacnembin â ŋifec ine nemuqâŋfâc-jeŋic kiŋaŋ qajarembin. Ehame qâricfâc-jeŋic jaje apa ŋosafâc-jeŋic jaje embin irec sâc jaha embinzi ehuc juŋgopien jaha.

18

*Hisikiazi ŋicwofuŋ juwec
(Bin II 29:1–2)*

¹ Elare ŋokâ Hosea e Israe ŋicwofuŋ jume jara jahec â moc eha Juda ŋicwofuŋ Ahazire ŋokâ Hisikiazi funkerâ ŋicwofuŋ ewec. ² E jara 25 bazurâ ŋicwofuŋ gie rorâ jara 29 Jerusalem haeo juwec. Neŋgoc-ticne zâŋene Abia e 3ekariare otâ. ³ Hisikia e apa-ticne Dawidizi ewec irec sâc jaha ehuc Wofuŋte zâŋe faio wiac sasawa ebac eme sâcke-fârewec. ⁴ Erâ furu mâreŋ bârârie-fârerâ nemu wâtuŋ â Asera nemure qâŋ qâqâtâc wiac i henzaŋ qanzaŋne-fârewec. Erâ Israe ŋic jaŋe Mosezi aen bâbâronzi homa hawari bawec e hosâc âsu rikecne jumbiente iŋuc jaha qanzaŋnewec. Homa hawari irec zâŋe Nehusitaŋ mujumbienj. ⁵ Hisikia e Israere Wofuŋ Anutu-rao rowecke-jâmbânkewec. Irec Juda ŋicwofuŋ ere juwicnao juwarembiŋ me ere faicnao jufembiŋ jaŋeraonec e iŋucne moc mi juwec. ⁶ E Wofuŋtao qohota sanaŋkewec. Ehuc Wofuŋzi Mose sâcmutâc dâŋ mutâcnecnewec i aimuŋ jaha soŋaŋkewec. ⁷ E iŋuc eme Wofuŋzi ehac juha wiac i me i ebac ewec sâc fârio qafârewec. E Asiria ŋicwofuŋ maŋrângeŋ bâfuacnehuc kiŋaŋ mi qacnewec. ⁸ Erâ Filisa ŋic imac-jopa raku Gaza hae mâreŋko fisirâ zae â hae sacsanaŋ-ticnehec i mâmâc ima bafârewec.

Samaria hae tâtiewec

⁹ Elare ŋokâ Hosea Israe ŋicwofuŋ jume jara 7 ewec â Hisikia e Juda ŋicwofuŋ jume jara 4 ewec damenj ira Asiria ŋicwofuŋ Salimanesezi Samaria hae rasi rocnehuc fisirâ hae i somâckewec. ¹⁰ Somâckerâ fokuhame jara jahec â moc tarame hae rowec. Hosea e Israe ŋicwofuŋ jume jara 9

ewec â Hisikia e Juda ñicwofuñ jume jara 6 ewec damen ira hâcne Samaria hae rokiçne. ¹¹ Eme Asiria ñicwofuñzi Israe ñic mâren-ticnao bacjopa rarâ Hala haeo mecne â Gozan mârençe opâ moc zâçene Haboro ira mecne erâ Medenç janere hae ñerawec ira mâmâc râec-jopa rawec. ¹² Janê Wofuñ Anutu-jençicte dân qatarahuc zâzâfic-ticne hetâcnembiñ, erâ Wofuñte kinanñic Mosezi wiac sasawa mutâcne-jarewec i mana reren mi ehuc qâsua-fârembiñte inuc hâcne ejarekiçne.

Sanheribezi râsi fisiwec

(Bin II 32:1–19; Jes 36:1–22)

¹³ Hisikia e ñicwofuñ jume jara 14 eha Asiria ñicwofuñ Sanheribe eki râsi fisirâ Juda hae basanankekiçne sasawa ro rauc ewec. ¹⁴ Inuc eme Juda ñicwofuñ Hisikiazi Lakisi haeo Asiria ñicwofuñtao dân râehuc zinuc muwec: “No wiac epe sâqorewec, irec sifu behecnurâ rac. Go ñemâc i me i depemurâ munaretec depemu.” Inuc mume Asiria ñicwofuñ e Juda ñicwofuñ Hisikiazi siliwa moneñ ñemâc-ticne 300 â gol ñemâc-ticne 30 râcneocte mucnewec. ¹⁵ Eme Hisikia e Wofuñte ufuñko â ñicwofuñ ficticnere kânonko siliwa fowec i râcne-fârewec. ¹⁶ Erâ damen ira Juda ñicwofuñ Hisikia e Wofuñte ufuñ motâcko erâ e jahacne ficmotâcte wâtunko gol qorockekiçne fowec i bâhockerâ Asiria ñicwofuñ râcnewec. ¹⁷ Eme Asiria ñicwofuñ e Lakisi haeo ñehuc Taratan â Rabasarisi erâ Rabasake momori guru dindinhec sorec-jopame raku Jerusalem haeo Hisikiarao fisimbiñ. Fisirâ faicpec riçicte opâwâc qoruc qaqajac ñic ere mâren heririnçao

hata fokac ira domambin. ¹⁸ Ehuc ŋicwofuŋte mupie ŋic micne zinuc jaŋe fisimbini: Ŋicwofuŋ ficate micne sâko Eliakim, Hilikiare ŋokâ hâcne, â qâqârenj ŋic Sebena erâ Asafare ŋokâ Joa micne sâko-jenji hâcne.

¹⁹ Eme Rabasakezi zinuc jazawec: “Hisikia âzâcnenin, ŋicwofuŋ sâko, Asiria ŋicwofuŋ hâcne, e zinuc mukac: ‘Ŋi wemo wiaczi dapeŋ egareha roweckehuc juekic? ²⁰ Go manatec dân sawazi zikare mamana â tâpiri bâfuacocmu ekac me? Go morao roweckehuc no râpecnumen? ²¹ Ojai, go kâcbinj gunu herickekiecne keci, Aigita hâcne, erao roweckekomec; eme gunu ira roweckeenjopienj jaŋe mejenji âke mârânkeekac i. Eme Aigita ŋicwofuŋ Farao e ŋic sasawa erao roweckeenjopienj jaŋe inuc hâcne ejareekac. ²² Go zinuc mecne nazacmu, “Nâŋe Wofuŋ Anutu-nâŋec erao roweckeenjopenenj.” Hâc, eme weninuc? Hisikia e furu mârenj â Wofuŋ taha babacnere alata wiac ŋerawec i bârâriehuc Juda â Jerusalem ŋic zinuc jazawec, “Ŋoŋe Jerusalem haeo alata keczirec manfuŋko sawa dapehuc numunzepienj,” Wofuŋ Anutu ere mukomec me? ²³ Ajoc, bomboŋ-nane, Asiria ŋicwofuŋ hâcne, ehec fuŋŋe babataninjie banic me! Eme honenanj: No becâsic 2 tausenj garepemu, goki ine becâsicko rara ŋic irec sâc jaha sâcne bâfuac-jopacmu me weninuc? ²⁴ I eipiehuc ine wemocko bomboŋ-nanere kinanji wawahane janeraonec momori micne mocjaha mac sâcne jâpetec risieocmu? Eme go inucnezi ine keretac â ŋic becâsicko rarare Aigita janerao zâŋe fihuc juekic! ²⁵ Me weninuc? No Wofunzi

mi mana-nareha mâren̄ zi râsi ecnehuc ima qapemurâ wefupo me? Aricne, Wofuŋ e ziŋuc nazawec: Go ferâ mâren̄ keci râsi ecnehuc ima qazemec.’ ”

²⁶ Eme Hilikiare ŋokâ Eliakim â Sebena â Joa jaŋe Rabasake ziŋuc âzâcnembiŋ: “Kiŋaŋŋicfâcge nâŋe Aramaio dânko dân nâzâzemec, nâŋe dân i sâcne manan̄gopenen̄; ŋic ŋokac qânâsacko ŋen̄gopien̄ jaŋere maio nâŋehēc Hebiraio dânko muc manac mi ezemec.” ²⁷ Rabasakezi ine muwec: “Hâc, dân bajukopac i bomboŋ-nanezi ŋoŋe â bomboŋ-ŋen̄ic ŋoŋe sawa ŋazapemurâ sorecnuwec me? Aricne, e ŋic qânâsacko ŋen̄gopien̄ â ŋoŋehēc mâmâc ho fâzi-ŋen̄ic nân̄iŋte mukicne jaŋerao mâmâc mupemurâ sorecnuwec.”

²⁸ Rabasakezi iŋuc murâ ra mai domahuc Hebiraio dânko hahan̄ne bahuc ziŋuc muwec: “Ŋicwofuŋ sâko, Asiria ŋicwofuŋ hâcne, ere dân manan̄iŋ! ²⁹ Eki ziŋuc mukac: ‘Ŋoŋe Hisikia manacnepie mi eatuc-ŋopazejec, e nore meonec batarac-ŋopaocte tâpiri mi focnekac. ³⁰ Erâ ziŋuc muhuc Wofuŋtao rowecken̄iŋte ŋazame mi mananzepien̄ wâc: Wofuŋ e jâmbomac batarac- nâpoocmu, ehuc hae sâko zi Asiria ŋicwofuŋte meo feocte mi manaocmu.’ ³¹ Asiria ŋicwofuŋzi ziŋuc mukacte Hisikia dân̄ticne mi mananzepien̄: ‘Ŋoŋe nohec wama babac erâ haeonec wahan̄zepien̄; iŋuc erâ ŋoŋe sasawa ŋaŋacne wain̄ â nemuja nâhuc junzepien̄, erâ opâ i ŋaŋacne nombân̄konec fiarâ nâhuc junzepien̄ wâc. ³² Iŋuc ehuc juhapie noni fâ fisirâ mâren̄ mocko jowac-ŋopa rapemu, mâren̄ i ŋaŋacne

mâreŋ iŋucne, ira padi mecne, waiŋ mecne, nânâ mecne, waiŋ gie mecne oliwa jâc mecne â baŋac mâmâc forakac hâcne. Irec ŋoŋe ira mi hâhâmo jurazihuc junzepieŋ. Eme Hisikiazi ea-tuc-ŋopahuc ziŋuc mume mi mananzepieŋ: Wofunzi batarac-nâpoocmu. ³³ Ŋicguru gâcne jaŋere nemuzi mâreŋ-jeŋic Asiria ŋicwofuŋ ere meonec moc batarambiŋ me? ³⁴ Hamati â Arapada hae ja-here nemufâc weni? Sefarawaim â Hena erâ Iwa hae jaŋere nemu jaŋe weni? Â Samaria mâreŋte nemufâc jaŋe weni? Jaŋe Samaria nore meonec moc batarambiŋ me? ³⁵ Me mâreŋ irec nemu sasawa jaŋeraonec mozi mâreŋ-ticne nore me-onec batarawecte Wofunzi Jerusalem hae nore meonec bataraocte muŋgopieŋ?”

³⁶ Jaŋe ine mâc fâsâerâ domahuc dân moc mi bâtikiecnembiŋ, i ŋicwofuŋte dân moc ziŋuc fowecte iŋuc embiŋ: “Ŋoŋe dân moc mi bâtikiecnenzepieŋ.” ³⁷ Eme Hilikiare ŋokâ Eliakim, ŋicwofuŋ fite micne juwec, e â qâreŋŋic Sebena erâ Asafare ŋokâ, micne sâko Joa hâcne, jaŋe ŋaqi-jeŋic bâsuckerâ Hisikiarao risierâ Rabasakezi dân muwec irec binan bacnembiŋ.

19

Judaŋic Sanheribe ere meonec batarac-jopakicne

(Bin II 32:20–23; Jes 37:1–38)

¹ Eme ŋicwofuŋ Hisikia e dân i manarâ ŋaqi-ticne bâsuckerâ târuzi mateŋ heme hume Wofuŋte ufunko fewec. ² Erâ ŋicwofuŋ fite micne Eliakim â qâreŋŋic Sebena erâ taha bapa

kâcqene sasawa jañe wâc târuzi matenñ hepie hume Amozire ñokâ, porofete Jesaja hâcne, erao sorec-jopame rambinñ. ³ Rarâ âzâcnembinñ: “Hisikiazî zîñuc mukac: 3oanñ zîzi funñmoc, fîfîc gugurinñ â bâbâtinñ erâ miminehec, erâ naru motec fuazo ehâpie ñokac jañe rocjopaninñte eip-ienñgopienñ irec sâc. ⁴ Rabasake e Anutu jujune musorinñkeocte bombonñ-ticne, Asiria ñicwofunñ hâcne, eki soreme ware dân muwec sasawa i Wofunñ Anutugezi manawec mecne; manawecko mume okacne fuacnezejec. Irec go ñic nâfocne junñgopienñ jañere erâ numuzemec.” ⁵ Eme ñicwofunñ Hisikia kinñanñicfâcne jañe Jesajarao fisirâ ⁶ dân âzâcnepie Jesajazi zîñuc jazawec: “Bombonñ-ñenñic âzâcneninñ, ‘Wofunñzi zîñuc mukac: Asiria ñicwofunñ kinñanñicfâcne jañe musorinñnuhuc dân mupie manamenñ irec mi hâwicguzejec. ⁷ Manakic, no manñ bâsîfuc ecnepemu eme sawadânñ manarâ mârenñ-ticnao risiezejec, risieme mupe e jahacne mârenñko zîkare nânâ ezejec.’ ”

⁸ Asiria ñicwofunñzi Lakisi hae biac behewec, Rabasake e risiehuc dân inñuc manarâ ra Libina hae rune jañehuc qaqaç eha bâfuawec. ⁹ Asiria ñicwofunñ e Etiopia ñicwofunñ Tirihaka ere dân binñe zîñuc manawec: “Manakic, e gohec zîka qaocce biac warehuc jukac.” Eme Hisikiarao zîñuc muhuc kinñanñ râec-jopame rambinñ: ¹⁰ “Ñone Juda ñicwofunñ Hisikia zîñuc âzâcneninñ: ‘Anutugezi mi eatucguzejec; go erao roweckehuc zîñuc mukicte mukopac: Jerusalem haezi Asiria ñicwofunñ ere meo mi feocmu. ¹¹ Manakic, Asiria

ŋicwofuŋ jaŋe mâreŋ sâc wiac qacne gâpâcne ejarehuc sipiric-jopambiŋ i go gahac biŋene manameŋ. Irec go wemocko sisipiriczi hetir-icguocmu? ¹² Me mamacfâc-nane jaŋe ŋic gurune gurune bâsirowec-jopambiŋ i jaŋere nemuzi moc bafic-jopambiŋ me? Ine Gozaŋ, Haran, Rezefe â Eden hae rune Telasa mâreŋko jumbiŋ jaŋere mukopac. ¹³ Me Hamati â Arapada â Sefarawaim â Hena â lwa hae i jaŋere ŋicwofuŋ jaŋe weni? ”

¹⁴ Eme Hisikia e kiŋaŋ fisimbiŋ jaŋere me-onec papia rorâ wosehuc Wofuŋte ufuŋko ferâ Wofuŋte maio qaratiewec. ¹⁵ Qaratierâ ziŋuc muhuc Wofuŋ numucnewec: “Anutu Tâpiri Quŋqasaŋ Wofuŋ, Israere Anutu, go kerubim jaŋere faicnao ŋehuc juekic, go mocjahazi mâreŋ ŋicne ŋicne jaŋere Anutu, goki hâcne sambân â mâreŋ bâfuac-jofameŋ. ¹⁶ O Wofuŋ, go hazec râerâ manac; o Wofuŋ, zâŋe firâ honec; erâ Sanheribez i Anutu jujune go musoriŋguocte dân râeme warewec i mana-fârezemec. ¹⁷ O Wofuŋ, Asiria ŋicwofuŋ jaŋe jâmbomac ŋicne ŋicne mâreŋ-jeŋichec imac-jopambiŋ. ¹⁸ Ehuc nemu qâŋ qâqâtâcfâc-jeŋic i zocko beheç-jopapie zacjopa-fârewec; jaŋe nemu fârine aricne, jaŋe jâc â qânâ, ŋicmezi ba akic ekicne hâcne; irec bâsirowec-jopaniŋte mi eipiemiŋ. ¹⁹ O Wofuŋ, Anutu-nâŋec, zi ine ere meonec batarac-nâpoc, eme mâreŋ ŋic gurune gurune jaŋe gore ziŋuc mana taranzepien: Wofuŋ e mocjahazi Anutu.”

²⁰ Eme Jesaja, Amozire ŋokâ hâcne, e Hisikiarao dân ziŋuc râeme rawec: “Wofuŋ Israere Anutu eki ziŋuc mukac: Go Asiria ŋicwofuŋ Sanheribe ere

numu-naremeñ. ²¹ Irec Wofuñ no ere dân zĩñuc mukopac:

“Ñokac zeñoñ, Zioñte otâ hâcne,
e qaisocguhuc mu âke sisic egarekac,
â Jerusalemte otâ eki râpefunğao
gâwie-garekac.

²² “Go mo âke sisic ecnemeñ â mo sâke itic ecne-
meñ?

Go mo musoriñkehuc penaron zâñe fitec
fewec?

Israere Tiri rune no hâcne iñuc enaremeñ!

²³ Go kiñaññicfâcge jañere micko dân râehuc
Wofuñ no musoriñnumeñ, ehuc mumeñ,
‘No keretac- nane bocjahare tiki botâñne
fefârepo,
erâ Lebanon qañeñnao fisipo.
No jâmâzâc-ticne zoricne zora
â wetejâc-ticne biane i qafarapo;
no tiki-ticne zoricne zora fejâmbânkepo
â jâckâte-ticne fârine ira wâc hupo.

²⁴ No nombân rope opâ fuame nâpo,
erâ kike tape-nanezi Aigita mâreñte opâ sâko
sasawa
âtec-jopape kereñ señseñkeminj.’

²⁵ “No iñuc fuaocete esecne manape fowec
â mârâc sasac jaha mana biric epo i go mi
manameñ me?
Zi ine mupe fuakac,
eme go hae sanañ ima bacjopatec tuhu fuaze-
jec.

26 Necjucfâc-ticne jañe ine tâpiri-jen̄ic wahame
fâfârehuc qurutuambiñ,
jañe gîeo monzani wiac â kecqani geune
erâ wâc fîcbupuo hofâ qinziñ fuarâ soka
sokahuc
jaha ururuckeekac, irec sâc embiñ.

27 “Go waha ñeekic me fahare raekic me ware
fisiekic
i no manaekopac,
erâ kimben̄i qahuc râsi enarehuc juekic
i kâuc mi baekopac wâc.

28 Go râsi enarehuc jukicte
â pepec penaron̄gere biñe hazec- naneo
huwecte
no hawic-nanezi sâkegao hehawicguhuc
micko kiki-nane micgao râepe razime
hata waremen̄ ijaha egarepe risie razemec.

29 “Hisikia go ine wiac kecziñuczi ma egareze-
jec: Jara zîrec mañnao wiac sasawa e ja-
hac fuakac i nânzepien̄, jara faicnao sâc ijaha
enzepien̄, erâ jara namba 3 ira ine ñoñe ñañac he
sarac â qa roro enzepien̄, ehuc wain̄ gie sarapie
fârine fuame nânzepien̄. 30 Eme Juda kikefun̄te
zikare nâfocne juniñmu, ñic zanzañne hâcne,
jañe juwicpec gâtâ mocwâc baniñmu â faicpec
fârine bâfuan̄iñmu. 31 Eme Jerusalem haeonec
ñic zanzañne â Zion̄ tikionec zikare nâfocne jañe
ñeratierâ juniñmu hâcne. Wofuñ nore zoqaczi
wiac in̄uc bâfuaocmu.

32 “Irec Wofuñ no Asiria ñicwofun̄te ziñuc
mukopac: E hae kecziñec mañnao mi wefuzejec,

ehuc tepe wâc qâtâcneme maŋnao mi fisizejec, erâ marohed warerâ sac huckeocce zae mi bazejec. ³³ E hae zirec maŋnao moc mi wewefu hata ware fisiweckoa risiezejec, Wofuŋ nore dân iŋuc. ³⁴ Iŋuc ecnehuc no nahacnere â kiŋaŋŋic-nane Dawidi ere erâ hae zi ŋezickehuc râsire meonec batarapemu.”

³⁵ Eme Asiria momori jaŋe teuŋ-jenicko tumannerâ ŋehapie Wofuŋte aŋelozi ŋafe ira fujarerâ ŋic 185 tausen qâhâmoc-jopawec, eme hae fureme ŋic gâcne jaŋe faharerâ mi qâŋqâŋ sawa forapie honec-jopanzerpien i! ³⁶ Iŋuc fuame Asiria ŋicwofuŋ Sanheribe e hae i beherâ mâreŋ-ticnao risie rawec erâ Niniwe haeo ŋec juc ewec. ³⁷ Eme ira damen mocko nemu-ticne Nisiroka ere ufuŋko numuhuc juhame ŋokâ jahec-ticne Adiramelec â Sareze jahe zikazi qâhâmopic. Eme Ararata mâreŋko wisepire ŋokâ-ticne Esahadon eki tucticne qarâ ŋicwofuŋ juwec.

20

Hisikia hucsâko bawec (*Bin II 32:24–26; Jes 38:1–22*)

¹ Damen ira Hisikia e hucsâko bame hâmozo ewec. Ehame Amozire ŋokâ, porofete Jesaja e erao fisirâ ziŋuc âzâcnawec: “Wofuŋ e ziŋuc mukac: Go wiacfâcge mâzoc-joparâ zawiec, go qiqic mocwâc mi qahuc hâmo-jâmbânkecmu hâcne.” ² Iŋuc mume Hisikiazi sâpeopec forisierâ Wofuŋ wira wâwâsic ecnewec. ³ Ehuc ziŋuc muwec: “O Wofuŋ, no gore maio siocmâc â maŋhâcbuc jupo, ehuc goki manatec biankeekac

i hâcne ebac epo, go irec manasuc mac!” Hisikia e injuc murâ ki kâcqene kiowec. ⁴ Eme Jesaja e hae zoŋa zâzâŋiŋ i mi behehame Wofunŋe dânzi erao zinjuc fuawec: ⁵ “Go risierâ ȳic ȳokacfâc-nane jaŋere fekicne Hisikia zinjuc âzâcnec: Apage Dawidire Wofuŋ Anutu e dân zinjuc mukac: No nunumuge â kiuuge i hone manac ekopac. Manakic, no qiqicne bacgupe; zoaŋ gie bapa jahec â moc tarame go Wofunŋe ufuŋko fecmu. ⁶ Eme no jara 15 mocwâc zuhucke-garepemu. No go â hae zirec rune ȳoŋe Asiria ȳicwofunŋe meonec batarac-ȳopapemu. Erâ no nahacnere â kiŋaŋȳic-nane Dawidire erâ hae zi ȳezickepemu.” ⁷ Eme Jesajazi muwec, “Jâmbo poroŋ bawarerâ wiczâhâcko râepie qiqic qazejec.”

⁸ Injuc mume Hisikiazi Jesaja zinjuc wiocnewec: “No Wofunzi bâpiaŋnume zoaŋ gie bapa jahec â moc tarame Wofunŋe ufuŋko fepemu irec ma i wemo wiac jaha fuaocmu?” ⁹ Injuc wiome Jesajazi muwec, “Wofuŋ e mupaŋkewec irec sâc eraonec wemo ma moc gorao fuaocte mukic? Nâkumuczi zuhuckerâ zoraocte me risierâ bembenkeocte mukomec?” ¹⁰ Injuc mume Hisikiazi muwec, “Nâkumuczi zoraocmu i wiac afecne, irec sifu bembenkezejec.” ¹¹ Injuc mume porofete Jesajazi Wofuŋ wâsickewec. Injuc eme Wofunzi nâkumuc bâmbembenkeme Ahazire ufuŋ zaeo damen zoricne fowec.

*Babe ȳicwofunŋe kiŋaŋȳic Hisikiarao fisimbiŋ
(Bin II 32:27–31; Jes 39:1–8)*

¹² Dameri ira Baladanŋe ȳokâ zâŋene Mero-dac-Baladan, Babe ȳicwofuŋ hâcne, e papia

â bubianṭe wiac Hisikiarao râeme rawec. E Hisikia huc bame foku mocwâc qiqic qawec irec biṇe manawecte iṇuc ewec. ¹³ Eme Hisikia e irec bubianṭ manarâ kiṇaṇṇic jaṇe borenṭ zeṇaṇṇic-ticne jowatuwec, ine siliwa mecne, gol mecne, wiac âsu bianṭhec mecne, wokemaṇ furi sâko mecne â zikare wiac irec fic mecne, erâ wâc moneṇ borenṭficko wiac forawec i sasawa jowatu-fârewec. Ñicwofuṇ ficticnao â mârenṭ-ticne sasawao wiac fofârewec i Hisikiazi moc mi hesoṇke-jarehuc jowatu-fârewec hâcne. ¹⁴ Eme porofete Jesaja e ñicwofuṇ Hisikiarao ra ziṇuc mu wioc ecnewec: “Ñic keci jaṇe wemo dânṭ gazambienṭ erâ wenirec ware fua-garembienṭ?” Hisikiazi muwec: “Jaṇe mârenṭ zorickonec, Babe haeonec hâcne norao ware fisimbienṭ.” ¹⁵ Eme muwec: “Jaṇe figao wemo wiac honembienṭ?” Hisikiazi muwec: “Jaṇe ficnaneo wiac fokac sâc hone-fârembienṭ, no borenṭ zeṇaṇṇic-naneo wiac moc mi hesoṇke-jarepac.”

¹⁶ Iṇuc mume Jesajazi Hisikia ziṇuc âzâcnewec: “Anutu Tâpiri Qunṭqasaṇ Wofuṇ ere dânṭ manac!

¹⁷ Manakic, dameṇ moc maickeocmu ira wiac sasawa figao fokac i mecne, erâ mamaçfâcge jaṇe juwefuhuc borenṭ mafa wiac râe guruc ejumbienṭ i mâmâc Babe mârenṭko barâ raniṇmu; wiac huṇṭaṇne mac moc mi foocmu, Wofuṇzi iṇuc mukac. ¹⁸ Ehame ñokâfâcge fua-gareninṭmu jaṇeraonec gâcne wâc bacjopa raniṇmu, eme jaṇe Babe ñicwofuṇ ere ficko kiṇaṇ qaqa erâ juniṇmu.”

¹⁹ Eme Hisikiazi Jesaja ziṇuc âzâcnewec: “Wofuṇte dânṭ nazakomec i bianṭne.” E ziṇuc manahuc

muwec: No nahacne juju damen̄ko wama â ju-juhâmo foocmu hâcne.

Hisikiazi hâmwec
(Bin II 32:32–33)

²⁰ Hisikiazi wiac sasawa ebac ewec â tâpiri-ticnere fun̄ne, erâ opâ kanan̄ bawec â opâ hata bahuc fâreme haeco fisiwec irec binan̄ sasawa i Juda ñicwofuñ jan̄ere Binan̄ Qâhâc papia qizecko qâren̄ke-fârekicne. ²¹ Eme Hisikia a apa ñosafâc-ticne jan̄erao zuhuckehuc hâmwec. Ehame ñokâ-ticne Manasezi tucticne qarâ ñicwofuñ juwec.

21

Manasezi ñicwofuñ juwec
(Bin II 33:1–20)

¹ Manase e jara-ticne 12 bazurâ fun̄kerâ ñicwofuñ ehuc Jerusalem haeco juhame jara 55 tarawec. Nen̄goc-ticnere zâñe Hefiziba. ² Manase e Israe ñic jan̄e ñic gurune gurune jan̄ere mâren̄ko raziniñte Wofun̄zi mâren̄ rune jopa jâpec ejarewec jan̄ere eebapa repicne i Wofun̄te zâñe faio ebac ewec. ³ Erâ mamac-ticne Hisikiazi furu mâren̄ hetâtie-fârewec i mocwâc heqârerâ barawec. Ehuc Israe ñicwofuñ Ahabazi ewec irec sâc ehuc Baali nemure alata barawec â Asera nemuqân̄ herâ âkendân̄nehuc sambân̄ko bâpin̄ guru dindin̄ jan̄e dape-jarehuc kin̄an̄ qa-jarewec. ⁴ Erâ Wofun̄te ufun̄ko alata bame ñerawec. Alata in̄ucnere hâcne Wofun̄zi zin̄uc muwec: “Jerusalem haeco nore zâñezi sawa fozec.” ⁵ Erâ Wofun̄te ufun̄ irec hae zon̄a jajahec

ira sambânko bâpiñ guru dindiñ jañere alata bame ñerawec. ⁶ Erâ ñokâ-ticne qâhâmorâ taha bâzi rikewec. Erâ fanfan â sowidân mumu i ebac ehuc fanfanđân mumu â qanğec bapa ñic jañehc muc manac ewec. E Wofunțe zâñe faio hehesic boc ehuc Wofun manbâiñ ecnewec. ⁷ Wofun e Dawidi â ñokâ-ticne Salomo ufunțe dâñ zîñuc jasawec, i Manasezi qâsuahuc Asera nemure qâñ qâqâtâc baakic erâ ufunko heme ñewec: “Zâñe-nanezi ufun â hae zira ranqa foocte Israe ñic gurune gurune jañeraonec Jerusalem hae bâwosâepo. ⁸ Erâ no Israe ñic apa ñosafâc-jenñic mâreñ jarepo zirecnec ejarepe kosa rac warec mocwâc mi eniñmu. Jañe wiac sa-sawa mutâcne-jarepo irec sâcko aimuñ jaha ebac ehuc kiñanñic-nane Mosezi sâcmutâc ejarewec i mana rereñ eniñmuo ine iñuc hâcne fuaocmu.” ⁹ Eme jañe sifu dâñ irec hazec mi râembiñ. Ehuc Wofun e Israe ñic jañere maio ñic gurune gurune bâsirowec-jopawec jañere hehesic i Manasezi bâdoc-jopame sirickehuc enqârânkembîñ.

¹⁰ Eme Wofunzi kiñanñicfâc-ticne porofete jañere micko dâñ râehuc zîñuc muwec: ¹¹ “Juda ñicwofun Manase e Amori ñic juwicnao jumbiñ jañe wiac ebac embiñ i sirickehuc wiac hehesicne â repic qapicne zî ebac eekac. Ehuc Juda ecneme qâñ qâqâtâc-ticnao siñkehuc sindan eekac. ¹² Eme irec Israere Wofun Anutu e zîñuc mukac: Manangopien, no Jerusalem mecne â Juda kikefun mecne jañerao wiac hâhâwicne bâfuape moc e irec biñe manarâ fâfâreocmu. ¹³ No Ahaba uucmañ-ticnere fune

bataniŋkehuc â Samaria mârenŋe sâc bapa muc fârepo ijaha Jerusalem haeo fârepemu. Ehuc ŋic moczi oto wiac-ticne zure bâkeren eekac irec sâc noni hae i zure bâkeren erâ herisiepemu. ¹⁴ Erâ biŋefâc-nane zanzaŋne jaŋe beheç-jopa sanaŋkehuc kisâfâc-jeŋic jaŋere meo râec-jopapemu. Inuc ejarepe jaŋe zikare biŋe ehuc kisâfâc-jeŋic jaŋere nânâ enzepien. ¹⁵ Wiac i apa ŋosafâc-jeŋic jaŋe Aigita mârenkonec wefumbiŋ irecnec fuŋkerâ juwarehuc mai-naneo wiac hehesicne ehuc maŋbâiŋ enarembiŋzi enareengopiente inuc hâcne fua-jarezejec.”

¹⁶ Manase e bahacmâcko soc mâretec hoŋkeme Jerusalem hae qaŋeŋne ŋifeckonec ŋifec qatarawec. Erâ ekizia wâc Juda kikefuŋ ejareme Wofuŋte zâŋe faio hehesic bâfuambiŋ.

¹⁷ Eme Manasezi wiac sasawa ebac ewec â hehesic bâfuawec, i sasawa Juda ŋicwofuŋ jaŋere Binaŋ Qâhâc papia qizecko qârenke-fârekicne.

¹⁸ Manase e juku apa ŋosafâc-ticne jaŋerao zuhuckehuc hâmome e jahacne fic heririŋko Uzare gie fowec ira duckemiŋ. Ehame ŋokâ-ticne Amoni tucticne qarâ ŋicwofuŋ juwec.

Amoni ŋicwofuŋ juwec

(Bin II 33:21–25)

¹⁹ Amoni e jara-ticne 22 bazurâ fuŋkerâ ŋicwofuŋ ehuc jara jajahec Jerusalem haeo juwec. Nengoc-ticne zâŋene Mesulemi Jotiba haeonec ŋic moc zâŋene Haruzi ere otâ. ²⁰ Amoni e mamac-ticne Manasezi ewec irec sâc jaha ehuc Wofuŋte zâŋe faio wiac mamakâcne ewec. ²¹ E mamac-ticnezi hata âtehuc qâŋ

qâqâtâc kiŋaŋ qajarewec ijaha âte-fârehuc kiŋaŋ qajarewec â araŋ bajarehuc dape-jarewec. ²² E apa ŋosafâc-ticne jaŋere Wofuŋ Anutu ere hatao mi rahuc e jahacne wâc râpeckewec. ²³ Eme kiŋaŋ qaqaŋâc-ticne jaŋe kamierâ râsi rocnehuc ŋicwofuŋ e ficticnaoa qâhâmombiŋ. ²⁴ Eme ŋic ŋokac jaŋe ŋicwofuŋ Amon kamierâ râsi rocnehuc qapie hâmwec ŋic i jaŋe wâc qâhâmoc-jopambiŋ. Ehuc ŋokâ-ticne Josiazi tucticne qarâ ŋicwofuŋ juocte âkendâŋnemiŋ. ²⁵ Eme Amonzi wiac sasawa ebac ewec irec binari i Juda ŋicwofuŋ jaŋere Binaŋ Qâhâc papia qizecko qâreŋke-fârekicne. ²⁶ Eme Amon e hâmome e jahacne zâŋeruŋ gufukicne Uzare gielo fowec ira duckemiŋ. Ehame ŋokâ-ticne Josiazi tucticne qarâ ŋicwofuŋ juwec.

22

Josiazi ŋicwofuŋ juwec (Bin II 34:1–2, 8–33)

¹ Josia e jara-ticne 8 bazurâ funkerâ ŋicwofuŋ ehuc Jerusalem haeo juhame jara 31 tarawec. Nenŋoc-ticne zâŋene Jedida e Bozikata haeonec ŋic moc zâŋene Adaja ere otâ. ² Eme Josia e Wofuŋte zâŋe faio wiac sasawa ebac eme sâcke-fârewec. Erâ apa-ticne Dawidire kike hata i âte sifuckehuc razî âte wefu âte moc mi ehuc ijaha bâjâpe-fârewec.

³ Eme Josia e ŋicwofuŋ jume jara 18 eha Mesulamte ŋosa Azalia ŋokâ-ticne qâreŋŋic Safari e ŋicwofuŋzi ziŋuc muhuc Wofuŋte ufunko sorewec: ⁴ “Go taha bapa sâko Hilikiarao

rarâ âzâcnetec Wofun̄te ufun̄ko monen̄ bafisipie motâc son̄aṇ jaṇe ñic ñokac jaṇeraonec rorâ qâzuckembiṇ i wosezejec. ⁵ Erâ monen̄ i Wofun̄te ufun̄ hone son̄aṇ een̄gopien̄ jaṇere meo râezejec. Eme jaṇe gien̄ic Wofun̄te ufun̄ bâpian̄keniṇmu jaṇe gie furi jaren̄zepien̄. ⁶ Ine hâcne, kamunda â fic bapa â qânâ rârae ñic, erâ katapa me ufun̄ bâpian̄kezore qânâ he qâfâuc ekicne irec furi wâc mâmâc ezejec. ⁷ Monen̄ raocmu irec fun̄ne manazore mu wioc mi ejarezo. Jaṇe monen̄ mejen̄icko râeniṇmu i aijakic jaha ebac eniṇmu hâcne.”

⁸ Eme taha bapa sâko Hilikiazî qâren̄ñic Safaṇ dân̄ zîṇuc âzâcnewec: “No Wofun̄te ufun̄ko sâcmutâc dân̄te papia qizec bâfuapo.” In̄uc âzâcnerâ papia qizec i Safaṇ râcneme wosewec. ⁹ Eme qâren̄ñic Safaṇ e ñicwofun̄tao risierâ dân̄ bin̄aṇ ecnehuc zîṇuc âzâcnewec: “Kiṇaṇ qaqa fâcge jaṇe ufun̄ko monen̄ foekac i rofârerâ Wofun̄te ufun̄ hone son̄aṇ een̄gopien̄ ñic i jaṇere meo râembiṇ.” ¹⁰ In̄uc murâ zuhuckerâ ñicwofun̄ dân̄ zîṇuc âzâcnewec: “Taha bapa Hilikia e papia qizec moc narejec.” Safaṇ e in̄uc murâ ñicwofun̄ wosecnewec.

¹¹ Eme ñicwofun̄ e sâcmutâc papia qizecko dân̄ fowec i manarâ ṇaqi qoruc-ticne bâsuckewec. ¹² Ñicwofun̄ e in̄uc ehuc taha bapa Hilikia â Safaṇte ñokâ Ahikam â Mikajare ñokâ Akaboro, erâ qâren̄ñic Safaṇ â ñicwofun̄ e jahacne kiṇaṇ qaqa, zân̄ene Asaja, jaṇe dân̄ zîṇuc muhuc jaza sorec ewec: ¹³ “Apa ṇosafâc-nân̄ec jaṇe papia qizec zira dân̄ qâren̄kekecne fokac i ren̄kehuc irec sâcko wiac ebac mi embiṇte Wofun̄te kimben̄

hâhâwicnezi fai-nâñecko fekac. Irec ñoñe rarâ papia qizec zira dân fome bâfuakicne irec erâ no nahacne â ñic ñokac â Judanjic sasawa nâñere erâ Wofuñ mu wioc ecnenzepienj.”

¹⁴ Injuc jazame taha bapa Hilikia â Ahikam â Akaboro â Safañ erâ Asaja jañe Harihasire ñosa Salum, Tikiwa ñokâ-ticne hâcne, ere ñonâñ Hulidazi Jerusalem hae ñondenñe moc zâñene Dâkâne Jajahec ira porofete ñokac juwec erao rapie dân muc manac embiñ. Ñowe-ticne Salum e ine ñicwofunje ñaqi soñañ juwec. ¹⁵ Eme ñokac eki zinjuc jazawec: “Israere Wofuñ Anutu e zinjuc mukac: ‘Norao sorec-ñopajec ñic e ra âzâcneniñ, ¹⁶ Wofuñ e zinjuc mukac: Manakic, no Juda ñicwofunzi papia qizecko dân sasawa wosejec irec fârine i hae mâreñ â ñecjucfâc-ticne jañerao bâfuapemu. ¹⁷ Jañe no râpecnuhuc mejeniczi qâñ qâqâtâc wiac bahuc aaric bâfua-narerâ nemu gâcne hosâc âsu rike-jarembiñ, irec kim-beñ-nanezi mi hâhâpo bârunkehuc jaha foocmu hâcne. ¹⁸ Eme ñoñe no mu wioc enareninje sorec-ñopajec Juda ñicwofuñ e zinjuc âzâcnenzepienj: Go dân wosemenj irec Israere Wofuñ Anutuzi zinjuc mukac: ¹⁹ No hae mâreñ â ñecjucfâc-ticne zi jañe sâwecte biñe ehuc omaeninje dân mupo i man-arâ ñaqi qorucge bâsuckehuc nore maïo kiomenj â manje bârisiehuc norao rume-jâmbânkemenje no wâc mana-garepo. ²⁰ Irec go zinjuc manac: No apa ñosafâcge jañerao zuhucgurâ zâñerunḡao wamao râecgupemu. Ehame hae mâreñ zira wiac repicne bâfuapemu i zâñe fârigezi moc mi honecmu.’” Injuc jazame jañe risierâ dân i

ñicwofuñ âzâcnembiñ.

23

Josiazi eemasañ gie bawec
(Bin II 34:3–7)

¹ Eme Josia e dân râme rame Juda â Jerusalem sonañ jañe erao tumañne-fârembiñ.

² Tumañne-fârepie ñicwofuñ â Judaniç â Jerusalem hae rune, erâ taha bapa â porofete â ñic ñokac fekiecne â wahakicne jañe zenngoma Wofun̄te ufun̄ko fembiñ. Ferâ ñehuc manahapie ñicwofun̄zi Wofun̄te ufun̄ko zâzâfictē papia qizec bâfuakicne ira dân fowec i wose-fârewec. ³ Wose-fârerâ ñicwofuñ e wâtun̄ heririn̄nao domahuc Wofun̄ bâjâpehuc man̄ â mamasasu-ticnezi sâcmutâc â mumutanin̄ dân â dân̄sanañ sonañkerâ zâzâfic papia qizecko dân qâren̄kekiecne fowec i ebac eocte Wofun̄te maio mupan̄kewec. Eme ñic ñokac jañe in̄uc jaha mupan̄ke-fârembiñ.

⁴ In̄uc epie ñicwofun̄zi taha bapa sâko Hilikia â taha bapa gâcne sasawa erâ motâc sonañ jañe Baali â Asera nemu â sambân̄ko bâpin̄ guru dindin̄ jan̄ere manasuhuc râqâc bapie ñerawec i Wofun̄te ufun̄konec bârârienin̄te jazawec. Ehuc wiac i Jerusalem hae upeo Kidoron̄ mâren̄ko rikec-joparâ zafe-jen̄ic hezurâ Bete haeo barawec.

⁵ Erâ Juda ñicwofuñ juwarembin̄ jañe Juda hae sâc â Jerusalem hae rârec rârec ira furu mâren̄ko hosâc âsu rikenin̄te taha bapa âkendân̄-jopambin̄ i ekizia bârâriec-jopawec. Ehuc Baali nemu, mosa zoañ erâ bâpin̄ zân̄e-jen̄ichec â guru dindin̄

gâcne jaŋere hosâc âsu rikehuc jumbiŋ ŋic i jaŋe bârâriec-jopa-fârewec hâcne. ⁶ Erâ Asera nemure qâŋ qâqâtâc i Wofunŋte ufunŋkonec rorâ Jerusalem hae upeo Kidoron opâo bahu rikerâ henzaŋ qanzaŋnerâ uucne ameckerâ ŋic ŋokac omane jaŋere zâŋerunŋ gieo tiewec. ⁷ Erâ Wofunŋte ufunŋko ŋokac jaŋe Asera nemure ŋaqi wiac fujumbienŋ ira boe sau ŋic jaŋere fic ŋerawec i wâc hetâtie-fârewec. ⁸ Erâ Juda hae sâc nemu araŋ bajarembiŋ taha bapa i jaŋe mume fisirâ honehapie hosâc âsu rikehuc jumbiŋ furu mârenŋ i Geba haeonec funŋkerâ ima baraku Bere-Seba haeo fisiwec. Erâ haesac motâc qanaopec, hae irec kia kâcŋene, zâŋene Josua, ere motâcko fanfan jaŋere furu mârenŋ fowec i wâc imackewec. ⁹ Eme taha bapa keci jaŋe Jerusalem haeo Wofunŋte alatao bâzi rikenzipinŋte aka hejarekicne. Mâc taha bapa âgofâc-ŋenŋic jaŋere ŋondenŋko juhuc poronŋ gorenŋ tâmiric nâninŋte mana-jarekicne. ¹⁰ Erâ ŋic moczi ŋokâ me otâ-ticne Moleke nemure bâzi rikezacte Hinom ŋokâfâcne jaŋere wânenŋko Tofete hae newec i wâc inuc jaha imackewec. ¹¹ Erâ ŋicwofunŋte fic irec soŋaŋ moc juwec, zâŋene Nataŋ-Melec, ere fickopec Wofunŋte ufunŋ motâc heririnŋ ira Juda ŋicwofunŋ jaŋe zoaŋ araŋ bacnehuc ere biŋe becâsic mutiric-jopapie jumbiŋ i wâc bârâriec-jopa-fârewec. Erâ zoaŋte biŋe keretac ŋerawec i wâc inuc jaha rikefârewec. ¹² Erâ Juda ŋicwofunŋ jaŋe Ahazire fic fenŋaŋne faic irec bupunao alata bapie newec i mecne â Manasezi Wofunŋte ufunŋ hae zoŋa jajahec ira alata bame newec i wâc mâmâc

hetâtierâ henzan qanzañneme uucne eme rorâ Kidoron opâo beheme huwec. ¹³ Erâ Oliwa tiki juwicnao Jerusalem hae zoaŋ wewefunao ira Israe ñicwofuñ Salomozi Sidonñic â Moabi ñic â Amonñic jañere nemu repicne Asitorete â Kemosi â Milikom jañere furu mâreñ barawec i wâc hetâtie-fârewec. ¹⁴ Ehuc qâñ wâtun â Asera nemure qâñ qâqâtâc doma rawec i hetâtierâ henzan qanzañnehuc jañere dodoma tacko ñic jañere siec guruckewec.

¹⁵ Erâ zuhuckerâ Bete haeo Nebate ñokâ-ticne Jeroboamzi Israe ñic ejareme hehesic bâfuahuc alata â furu mâreñ bapie ñerawec i wâc inuc jaha hetâtierâ qânâ wiac i henzan qanzañnekume uucne fuawec. Erâ Asera nemure qâñ qâqâtâc i wâc zoczi rikewec. ¹⁶ Josia e inuc erâ forisie tikio zâñerun gufukicne ira siec fome honewec. Honerâ kiñan sorec-jopame ra ro bafisipie Anuture ñiczi wiac sasawa irec findandân muhuc Wofunte dâñ mutaniñkewec irec sâcko alata faio rikehuc bâbiewec. ¹⁷ Inuc erâ muwec, “Raecko ocna wemo wiacte qânâ ma honekopac?” Inuc wiome hae rune ñic jañe zinuc âzâcnembiñ: “I Anuture ñic ere zâñerun. Eki hâcne Juda mâreñkonec warerâ, Bete hae zira alata henzan qanzañnekomec irec findandân muwec.” ¹⁸ Inuc mupie Josiazi muwec, “Behepie fozejec. Moczi moc siec-ticne rorâ mi bârâriezejec.” Eme irec jañe siec-ticne mi bârâriehuc Samaria mâreñkonec porofete moc fisirâ hâmowec ere siehec behepie ijaha fowec. ¹⁹ Eme Israe ñicwofuñ jañe Wofuñ manbâiñ ecnehuc Samaria hae sâc furu mâreñko ufuñ bapie

nerawec i wâc Josiazi bârâriewec. E Bete haeco ewec irec sâc jaha ejarewec. ²⁰ Erâ furu mâren̄te taha bapa hae mâren̄ ira jumbin̄ jañe alata faio joparâ fai-jen̄icko ñicsiec gâcne rikewec. E in̄uc efârerâ Jerusalem haeco risiewec.

*Josiazi aakic homban̄ mocwâc fun̄kerâ ñewec
(Bin II 35:1–19)*

²¹ Eme ñicwofun̄zi ñic ñokac zin̄uc jaza mutâc ewec: “Ñoñe zâzâfic papia qizec zira dân̄ qâren̄kekiecne fokac irec sâcko Wofun̄ Anutu- ñen̄icte aakic homban̄ i mocwâc son̄an̄ken̄zepien̄.” ²² Aakic homban̄ in̄ucne i mumutara ñic jañe ñic jañerao mumutara gie bahuc jumbin̄, me Israe â Juda ñicwofun̄ juwarembin̄ damen̄ ira moc mi fuawec. ²³ Ñicwofun̄ Josia e gie bahuc jume jara 18 eha fun̄kerâ Jerusalem haeco Wofun̄te aakic homban̄ i son̄an̄kepie fowec.

Wofun̄zi Juda aaric manacnehuc juwec

²⁴ Eme Josia e zuhuckerâ fan̄fan̄dân̄ mumu ñic â hafec qan̄gec bapa ñic â qân̄ qâqâtâc â nemuqân̄, erâ wiac mamakâcne sasawa Juda mâren̄ko â Jerusalem haeco fowec i bârâriec-jopafârewec. Erâ i taha bapa Hilikiazi Wofun̄te ufun̄ko papia qizec bâfuawec ira sâcmutâc dân̄ qâren̄kekiecne fowec i dopeckehuc in̄uc ewec. ²⁵ Juwicnao ñicwofun̄ juwarembin̄ jañe e in̄ucne juhuc Mosere sâcmutâc dân̄te sâcko man̄ â manasu â tâpiri-jen̄ic furu jaha Wofun̄tao râepie mi fowec. Me faicnao e in̄ucne wâc moc mi fuarâ jumbin̄.

²⁶ Erâ sifu Wofuñ e Juda kimbenj sâko qacnewec i mi fâre wahawec. E Manasezi manjbâinj ecnewecte injuc hâcne ewec. ²⁷ Irec Wofunji zinjuc muwec: “No Israe zâñe mai-naneonec bârâriepo irec sâc jaha Juda bârâriepemu. Erâ Jerusalem hae no nahac bâwosâepo i wâc behe sanankepemu. Erâ zâñe-nanezi ufuj zira foocte mupo ufuj i wâc injuc jaha behepemu.”

Josia hâmowec
(Bin II 35:20–27)

²⁸ Eme Josiazi wiac sasawa ebac ewec irec binanj i Juda ñicwofuñ janjere Binañ Qâhâc papia qizecko qârenke-fârekicne. ²⁹ Josia e ñicwofuñ juhame Aigita ñicwofuñ Farao Neko e Asiria ñicwofuñtao Eufrata opâo fewec. Ehamer ñicwofuñ Josia e bâfuaocete rame Farao Nekozi honerâ Megido haeo qâhâmowec. ³⁰ Qâhâmome kinanj qaqaâcne jaje qânqân-ticne keretac mocko râerâ Megido haeonec Jerusalem haeo barambinj. Erâ e jahacne zâñeruj gufukicne ira duckembinj. Ehuc ñic ñokac jaje Josia ñokâ-ticne Joahazi rorâ wokemanj ruacnehuc mamac-ticnere tuc qarâ juocete ñicwofuñ âkendânembinj.

Joahazizi damenj bembenje mac ñicwofuñ juwec
(Bin II 36:1–4)

³¹ Joahazi e jara 23 bazurâ ñicwofuñ ehuc mosa jahac â moc Jerusalem haeo juwec. Nengoc-ticne zâñene Hamutali Libina haeonec ñic moc zâñene Jeremia ere otâ. ³² Eme Joahazi e apa ñosafâc-ticne jaje embinj irec sâcko Wofunje maio mamakâcne ewec. ³³ Eme Farao Neko e Joahazizi Jerusalem haeo ñicwofuñ mi juocete

manasuhuc Hamati mârenko hae moc, zâŋene Ribela, ira kâpâcwâru ficko râewec. Ehuc Juda mâren rune jaŋe siliwa ŋemâc-ticne 100 â gol ŋemâc-ticne 100 jaha Farao e jahacne biŋe râcnehuc juniŋte mujarewec. ³⁴ Erâ Josiare ŋokâ Eliakimzi mamac-ticnere tuc qarâ juocte ŋicwofuŋ âkendâŋnehuc zâŋe-ticne herisierâ Jojakim muwec. Ehuc Joahazi rorâ Aigita mârenko barame ira hâmwec. ³⁵ Ehame Jojakimzi Farao siliwa â gol râcneniŋte mukicne i râcnehuc juwec. Erâ e Faraozi muwec irec sâc moneŋ râcneniŋte mâren ira sahac taha râârâe hata i fuŋkewec. Ehuc Farao Neko râcneocte mâren irec ŋic ŋokac jaŋe siliwa â gol fojarewec sâc râeniŋte mupaŋke-jarewec.

Jojakimzi ŋicwofuŋ juwec
(Bin II 36:5–8)

³⁶ Jojakim e jara 25 bazurâ ŋicwofuŋ ehuc Jerusalem haeo jara 11 juwec. Nengoc-ticne zâŋene 3ebida e Ruma haeonec ŋic moc zâŋene Pedaja ere otâ. ³⁷ Eme Jojakim e apa ŋosafâcne jaŋe embiŋ irec sâcko Wofuŋte maio wiac makâcne ewec.

24

¹ Eme Jojakim e ŋicwofuŋ juhame Babe ŋicwofuŋ Nebukanezazi fisime jara jahec â moc ere kiŋaŋŋic juwec. Juku ine maŋrâŋŋen bâfuacnewec. ² Eme Wofuŋzi kiŋaŋŋicfâc-ticne porofete jaŋere micko dâŋ râewec irec sâcko râsi fisihuc Juda bâsiroweniŋte Wofuŋzi ŋic guru ziŋuc sorec-jopawec: Kaldea ŋic â Siria

ñic â Moabi ñic erâ Amonñic. ³ Erâ Manasezi hehesic sasawa ebac ewec irec erâ Wofunzi zâñe mai-ticnaonec bârâriec-jopaocte e jahac mutâcnewec inuc hâcne Judarao fuawec. ⁴ Erâ Manase e bahac tâmiricko soc honkewec irec wâc mâmâc. E bahac tâmiricko soc honkeme Jerusalem hae sâcke-fârewec hâcne. Irec wemocko Wofunzi kin bebehere moc muzac. ⁵ Jojakimzi wiac sasawa ebac ewec irec binan i Juda ñicwofun janere Binan Qâhâc papia qizecko qârenke-fârekicne. ⁶ Eme Jojakim e apa ñosafâcne janerao zuhuckehuc hâmomme nokâ-ticne Jojakinzi tucticne qarâ ñicwofun juwec. ⁷ Inuc eme Babe ñicwofunzi Aigita ñicwofunte mâren sasawa Aigita opâonec raku Eufrata opâo mickekac i rofârewecte Aigita ñicwofun e mâren-ticne beherâ ira me ira mocwâc mi rawec.

Jojakin â ñic fekicne Babe mârenko kâpâcwâru bacjopa rakicne
(Bin II 36:9–10)

⁸ Jojakin e jara 18 bazurâ funkerâ ñicwofun ehuc mosa jahec â moc Jerusalem haeo juwec. Nengoc-ticne zâñene Nehusita e Jerusalem haeonec ñic moc zâñene Elenatan ere otâ. ⁹ Jojakin e mamac-ticnezi wiac sasawa ebac ewec irec sâc jaha ehuc Wofunte zâñe faio wiac mamakâcne bâfuawec.

¹⁰ Ehame damen ira Nebukanezare kinan qaqaâc jâne Jerusalem haeo fisirâ hae i somâckembin. ¹¹ Eme somâckehuc fohapie jaha Babe ñicwofun Nebukaneza e Jerusalem haeo fisiwec. ¹² Ehame Juda ñicwofun Jojakin e

jahacne neȡgoc-ticne â kinȡȡ ȡaȡafâcne, erâ ȡic feȡicne â ȡicwofuȡ ficticnere micne ȡaȡe zengoma Babe ȡicwofuȡte meo fefârembiȡ. Joȡakiȡ e ȡicwofuȡ jume jara 8 ehame Babe ȡicwofuȡzi kâpâcwâru barâ barawec. ¹³ Ehuc Wofuȡte ufuȡko â ȡicwofuȡte ficko zengȡ wiac ȡewec i mâmâc bawisewec. Erâ Wofuȡzi mutâcnewec irec sâcko Israe ȡicwofuȡ Salomozi Wofuȡ ufuȡ-ticnere râȡâc wiac golzi bawec i wâc mâmâc henzȡȡ ȡanzaȡnerâ bawisewec. ¹⁴ Erâ Jerusalem hae rune â ȡic feȡicne erâ tai tâpîri-ȡeȡichec 10 tausenȡ kâpâcwâru bacjopa rawec. Erâ metâ bapa ȡic â aenȡi wiac bapa ȡic ȡaȡe wâc mâmâc, ȡic tâpîrihec moczi moc mi juhuȡȡȡȡewec. Mâc, ȡic ȡokac hapetac jâmbâȡȡ ȡaȡe sawa behec-jopame mârenȡ ira jumbiȡ. ¹⁵ Eme ȡicwofuȡ e Joȡakiȡ rorâ Babe mârenȡko barawec. Ehuc neȡgoc-ticne â ȡonâȡfâc-ticne â micnefâc-ticne erâ mârenȡ irec ȡic feȡicne ȡaȡe rocjopa-fârerâ kâpâcwâru bacjopahuc Jerusalem haeonec Babe mârenȡko amec-jopa rawec. ¹⁶ Babe ȡicwofuȡ e ȡic zîȡuc kâpâcwâru bacjoparâ Babe mârenȡko amec-jopa rawec: Țic tai tâpîri-ȡeȡichec 7 tausenȡ, erâ metâ bapa â aenȡi wiac bapa ȡic 1 tausenȡ. ȡaȡe tâpîrihec â zîȡa ȡaȡare sâc sasawa. ¹⁷ Erâ Babe ȡicwofuȡzi Joȡakiȡte mamac pitic, zâȡene Matania e Joȡakiȡte tuc ȡarâ ȡicwofuȡ juocȡe âkendâȡnewec. Ehuc zâȡe-ticne herisierâ Zedekia muwec.

*Zedekiazi ȡicwofuȡ juwec
(Bin II 36:11–16; Jer 52:1–3)*

¹⁸ Zedekia e jara-ticne 21 bazume ŋicwofuŋ âkendâŋnepie juwec. Erâ Jerusalem haeo ŋicwofuŋ gie-ticne bahuc jukuham e jara 11 tarawec. Nengoc-ticne zâŋene Hamuta e Libina haeonec Jeremia wase-ticnere otâ. ¹⁹ Zedekia e Wofuŋzi wiac honeme sâqoreekac i hâcne ehuc juwec, ine Jojakimzi ejujec irec sâcko jâmbâŋ. ²⁰ Eme Wofuŋ e juku kimben-ŋicnere erâ Jerusalem â Juda beheç-jofawec.

Eme Zedekiazi Babe ŋicwofuŋ maŋrâŋgeŋ bâfuacnewec.

25

Jerusalem hae bawahakicne (Jer 39:1–7; 52:3–11)

¹ Zedekia e ŋicwofuŋ juhame jara 9 irec mosa 10 â zoaŋ gie bapa 10 jaha ewec damen ira Babe ŋicwofuŋ Nebukanezazi momorifâcne rocjopa-fâreme Jerusalem hae râsi fisicnembiŋ. Fisirâ hae somâckehuc rârec rârec zae bambiŋ. ² Inuc erâ somâ bahuc juwefukuhapie Zedekia ŋicwofuŋ juju damen-ŋicnere jara 11 maickewec. ³ Eme mosa jahec â jahec irec zoaŋ gie bapa 9 ira haeo roroc sâkozi qârâŋkeme hae mâren irec ŋic jaje nânâ basambiŋ. ⁴ Ehame râsi jaje haeo feninŋe tuŋzi sac âeckeku âkezupie hata fuawec. Eme ŋicwofuŋ e inuc epie honec-joparâ momorifâc-ticne jajeheç ŋafeo sac jajahec ŋonden-jekicko ŋicwofuŋte zariŋ gieo motâc moc domawec i fotâcnerâ wisembiŋ. Kaldea ŋic jaje hae sâko orâŋkehuc juhapie jaje mâren buroc-naopeç rambiŋ. ⁵ Eme Kaldea momori jaje

ŋicwofuŋ jâperâ raku Jeriko wânenko bâfuambin. Ehame momorifâcne jaŋe beherâ siŋsaŋ qambin. ⁶ Siŋsaŋ qapie râsi jaŋe ŋicwofuŋ rorâ Ribela haeo Babe ŋicwofuŋtao barapie eki dânťicne mutarawec. ⁷ Ehame zâŋe fai-ticnao ŋokâfâcne qâhâmoc-jopambin. Erâ Zedekia e jahacne ine zâŋe-ticne riporâ kâpâcwâruzi niŋgiŋkerâ Babe mârenko barambin.

*Judaŋic kâpâcwâruo bacjopa rakicne
(Bin II 36:17–21; Jer 39:8–10; 52:12–30)*

⁸ Nebukaneza e Babe ŋicwofuŋ juhame jara 18 irec faicnao mosa memoc â irec zoaŋ gie bapa 7 ewec damaŋ ira Nebuzaradaŋ e Babe ŋicwofuŋ momori funfunfâc-ticne jaŋere micne juhuc ŋicwofuŋte kiŋaŋ qahuc juweczi Jerusalem haeo ware fisiwec. ⁹ Fisirâ Wofuŋte ufuŋ â ŋicwofuŋte erific erâ Jerusalem haere fic kâcqene i zengoma zoczi turuŋkeme zafârewec. ¹⁰ Â Jerusalem hae râreckehuc qânâsac fowec i Kaldea momori, ŋicwofuŋ momori funfunfâcne jaŋere micne ehac jumbin jaŋe heroc qâropiembın. ¹¹ Eme Babe ŋicwofuŋte momori funfunfâc jaŋere micne Nebuzaradaŋzi ŋic ŋokac zanzaŋne gâcne haeo beheç-jopapie jumbin i jaŋe mecne â wiserâ Babe ŋicwofuŋtao zuhuckembın jaŋe, erâ ŋic ŋokac guru sâko gâcne jaŋe mâmâc bacjopa rawec. ¹² Ehuc ŋicwofuŋte momori funfunfâc jaŋere micne e mâren irec ŋic waha-kicne jaŋeraonec gâcne jaŋe waiŋ gie bahuc he sarac eniŋte beheç-jopame ŋembın.

¹³ Â Wofun̄te ufun̄ko aen̄ bâbâron̄zi wâtun̄ ba-
kicne domawec erâ râqâc irec neje wiac â opâ
râqâc sâko aen̄ bâbâron̄zia bakicne i Kaldea ñic
jañe hen̄zan̄ qan̄zan̄nerâ aen̄ bâbâron̄ i furu jaha
Babe haeo barambiñ. ¹⁴ Erâ kuzi â sapac â sâqe
â hosâc âsu ririkere râqâc, erâ aen̄ bâbâron̄zi
râqâc bakicne taha ufun̄ko gie bahuc bajumbiñ
i mâmâc sasawa bara-fârembiñ. ¹⁵ Erâ zoc uuc-
nere râqâc â oto piic i wâc mâmâc barambiñ.
Ine hâcne, wiac sasawa gol â siliwazi bakicne
i ñicwofun̄te momori fun̄fun̄fâc jañere micnezi
bara-fârewec. ¹⁶ Wâtun̄ jajahec â opâ râqâc
sâko â Wofun̄ ufun̄-ticnere râqâc irec neje wiac
Salomozi mume bambiñ, wiac i sasawa irec aen̄
bâbâron̄ i sigelio râràere sâc mi ewec. ¹⁷ Eme
wâtun̄ moc zoricne-ticnere sâc i 18 kubi.* Eme
wâtun̄ irec fainao utune moc aen̄ bâbâron̄zi barâ
hepie ñewec. Wâtun̄ utunezi 3 kubi irec sâc ferâ
domawec. Ehame utune rârec rârec ine eri qâren̄
mimize hawari inucne bapie fowec, â wiac moc
jâchândân̄ tinac birickepie doma rawec; wiac i
aen̄ bâbâron̄zi bafârekicne hâcne. Eme wâtun̄
moc sâc ijaha bakicne.

¹⁸ Ñicwofun̄te momori fun̄fun̄fâc jañere micne e
taha bapa sâko Seraja â babafic-ticne Zefania erâ
motâc soñan̄ jahec â moc jañe rocjopawec. ¹⁹ Erâ
Jerusalem haeonec micne sâko moc momori
jañere soñan̄ juwec e â juwicnao ñicwofun̄hec
jumbiñ ñic i jañeraonec 5 jañe haeoa juhapie
mâmâc rocjopawec. Erâ zuhuckerâ momori

* **25:17:** 1 kubi i sâcmeta moc 18 inses me 46 senti meta irec sâc.

micne ere qârenjic, mârenj irec njic jâne zika gie baniŋte qârenj-jopa jujec, e erâ njic 60 haeoa juhapie bâfuac-jopambin jâne inuc jaha rocjopawec. ²⁰ Momori funfunfâcne jaŋere micne Nebuzaradanj e njic i jâne hâcne rocjoparâ Ribela haeo Babe njicwofunj erao bacjopa rawec. ²¹ Eme Babe njicwofunji mume Hamati mârenjko Ribela hae newec ira hâcne qâhâmoc-jopambin. Ehuc Juda kikefunj gâcne jaŋe mârenj-jeŋickonec kâpâcwârueo bacjopa rambin.

Nic zanzanje jâne wiserâ Aigita mârenjko rambin

²² Babe njicwofunj Nebukanezazi njic njokac Juda mârenjkoa juninŋte beheç-jopawec i jâne hone mainj ejareocte Ahikamte njokâ Gedalia, Safanŋte njosa hâcne, e mârenj soŋanj âkendânnewec.

²³ Eme momori micne jâne njicfâc-jeŋic jaŋehaç hae mârenj ira sinŋsanj qarâ juhuc Babe njicwofunji Gedalia mârenj soŋanj âkendânnewec irec binje manarâ njicfâc-jeŋic jaŋehaç Mizipa haeo Gedaliarao ra fisimbij. Njic zinuczi fisimbij: Netaniare njokâ Isimae â Kareare njokâ Johananj, erâ Netofati njic moc zânene Tanahumeti ere njokâ Seraja e â Makati njic moc ere njokâ Jazania.

²⁴ Eme Gedaliazi jâne jaŋacne â njicfâc-jeŋic mupanke-jarehuc zinuc jazawec: “Njone Kaldea njic micne jaŋere mi hâwic-nopaoc. Njone mârenj zira juhuc Babe njicwofunj kinanj qacnehuc sâcne juhâmonijnmu.” ²⁵ Ehame mosa 7 ira Netaniare njokâ Isimae, Elisama njosa-ticne hâcne, e njicwofunj garikinŋfâc-ticne jaŋeraoneczi njic 10 jaŋehaç râsi fisirâ Gedalia qahuc Judanjic â Kaldea

ñic Mizipa haeo ehac jumbiñ jañe wâc mâmâc jopambiñ. ²⁶ Inuc epie ñic ñokac kâcçene â píticne, erâ momori jañere micnefâc jañe fa-harerâ Aigita mâreñko rambiñ, jañe Kaldea ñic jañere hâwic-jopame inuc hâcne embiñ.

Jojakiñ firuekicne
(Jer 52:31–34)

²⁷ Eme Juda ñicwofuñ Jojakiñ e kâpâcwâruo jukuhamé jara 37 â mosa 12 â zoaṇ gie bapa 27 tarame ine Babe ñicwofuñ Ewi-Merodaczi akickéhuc mume kâpâcwâruonec wahawec. Ine ñicwofuñ gie-ticne fuñkewec jara ira inuc ewec. ²⁸ Erâ âgo ecnehuc ñeñe-ticne bafeme ñicwofuñ gâcne ehac Babe haeo jumbiñ jañere ñeñe biri irec micnao ñewec. ²⁹ Eme Jojakiñ e kâpâcwâru ñaqi-ticne hetararâ ñicwofuñhec nânâ nâhuc jukuhamé hâmoc dameñ-ticne maickewec. ³⁰ Sahacte dope wiac irec zĩñuc ekicne: Babe ñicwofuñ e zoaṇ sâc dope wiac-ticne râcnehuc juhamé hâmoc dameñ-ticnao tarawec.

xcv

Kâte Bible
The Holy Bible in the Kâte language of Papua New
Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-11-22

PDF generated using Haiola and XeLaTeX on 11 Nov 2022 from source files dated 30 Nov 2021

76869875-8293-5126-8b67-c576c145ac3c